

駕姜瓖起兵大同已敗沒矣一妄男子自言從大同來偽作襄血疏求援又或投疏易名姓稱曹州蔣拱宸舉義復東吳者朝廷遂詫謂旦夕奏廓清馬吉翔首為導諷陷鹵簿備法駕戚畹王維恭債帥侯性嚴雲從輒矜豪侈李元允以將家子官環衛軍中故有樂部吉翔與諸戚弁日酣歌縱飲卿貳臺省稍相師師中夜炬燭相望識者為之寒心奇遇進講孟子禹惡旨酒義極言酒之為害能令人忘大憂而致大患禹為司空之日值時雍之世及為天子文教敷于四海猶凜凜于杯酌之閒不忍釋其三過之勞後世得此意者唯晉陶侃是以能再造晉室底定江東而懷

永麻實錄卷十七

四

愍之仇尙未能復雒秦之都尙未能返若欲以狂歌痛飲而坐收匡亂救亡之功亦必不可得之數矣上知奇遇意屢為稱善明年晉禮部尚書經筵如故郭之奇亦以杜永和薦且入矣而畏奇遇永和出師守嶺之奇乃隨之赴闕時詔選庶吉士令三品以上各薦主事以下繇科貢出身有文行未從賊口者一人就試奇遇以黃維瓌素節無虧文名夙著應詔薦上之奇因與兵部侍郎萬翱謀蠱杜永和言奇遇得維瓌賄翱與永和交章參奇遇奇遇抗疏辯事得直永和媿引罪去而之奇弗自懲也日思奪奇遇席繇此大拜王化澄亦畏奇遇之人直而軋已與之奇翱比

求以逐奇遇益亟奇遇恥與爭三疏乞骸骨歸未踰年廣東再陷奇遇走海上不知所終

黃公輔新會人中天啟壬戌進士歷仕至分守下湖南道參政兼副使廉介慈愼長寶人感其德政至今不衰以不合于巡按御史謝病歸永曆三年以清節不染召擢刑部左侍郎掌部事公輔已老無仕宦情特欲一陛見抒懷抱而已居數月乞骸骨歸未幾病卒

陳世傑字忝生南海人崇禎庚辰進士授中書舍人請假歸里永曆三年以抗節召見改翰林院編修已擢左春坊左庶子與蔡之俊同充日講官世傑樸直不以才著稍

永麻實錄卷十七

五

遷國子監司業行祭酒事見時事日詘遂謝病歸隱海上不知所終之俊湖廣江夏人字彥伯中崇禎己卯鄉舉以中書舍人歷參何騰蛟瞿式耜軍事與守桂林有功式耜齋遣至南圍迎駕奏對稱旨改翰林院編修充日講官擢右春坊右庶子與丁時魁同里相厚善時魁下詔獄給事中朱士鯤奏之俊為時魁黨不報之俊因謝病去隱西甯山中未幾病卒

劉遠生初名廣允以字行陝西富平人別號同菴少與弟湘客以文章氣誼名三秦開已乃出遊燕都傾動京邑而遠生以端重誠懇尤為人士所推重應鄉貢入太學授

州通判崇禎十七年張獻忠南寇東陷吉安西陷柳遊騎涉嶺境贛撫林一柱檄遠生監軍禦之遠生故便騎射習行伍調措得宜將士用命贛境以備已而進軍收復吉柳諸屬縣遠生功最以績聞會北都陷未敘光元年以前功擢兵部職方司主事贊畫南贛軍務李永茂撫虔九相器重既而萬元吉督師吉贛永茂遷兵部侍郎去遠生繇監軍道副使擢巡撫南贛會都御史與元吉守贛大小數十戰城守三月遠生出沒矢石開身先士卒援絕糧盡城陷督親兵巷戰遂見執○巡撫李秉元誘之降遠生不與交一語秉元囚之于獄獄吏見遠生長者尤欽重之釋械

永曆實錄卷十七

六

繫恣其客吏往來候問遠生故多養死士得其心至是密為佈置關津從獄中引遠生逸出開行遠廣東髮猶未鬚會上即位于肇慶陛見將擬用上遠西幸遂從駕至桂林上至武岡遠生惡劉承允不入與瞿式耜協守桂林上在南甯遠生陛見授刑部左侍郎隨上幸肇慶遠生熟諳典章朝廷草創一切未馴雅者遠生皆議正之器宇開亮與人無回護所至輒為諸武帥所慕重吳貞毓誘李成棟迎駕居廣州中外疑洵遠生奉命犒師與成棟語成棟慙懼乃止永曆三年遷兵部尚書提督京營戎政與大學士嚴起恆給事中金堡議為上開武備庫節用儲饒招練禁旅

奉上親征出楚督諸將為成戰計是年十月朔上為下詔親征遠生日夜規措稍有緒馬吉翔忌之通內暨夏國祥頻以太后旨取庫金他用起恆力爭之不得事遂漸寢永曆四年正月南雄陷馬吉翔忱上西奔杜永和請留駕上疑懼遣遠生及堡馳諭永和遠生冒風濤衝亂軍以輕舸至廣州致命歸而奏言永和奉詔固不敢阻留陛下行止但涕泣為臣言上西去則竟棄廣東付之還口諸忠義士隨成棟反正者亦付之還口令其殺戮為皇上畫此謀者亦何其慘也臣聞其言惻然無以對今或請兩宮暫移梧州而車駕暫留號召援兵永和他日之必不敢阻駕巨請

永曆實錄卷十七

七

以首領任之上聞其奏欲勿行而夏國祥遽奉慈聖步輦待于行宮門外傳懿旨促上登舟矣上至梧州詔獄起湘客逮問羣不逞嫉遠生甚而遠生素行敦重勿能伺其短隙者故免于難然浮沈怨忌間無能復自効見乃自請出催桂林諸將兵出楚得勅遣之遠生至桂林居兩月桂林陷遠生走匿靈川山中茅屨布衣與弟湘客泊中書舍人管嗣裘兵部主事朱昌時悲吟唱和孔有德聞其名欲招致之遠生益匿孫中得脫永曆六年李定國攻復桂林遠生就見之定國以專征自大倨見文武舊臣遠生至肅然起迎遠生與抗禮無所詘從容勸定國盡忠戴上天國尤

欽信焉定國下湖南雷遠生守桂林激厲土兵控扼平柳
捍口全線馬三將之兵屢擊卻之定國戰于衡州不利線
國安乘勝復拔桂林達生退入谿峒憂患成疾卒

湘客字客生別號端星少爲名諸生博涉治古文詞尤工
爲詩楷草書皆入能品壯遊燕吳交四方搢紳人士諳習
朝廷典故陝西陷賊湘客避亂出見達生官于贛遂依以
居慨有當世志爲贛撫李永茂所器賞隆武中薦于朝
授汀州府推官考選擢山西道御史闖陷走廣東上踐祚
湘客與擁戴李永茂疏薦湘客爲三秦人望可大用王坤
惡其不謁己假御筆抹斥之永茂怒致仕去翟式起尤重

永麻實錄卷十七

八

永麻實錄卷十七

九

湘客才奏改翰林院編修充日講官坤復阻之爲輟口講
上自桂林出全州劉承允以兵入見馬吉翔與相比黨承
允奏請封吉翔及郭承昊嚴雲從伯爵御史毛壽登疏論
之侍講周鼎瀚故與王坤交善與湘客有郤乃謂承允曰
壽登疏湘客所草也湘客與諸臺省在外謂公爲董卓承
允怒奏給事中萬六吉御史吳德操及湘客壽登號四虎
把持國政裁損功臣矯旨縛之闕下將杖之廷臣跪救不
釋承允佯跪伏求免乃釋之湘客落職時承允欲邀上幸
武岡湘客與翟式起言上宜返蹕桂林中制粵楚式起馳
疏諫上西行承允怒湘客繫罷而上遂決入武岡在廷無

敢止者湘客既斥避兵居柳州承允降上奔柳乃復湘客
職勅往桂協贊雷守軍務上幸桂進中允郝永忠潰掠桂
林上幸南甯勅湘客返桂安撫亂亡募義餽贊戰守湘客
殫力與式起爲歿守計桂平全皆底定及廣東反正上出
肇慶湘客入見擢侍讀學士朱天麟王化澄以湘客非科
目不當入內制忌摘之湘客不自安請外除遂用前御史
積資改都察院僉都御史協理院事與都御史袁彭年秉
憲綱裁正冒濫奏汰錢匡呂爾璵出臺匡爾璵皆因馬吉
翔進吉翔故怨湘客至是益甚遂日爲蜚語稱湘客與彭
年結科臣丁時魁金堡蒙正發結黨把持流傳宮中慈聖
太后信而惡之永麻四年上奔梧州吳貞毓等奉吉翔意
率羣不逞交參湘客堡時魁正發遂逮下錦衣獄掠治之
革職胥靡論湘客出獄無所歸客桂林達生奉勅至因依
以處數月桂林陷丁時魁降邀湘客出湘客不應匿緇流
中因鬚鬚髮得免李定國復桂林達生赴之湘客以曾與
金堡議不與孫可望王封疑不見定國定國顧往往就遠
生問湘客堡甚摯其後桂林再陷達生卒于嶺中湘客崎
嶇葬遠生匿賀縣山中未幾亦卒

走匿深山獻忠促令捕殺之其兄嗣箕爲應捕代歿會獻
忠去得免己而遊廣東故與蘇觀生善及是遇觀生於廣
州觀生立唐王聿錫授嗣裘給事中嗣裘竄匿優人舍中
得不拜僞命遂遁歸南嶽與行人王夫之舉義兵于衡山
戰敗軍潰走行在授中書舍人奉勅至平樂廣西陷匿靈
川山中冬月負敗絮採苦菜以食與劉遠生劉湘客朱昌
時行吟谿峒中以歿自誓李定國復桂林招遠生泊嗣裘
昌時出尤優禮之嗣裘見定國赤心不隨孫可望爲僭逆
曲說定國決策迎駕定國亦委意焉居軍中與議機務定
國之東攻肇慶也孫可望遣使羈縻之定國亦以孤軍外

永麻實錄卷十七

十

懸所向未利難卽與可望允遂姑通好可望故用張獻忠
七疊篆印定國承制鑄印給將吏嗣裘諫令皆反九疊至
是仍銷九疊印復七疊嗣裘日從臾定國遣使興隆候駕
定國猶豫未遣嗣裘大恚曰吾立身十餘年濱歿者數四
豈更從人作賊耶棄定國軍去將祝髮爲浮屠至脩仁不
知所終

朱昌時字若木直隸廣平人父口口爲沅州判官口兵至
城守被擒不屈遂遇害昌時蚤爲諸生稍通吟咏隆武中
大學士路振飛與昌時同里聞相知薦授推官永麻元
年擢兵部主事丁艱居桂林築草舍于靈川山中讀書自

適桂林陷御史吳德操給事中丁時魁待詔姚端皆降爲
孔有德所贍禮昌時深匿不出並日而食以歿自誓李定
國復桂林昌時同劉遠生守桂林復陷益走猪中積患
饑病以卒

永麻實錄卷十七

十

永麻實錄卷十七終

衡陽王夫之譚

二張列傳朱嗣敏 萬年策 周鼎翰 再闕附

揚重熙

劉季

魏

張家玉字子元廣東東莞人年十九中崇禎癸未進士改庶吉士卓犖不隨時俯仰北都昭家玉衣斬衰哭思宗皇帝于東華門扣額搶地血出被而宛轉號啼不能起賊守者義之縱之逸遂南奔歸里思文皇帝立于閩以薦召見上素重其節槩奏對尤稱旨授翰林院編修兼吏戶兵三科給事中為御營贊畫俄奉使至廣東未復命聞陷家居蘇觀生立唐王聿錫要家玉同事不聽上自肇慶以左

承麻實錄卷十八

二

承麻實錄卷十八

二

中允召家玉乃拜命道阻未赴李成棟陷廣州家玉毀家招義兵據東莞與陳子壯相應口巡撫王芋當崇禎末歷官僉都御史與家玉舊相知聞至是遣書敦勸家玉鬻髮出降略云楊子為我拔一毛而利天下不為軻也譏之先生何愛一毛而不以利宗族鄉鄰耶家玉得書大罵曰老賊不死乃敢侮孟子因答書責之曰兩都繼陷三君蒙恤玉謂公為國大臣必久已歿而尚存乎公豈不問哭先帝于賊廷者為誰而今欲以淫詞活君子之耳哉芋大怒遣兵攻之家玉泥險拒戰相持數芋益兵大至家玉騎馬督陣過水次馬驚墜水必義軍潰芋進兵屠之餘眾走

入海永曆二年廣東反正家玉弟以事聞詔贈家玉詹事府少詹事兵部侍郎謚文烈家玉詩材亢爽于軍中作悲憤詩百餘首其弟梓行之有云冥同喪狗生無賴縱比流螢灰有光其志操可睹矣

張同敞別號別山湖廣江陵人故大學士居正之曾孫也少超雋尚忠義為諸生有文名工詩歌悲壯開朗不為近今之調善行草及八分書崇禎三年上方崇綜核追錄居正功復其廕同敞意在科舉遲回未就久之乃應詔出補中書舍人崇禎十五年奉勅戒諭定蜀宗藩未復命而北都陷同敞奉哀詔哭踊絕食者數日自以世受國恩而蒙

先皇帝被濯家世恩紀尤重遂冠白網巾衣布素撤音樂以終其身所領朝參牙牌佩之出使未及繳至是中朝典物淪沒唯同敞牙牌獨存乃為度懸奉之每旦必躬躬修敬焉宏光中自以視居喪禮不入朝荆土陷賊漂泊江湖間思文皇帝立乃就闕陛見復錄居正邊功改錦衣衛指揮使非其好也以不欲沒祖功姑就之奉勅使湖南閩陷謁上于全州隨駕入武岡惡馬吉翔郭承吳恥與同列復就中書班改編修充誥勅撰文官擢侍講不合于劉承允奉勅出寓靖黔開永曆三年春崎嶇達桂林會何騰蛟敗沒于湘潭楚師驚潰入廣西依何文瑞文瑞不能禮

上命翟式耜兼督楚師式耜奏薦同敞忠勇負宿望當任以楚事乃以少詹事兼兵部右侍郎督師復楚同敞至州過人局度恢廓每鼓厲諸將輒流涕被面諸將翕然欽感之楚西諸帥馬進忠等皆奉節制同敞盡瘁行閱身無餘衣廚無兼肉尤為諸武人所重永曆四年春督諸軍下全州復東安圍永州糧不繼而退朝廷自失騰蛟經理錯亂散遣監督事權不一何文瑞以故督子仍督滇旅朱嗣敏以御史擢僉都監督志建軍萬年策以僉事自請纓擢兵部侍郎督王馬營馬進忠又自以意請毛壽登為其軍督唐誠吳李芳皆居喪墨經用翰林兼都院銜分督馬進忠

永曆實錄卷十八

三

王進才軍狼狽倚附諸將尤輕狎之同敞亦為所指擲莫能自行其志每午夜秉燭起歛歔悲吟以寄意永曆四年春大學士嚴起恆奏何文瑞忠勳之裔年少文弱當令讀書史館為皇上親臣不宜遣親戎行當舉楚事一委之張同敞則於國家大計與篤念世臣之恩竝行不悖上乃解文瑞兵柄一付同敞然所督者滇楊及馬養麟而已同敞行視嚴關與胡一青議守桂之策阻要害樹柵立壘以待馬進忠之東方圖進取會梧州詔獄起同敞疏言朝廷方在危迫不宜用北寺獄拷掠言官王化澄怒擬旨答云詔獄廷杖祖宗舊制爾獨不念爾祖居正之杖鄒元標乎同

敞大恚以辱詆其祖抗疏伸理尤為化澄所恨會于元煜自楚西來詣闕求督楚師化澄遂擢元煜兵部尚書兼副都御史盡督王馬滇楊之兵以奪同敞權元煜者故大學士慎行之孫昏耄猥墨尤為物論所不齒既至桂林飾女以嫁趙印選印選遂擁之為軍主與同敞抗滅胡一青軍食嚴關守兵皆餒一青退屯大榕江口孔有德來攻印選不援一青孤軍潰印選遠攜帑走有德進兵薄桂林同敞單騎麾兵皆驚散不聽同敞馳入城見翟式耜曰同敞不效于陣者為不欲曖昧自斃耳願與秉燭行酒各賦絕命詩是夕有德屯兵城西北火光燭城中城門無守者同

永曆實錄卷十八

四

敞據枕酣臥鼙聲如雷黎明起與式耜沐櫛整冠服坐署中從者皆散口兵入被執見有德同敞噴目戟手向有德曰麾下從毛將軍起海上受朝廷恩命官三品今國且垂亡吾以麾下為久矣而尚存耶或者吾殆見鬼乎有德大怒命壯士曳之仆地捶之折一臂一曰突出同敞大呼曰叛國賊速殺我國士不可辱也有德知不可屈命曳之出與式耜同繫有德遣降吏彭而述王三元來勸降式耜言四世受國恩為朝廷大臣但祈一死必無降義同敞曰先生奈何以此與戴犬豕頭人語迅雷豈為熱蟲設耶繫閒與式耜唱和詩各十餘首流傳人間金堡集而行之居

旬日有德復召之入置酒與飲殺肉置地鋪毯命坐同敞
植立不揖以足蹴肉傾之曰此犬豕食何污吾目有德令
置繩牀食案同敞不肯就坐曰囚首短衣豈飲食時耶有
德命取巾衫與之同敞正冠整襟向有德揖稱謝有德曰
汝固不揖我而今何揖也同敞曰麾下惠我以冠服我將
服之以次上見先皇帝于天下見先人于九原麾下真
善我次者吾知己也故揖謝乃就坐舉酒屬式耜曰先生
且強飲座中孰爲□□□皆我中國文武衣冠吏士特
一念之差遂成□□使孔參戎一轉念庸詎不可同爲社
稷乎有德目攝之明日遂遇害桂林不見雪者十五年

永麻實錄卷十八

五

矣同敞臨刑之日雪霰雜下林岫皆白雷電交作同敞顧
謂式耜曰此豈非先生及敞乎式耜笑而頷之同敞姿幹
清偉目灼灼光出睫外言笑軒爽文筆適勁給事中陳泰
來殉難于閩家人避難楚西搖峒游兵或擾之同敞大書
其門曰忠臣孝子之家烈風雷雨且將聽命而況人乎擲
筆顧坐客曰此志氣之必然無足疑者吾輩亦常有以驗
之其刑也果如其言致雷雪之異焉同敞晚生一子方在
祿桂林陷不知所之

朱嗣敏字兼五直隸懷龍人頗工詩善行書以諸生參江
督呂大器軍謀用功貢授衡陽教諭中湖廣丙戌鄉舉嚴

起恆奏授中書舍人歷粵楚軍中改御史監焦璉曹志建
軍擢僉都御史方受命桂平陷上奔南甯嗣敏崎嶇走賀
縣入志建軍中鼓勵志建固守不降未幾以疾卒嗣敏文
辯有餘非軍旅才其爲監督也坐嘯而已顧守正不媚阿
于彊帥張同敞重之

萬年策字獻之貴州平溪人以鄉舉任鄖陽府同知守鄖
有功擢監軍僉事丁憂歸里年策歷官疆場與馬進忠相
知聞及進忠湘潭劄退屯武靖閒年策赴之進忠自失何
騰蛟無所推承意年策習行伍可與共事年策亦款然自
任入見行在自請督楚師朝廷意其能得王馬諸軍要領

永麻實錄卷十八

六

遠擢兵部侍郎兼副都御史賜尚方劍出年策既無殊才
抑老矣不能馳驅奉命至靖州進忠屯新甯與相左□兵
猝至驚遁歸里凡自何騰蛟沒後楚兵星散請纓監督者
凡十餘人皆無一兵可將求附于諸將寓食而已其自以
起義召募成軍者唯劉季鏞揭重熙

揭重熙字祝萬江西臨川人蚤歲文思敏贍與同邑陳際
泰齊名以五經應鄉會舉中崇禎丁丑進士官主事光
中撫建汀贛之閩王宋三姓據簾子洞倚山爲寇張肯堂
李永茂勦撫之未定隆武元年江西陷重熙乃誘令歸正
爲義軍以抗□兵以事上聞授重熙僉都御史督江福義

旅重熙以便宜授諸渠帥劄官遂據撫州金聲桓反正檄重熙解兵重熙姑令退屯山中聲桓之自贛歸守南昌也雷劉一鵬守撫建相接應既而口兵圍合一鵬不能赴援南昌陷一鵬棄撫州走就重熙于山砦重熙收輯之與義軍合出攻臨川永豐興國迭有收復未能守也重熙問道入奏詔加兵部侍郎便宜行事軍既孤懸莫與策應兵冗糧絕眾漸離散口兵四面來攻大敗兵潰重熙遂遇害劉季鏞字安世江西吉水人大學士劉同升之子也隆武中以貢授翰林院待詔歸里吉安陷季鏞走湖南謁上于武岡改節討尋擢中允與周鼎瀚不合觸劉承允馬吉翔

永廉書錄卷十八

七

怒有旨謫外季鏞遂請終制已乃奉勅復原銜兼僉都御史聯絡江楚義旅墨縵行事季鏞志節清峻高自標舉故娶李元鼎女元鼎降口季鏞遂出其妻願年少喜功名無持重意輕何騰蛟與不相下銜勅問道走衡永所至慕義者津送之至鄱縣遂糾眾起號召響應復鄱茶陵興甯永興嘗諸縣以便宜鑄小印如拊大輒授副總兵職方主事以下文武吏及郡邑守令頗不擇人而授漸失物望何騰蛟厭而裁抑之永歷三年春騰蛟敗沒江西再陷季鏞所統義兵多駭散堵允錫標將彭嵩年向文明及金聲桓部將蓋遇時屯聚郴韶開季鏞收撫之尙未能得其要領

南至韶州將入見朝廷以其陳請繁疊薄之不召以兵部侍郎仍兼原銜出圖江楚帥標兵數百人至黃埠司民變起圍季鏞兵潰敗遂遇害季鏞兄伯欽仲錚皆清節士也伯欽字安期九敦長者行仕至太僕少卿以不羣髮爲口吏所執繫南昌獄不屈久之釋歸卒仲錚字安禮舉于鄉元節不仕口隱于梅川吉安人士慕文山遺烈不肯屈節者比肩相屬諸劉而外有廬陵甘永安福周珣歐陽霖陳觀周鼎瀚之弟鼎泗皆鄉舉也甘永字方不從萬元吉軍中題授兵科給事中兵敗走外周珣字以連文筆清放氣致超雋廬陵舉人黃震象鼎象兄弟固捍圖士南昌陷遂

永廉書錄卷十八

八

遣信納欵珣知其實請于萬元吉楊廷麟誅之廷麟不聽珣拂衣去震象兄弟果獻城內應吉安陷震象必欲殺珣珣走行在授行人不就官退隱樂昌山中卒觀字二止甘貧砥節自吉安陷與妻子訣寓食攸縣山寺粗糲不給或飲水以終日鼎泗字疇五授中書舍人亦未就官退隱梅川歐陽霖初名介字方然以瀘溪教諭陞北流知縣擢戶科給事中車駕幸肇慶請西出桂林與杜永和延爭棄官歸里閉戶食貧不通人事周鼎瀚字浩若江西安福人都御史口口之孫也以蔭官南京刑部主事家藏書數萬卷多諸秘本南曹簡暇鼎瀚

衡陽三夫之謨

袁洪曹列傳 戴國士 蕭琦附

袁彭年字介眉別號特邱湖廣公安人父中道萬曆丙辰進士禮部儀制司郎中工詩與兄宏道齊名彭年亦與兄祈年蚤立文譽以制義名家詩宗北地信陽闢為公安詩學者排詆備至時武陵楊鶴子嗣昌父子好惡相運庭議者謂楚人父子喜于相反亦習氣然也彭年中崇禎甲戌進士授淮安推官以法鈎致陳啟新褫衣杖之啟新志外繇是名動朝列以卓異徵赴考選薛國觀惡臺省異已聞

永麻實錄卷十八

九

瀚不得志就蓋遇時監督其軍遇時嘆其亢傲遂見殺鼎瀚夙以志節風操見重時輩驅馳思報國濱歿無降口志然不諳大體欲因緣就功名見嫉失所而歿聞者莫不惜之時有田闢者字茅公河南人中崇禎甲戌進士官廣東監司廣東陷匿韶郴間糾義旅自署督師閣部引兵至桂陽縣境兵不戢民稍困苦之民變起兵圍闢遂見殺

永麻實錄卷十九

奏上暫罷考選徵至者皆授部郎或補沿邊知縣明年上召對廷試進士授以科道官考選遂停彭年授禮部主事請告歸里荆土淪陷彭年避地江淮宏光初詣闕見乃改禮科給事中時楚事方棘彭年與御史江陵徐養心奏恢復大計根本在楚乞以前順天巡撫楊鶴督楚豫軍詔從之而馬士英方嚮用何騰蛟中格不行彭年故以亢直名既居省中與陳子龍吳适章正宸齊名時馬士英阮大鍼尤忌姜曰廣建安王府中尉朱統鎮應募上疏攻曰廣有逆謀詞連史可法呂大器張慎言彭年上言祖制中尉有奏請先令長史司具啟親王參詳可否然後給批齎奏若

以換授候考吏部則與外吏等應從通政司封進今何徑何竇直達御前微刺顯攻捕風捉影陛下宜加禁戰臣禮垣也事涉宗藩皆得執奏不聽馬士英欲以從逆爲驅陷東林名疏請誅逆言從逆諸臣彊半是正人君子之流彭年抄駁言從逆姓名傳播不一僉人乘間陽爲正人口實陰爲逆黨解嘲借今日討逆之微詞爲異日翻逆之轉語不至消國是而傾善類不已夫從來善類所歸別雜匪德東京盛名豈無逃死之張儉元祐鋼籍亦有幸免之元章二士作朋管華分席七賢寄傲山王同列豈因鄴宮一姓之惡遂毀銅臺全部之音唯是温公一信蔡京而紹述之

承麻實錄卷十九

二

禍旋起唐室一進逢吉而興復之業不終孔子曰君子而不仁者有矣夫未有小人而仁者也今日何獨疑之繇是爲馬阮所深忌已而詔錦衣都督馮可宗遣役緝事彭年上言高皇帝時不聞有厥相傳永樂十八年始立東廠命內臣主之此不見正史後唯萬安行之一盛于成化然西廠汪直踰年輒罷東廠向銘有罪輒斥當時不得稱純治矣再盛于正德則邱聚谷大用等倚附逆瑾煽虐釀十六年之禍天下騷然三盛于天啟逆總之禍幾危社稷是廠衛之興廢而世運之治亂因之先帝亦嘗任廠衛訪緝矣乃當時無不營而得之官有不脛而走之賂故逃網之方

卽從密網之地作姦之禁適以資發姦之人始猶帕儀交際爲人情所有之嘗後乃賍賄萬千成極重難返之勢豈非以與援之塗愈秘而專傳送之津愈曲而費乎徒使刁風所煽官長不能行法于胥吏徒隸可以迫脅其長上不可不革疏入殿旨切責謫浙江按察司照磨彭年既廢翱翔浙福開思文皇帝召補原官闕陷遂降于彭年以抗直擊負時重望然挾謀數工揣持不能濟于權勢故夙生大節無足取者李成棟薦之爲廣東提學副使閱兩歲江西反正舉兵圍贛州嶺海大震彭年故楚人聞何騰蛟堵允錫漸次復湖南北彭年與李元允交善知成棟有

承麻實錄卷十九

三

反正意因從臾之成棟召彭年入密室定計遂決策以廣東歸順上至肇慶錄彭年功擢都察院左都御史掌院事彭年嫻典制喜操切金堡丁時魁亦以其素望稍引重之遂奏請整綱紀慎黜陟重名器爲激厲忠義之用首疏參朱謀型繇宗室徑授僉都錢匡以金聲桓書辦無出身履歷又無尺寸功呂爾璵假稱舉人嚮身緹帥混跡臺端皆非法宜速黜之謀型主馬吉翔匡因緣吉翔得勅旨爾璵吉翔狎客也彭年故力攻之以裁吉翔權疏入諸躐級用者皆惴恐匡爾璵去謀型以出楚催援江軍得不奪職彭年既以主持臺綱裁抑恩倖自任而以意授李成棟令

具密疏攻擊故上亦薄而忌之羣失職者怨彭年彭年加
善為推卻移怨于金堡故堡斂怨尤深何吾騶于李成棟
薦入政府堡時魁惡之吾騶結通政使毛毓祥給事中李
用楫與堡時魁相齟齬彭年與吾騶皆因緣反正功大用
行止略同冀彭年之援已彭年恥與吾騶伍亟思自異乃
疏攻吾騶奏引私人紊亂國政吾騶亦訐其把持李元允
為平之皆不聽吾騶稱疾謝政去彭年亦不自安乃以慈
母歿乞假治喪請舊制大臣請治喪者皆如丁憂例三年
不得銷假得旨准假彭年遂解官居廣州彭年母與歿者
皆中道姬妾偶有拊摩恩未嘗受父命令慈養已于禮當

永廉實錄卷十九

四

服小功彭年以忿爭失望緣飾為引退計遂為制服如生
母其矯謗類如此永廉四年春南雄陷上將西奔彭年入
見懼上西去必有攻己者乃請勅督元允軍援廣州上既
至梧州吳貞毓等交攻彭年及堡時魁劉湘客蒙正發疏
十餘上有詔彭年有反正功置勿問而逮堡等下北鎮撫
司獄獄既成李元允入見彭年附元允至行在疏言臣與
四人同罪不當獨從寬宥請自詣廷尉服罪上優詔答之
彭年返肇慶是冬廣東再陷彭年匿民間已復出投款言
李成棟脅己反黃緣得免歸里挾策遊潛汙以詩自鳴未
幾歿梧州之獄彭年首見攻而獨見原貸議者謂五人同

案而堡等素節未虧重罹刑戍彭年獨以曾為降口畏之
不敢誰何當國者顛倒至是欲救危亡宜不得已彭年早
樹聲望宏光中尤以伉直為天下想慕風采既而隴節負
榮遂為士大夫所厭憎瞿式耜嚴起恆堵允錫皆重惡之
彭年知物望不厭益為募岸文過自矜金堡始以其習知
國憲不畏權倖獨與交好既而隨元允赴闕要君請罪既
得優旨施施自得堡亦自悔其失交時有戴國士者字初
士江西南昌人中天啟辛酉鄉試第一頗有文譽善結納
為聲望解學龍巡撫江西時降禮與交學龍以薦黃道周
被逮國士經營其閒因以清流自標榜馳書四方迎送賓

永廉實錄卷十九

五

客日不暇給時稱其家為東林茶館相傳其緘書糲日用
麪五升南昌陷國士降于口為辰沅道兵備副使已見江
西反正湖南恢復陳友龍兵且壓沅遂舉沅州歸順上疏
行在自署銜云比例部院舉人臣戴國士奏稱袁彭年為
總憲曹煜為樞部臣始末視彭年煜宜得如二人官知者
莫不笑之竝為彭年媿內批以硃斥其銜彭年顧不恤物
議為之護飾授巡撫偏沅僉都御史湖北再陷國士復據
沅州入于口自言通權變以緩明兵為口保全土地人民
事覺為口所殺沒其家

洪天擢號西崖直隸欽縣人中崇禎丁丑進士繇部郎陞

武昌知府以清剛子惠宜其士民崇禎末興國土寇呂瘦子作亂哀繼咸平之餘黨猶蠱動不息天擢撫慰安插乃大定崇禎十七年擢副使分巡下江防道武昌兵寇頻仍天擢自以恬素非禦亂才欲致仕去已而南都陷歸路絕不果移海南道駐瓊州天擢以瓊海阻大洋謂可粗安便之蒞任兩載斬撫黎漢得安堵隆武中求崇禎者日暮九卿天擢處海外爲安身計不通請謁故不遷隆武二年上卽位于肇慶安南請封給事中李用楫受命往歸至廉州

永廉實錄卷十九

六

已盡去更爲誰守唯宜早遣納欵以全百姓用楫方服所賜一品服天擢怒孽其玉帶曰公此帶出誰所賜而作此語也拉碎之奮臂批用楫頰部民謀起逐用楫顧用楫以此渡海走欽州兵不至遂得至南甯達行在而天擢阻海守成棟盛兵來攻城垂陷天擢投纆墜地不歎成棟雅重天擢調護備至天擢不能自堅乃請以降順歸農成棟畱之軍中未遣歸既反正天擢以與謀歸順功特詔起用擢吏部左侍郎天擢素無宦情又以名節不全用反正功居卿貳悒悒不自理恆稱疾不視事絕葷酒閉戶誦佛書李用楫懷見逐之怨又畏其揚己海外大言也每朝會必

以氣凌轍之天擢積不能忍顧用楫歎曰天擢不幸求死不得耳公言天下已盡去更爲誰守今日已得主公勉力盡忠玉帶尚可補也用楫赧退繇是恨天擢刺骨永歷三年天擢九乞骸骨得請去寓高州高州守將李明忠驕憤無度以賄結用楫爲兄弟用楫爲之地遽以無尺寸功加宮保封恩平伯因與用楫爲腹心交用楫謂明忠曰天擢舊官海外有異寶爲少宰復受多金可襲殺之我保其無他明忠夜發卒攻天擢殺之殲其家童稚無免者掠其賁不滿百金明忠歎曰給事第欲報私怨而使我殺此窮老措大耶事露用楫方與王化澄吳貞毓比遂無致詰者天

永廉實錄卷十九

七

擢門人武昌鄭古愛欲擊殺用楫于廷用楫匿免曹煜河南人崇禎辛未進士歷官分守蒼梧道按察副使隆武二年冬上卽位于肇慶煜與府江道唐紹堯同與擁戴紹堯擢戶部侍郎煜僉都御史巡撫廣西已而廣東陷上西幸煜守梧州永曆元年正月李成棟遣副將楊大甫張月自高州進兵來攻師甫至郊煜出迎降櫬所屬守令歸附鬱林知州王華玉北流知縣歐陽霖抗節不屈煜遣兵捕之華玉霖走南甯得免成棟仍留煜署巡撫已而遣巡撫耿獻忠至煜乃客寓廣州依成棟以居會成棟反正煜獻忠皆不次擢用獻忠拜工部尙書煜兵

部左侍郎掌部事華玉霖交疏攻之詔不問時江楚閩蜀

大鎮數十擁兵殆百萬四方紳士義民起義者接踵而上

出肇慶將度嶺親征皆踊躍請命奏報填委燭才既猥下

又以降吏依成棟得掌樞政益澳阿苟容凡疆場戰守機

宜駕馭爵賞部署兵馬皆昏愔弗能理奉行詔旨給予劄

印口勿勿不暇給下櫛科參持兩端職方郎中南海唐元

楫與煜同年進士又嘗與煜同降口相為比暱元楫尤貪

猥不知恥堂司互相蓋覆四方奏使排闥叫號凌轍無紀

煜婉受而已白隆武來諸帥進退不復吝中樞取決率以

意為行止積成瓦解上即位始用林佳鼎以左侍郎掌樞

務稍務振攝未幾佳鼎親帥兵與蘇觀生戰敗沒王化澄

繼之茸闕無度部權復替化澄入直蕭琦繼之蕭琦者字

韓若江西廬陵人素有文望頗自矜名節及驟遷九卿遂

以賄為命鬻武弁劄至十餘金而得副總兵銜積金帛鉅

萬以數艦載至象州舟覆盡沒于潭琦亦病沒至是煜愈

竄壤日奉諸將鼻息彼嫌此礙怨惡叢之煜益窘絀是四

方益輕朝廷分崩銷蝕以迄于亡永厯四年春南雄陷上

西奔梧州煜遂不從請勅督東粵諸軍畱守肇慶是年冬

肇慶再陷煜走外

永厯實錄卷十九終

永厯實錄卷十九

八

永厯實錄卷二十

船山遺書二十六

衡陽王夫之議

童郭炎萬程魯列傳

童天閔湖廣施州衛人中崇禎庚午鄉舉宏光中以推官

請纓因馬士英得陞見擢兵部職方司主事歸施州調募

楚黔土漢兵入衛未赴南都陷遂入閩上疏自陳思文皇

帝召見之天閔軀幹魁偉言論誇誕思文皇帝悅之擢僉

都御史監御營軍閩陷走歸施州上至武岡天閔入見與

劉承允比遠擢戶部尚書武岡陷復走歸施州永厯四年

復入見于梧州矣貞毓欲逐晏清天閔與貞毓相結納擬

貞毓旦夕遷吏部則已復戶部時天閔方居母憂適二十

五月遂亟欲除喪自著禪論一篇謂禪者淡也孝子之心

至此而可以淡則除喪受王事正其時矣見者莫不憎笑

之俄延聞兵逼梧州上奔海南天閔走將歸施州中道

死

郭之奇字叔子廣東東莞人中崇禎戊辰進士授河南

知縣崇禎八年特詔推知行取者考授詞林之奇得改

翰林院簡討漸陞侍講之奇既以賄得史職迫不能償其

所賄乃緣例乞外遷典文得改副使提督學政被劾職

家居宏光初下詔起廢之奇以不謹削奪不得與久之乃

永厯實錄卷二十

一

因馬士英赴闕遠自削革中用內批擢詹事府少詹事禮部侍郎南都陷走歸里隆武中起川未赴已同蘇觀生擁立唐王聿錫○兵至遂就李成棟乞降永曆二年廣東反正上在肇慶之奇屢求入朝廷以其忤競賄謁不之召明年內降勅以原官召用之奇恐入而不見容也遂結杜永和爲外援永和出守梅關赴闕陛辭之奇隨之入忌黃奇遇之清望軋己而欲奪之與萬翱謀思所以陷之奇遇應詔奏薦舉人黃維璟品行文學應闕試得俞旨之奇乃與翱宴永和酒酣具言維璟以美妾一金千兩賄奇遇薦己永和遽志曰吾輩出死力爲朝廷守一隅土坐令人雍容

永曆實錄卷二十

二

受賄耶願謂之奇公胡不言之奇曰吾與奇遇同官言則嫌于相軋公爲朝廷虎臣當擊去之即撲殺于廷亦無不可永和曰文臣不言則人將謂我越俎之奇願翱曰萬司馬願爲公先驅然非公露章奇遇黨援甚固莫能動也翱亦知事無根甚願之奇對永和屬己王化澄力從與之且恃永和威力謂必濟遂疏攻奇遇如之奇言永和疏繼入上素知奇遇端介得疏駭怒姑令奇遇回奏奇遇疏稱維璟之文行貧富與臣薦維璟之爲公爲私天地鬼神鑒之臣不肩辯惟是之奇翱結勳帥要朝廷誣斥經筵近侍不知何心上竝令之奇回話已而永和知其誣也自悔爲

之奇所給面奏寢其疏勿行上切責之奇姑置勿問奇遇事得白遂請告去之奇乃與吳貞毓程源萬翱比與大獄于梧州驅逐異己之奇遂拜禮部尙書之奇之將入也朝士皆知其險陂冒競將益壞國事故沮折經年顧之奇營交內外終難抑止而朝廷建立三四年來搢紳衰落呂大器李若星李永茂旣以志不行無意再起北方久陷寂不知有嶺海立國事矣浙阻遠舊臣或潛避山谷略聞音息終莫能起唯南望愴歎或賦詩寄意而已當上初立舊臣如萬元吉楊廷麟劉同升郭維經皆旋死事詔徵用者文安之王錫表郭都賢李陳玉印司奇尹民興劉若金俱中

永曆實錄卷二十

三

道阻不得達熊開元倪嘉慶輩又皆披緇放浪江湖無興復志闕蜀搢紳稍有至者率庸猥無足采或復寒士起草茅大用之類皆斗筭劣瑣自媒躁進故任使空曠列位多虛嚴起恒金堡皆以清品彙求實材爲務而猝不得應者故之奇貞毓源翱等自以甲科資階求入當亡亦莫能廢也之奇居禮部數月飄搖蒼梧日唯毀擊貞介援引匪類爲事已與化澄比受胡執恭賂力請封孫可望眞王方器訟問兩粵皆陷之奇遁復降于○死吳貞毓字元聲直隸宜興人中崇禎癸未進士避亂江西依族叔炳永曆元年隨炳詣行在炳驟登政府貞毓亦擢

吏部文選司主事隨上武岡縣選郎中掌銓政唯劉承允
意不能為短長上南奔柳州貞毓遵行在遠自太嘗寺少
卿擢吏部右侍郎以冢宰自期會召晏清至清以二十載
舊銓曹清望久著上意傾委貞毓不能獵奪遂快快求出
視師上發南甯出肇度使貞毓先貞毓見李成棟曲意結
納誘成棟使治行宮于廣州要上東幸成棟惑之器式邦
疏言楚黔諸帥翹首威靈如望雲霓既東幸將謂朝廷
樂新復之士成棟亦有邀駕之嫌非特失與復之望而偏
處海濞將有進退維谷之憂矣上意亦不欲行會遣劉遠
生勞成棟軍遠生開陳利害為成棟言成棟感悟乃罷奉

永曆實錄卷二

四

迎之議貞毓益失意難于返闕遂請督視嶺上朔翔韶州
居數月成棟益知貞毓姦狀禮意衰貞毓進退失據怨
朝廷之不召也謂金堡等阻己恨之日甚久之自請入朝
擢戶部尚書日思逐晏清而代之清屢乞骸骨上不聽貞
毓益快快時朝廷方清流品抑躁競袁彭年丁時魁金堡
力持行之郭之奇萬翱程源李用楫張孝起朱統錡皆不
得志泊以軍事自陳請求勅印餉口行伍者藉藉怨望貞
毓率與結納約以己得秉銓政當咸恣如意貞毓之成進
士也出朱天麟門思援天麟復入直為己主盟王化澄利
天麟之入相為首尾乃因天麟外結陳邦傳為援而內以

夏國祥馬吉翔為主故擊不逞者奉貞毓戴之口喻毗思
逞意江楚淪陷嶺上東西交棘勿恤也永曆四年春上在
梧州貞毓因國祥請勅召化澄入直貞毓遂感章幼堡等
羣所與黨者踵之疏十餘上堡等下詔獄貞毓歸是益驕
與化澄內外應攻擊異己者將逐嚴起恆晏清而以天麟
及己代之高必正入見貞毓遣客迎候于道逆殷勤必
正殺堡等遂起恆清及都御史余煥必正既薄貞毓露其
言貞毓乃沮胡欽華輩金粟入行在賂化澄及諸部科為
孫可望請封秦王總理天下貞毓為之主嚴起恆執不從
貞毓乃密具啟稱臣于可望疏沮王封者名姓為一冊起

永曆實錄卷二

五

恆為首其盡心傾戴者為一冊己為首其後可望遂怒殺
起恆等二十餘人胡欽華劾罷式耜老姦誤國王化澄調
嚴旨切責張同敞授兵柄于于元煜以壞桂林皆貞毓嫉
之也貞毓外默中險與夏國祥稱鄉里尤委曲故為羣不
逞者所宗主得志不牛載行在遂瓦解明年上入滇如寓
公以迄于亡梧州亂上奔海南貞毓走死于亂軍
萬翱字九臯江西南昌人萬元吉之族子也短小輕冶惡
游狹斜間中崇禎癸未進士授杭州推官城陷遁歸里從
元吉義軍中隆武元年擢兵部主事已改兵科給事中元
吉守贛州翱浮寓吉嶺間贛州陷元吉殉難然江楚間往

往有紳士義民團聚不下翽得依之以居密奏為諸義旅
開道求聯絡陞太僕寺卿監江西義軍已擢兵部右侍郎
江西再陷翽走赴行在即以右侍郎留部翽意猶快快王
化澄罷相怨望因結翽為明黨遂與郭之奇比因杜永和
誣計黃奇遇有旨令翽回奏翽驚懼自陳出于傳聞朝廷
方務姑息置勿問永歷四年春上西幸兵部左侍郎掌部
事曹煜留守肇慶翽自以為當得中樞時樞政陵替關外
無所稟受顧以冒功請勅印黃劄者皆有僞遺勳帥陳請
非分亦有私賄故翽與程源魯可藻俱垂腴焉上素薄翽
不欲授乃以樞象付嚴起恆攝理翽以是怨起恆而疑金

永曆實錄卷二十

六

堡等之持之也遂與王化澄吳貞毓謀興大獄殺堡以搖
起恆因與可藻約令可藻因夏國祥求授兵部尚書期一
月後可藻出督西師奪瞿式耜兵柄而翽代掌中樞遂賊
給事中雷德復誣奏起恆二十四罪會可藻謀洩廷臣大
譁可藻不能得而起恆稱疾力謝樞政王化澄入直力為
翽主內批陞翽兵部尚書胡欽華挾賄為孫可望請王封
翽力主之起恆堅不從翽再三執奏恫喝上封可望荆郡
王然可望已據偽冊稱秦王弗受也居兩月兩粵陷上奔
尋南翽弗從攜兩妾匿梧州山中已乃就馬蛟麟乞降蛟
麟狎而畱之為幕賓李定國復桂林下湖南翽乃走衡州

見定國定國以其會屈節待之甚倨翽因入達定國自陳
主可望王封為己功尤為定國所厭惡乃言于庭曰萬尚
書朝廷大臣宜加優禮然曾詿誤未奉明旨復職故不使
與抗禮聞者咋舌翽故施施無媿色定國兵退翽又降于

洪承疇為請得授參政未幾以罪廢

程源字金一四川人初舉于鄉以制義交吳士顧夢
麟為之延譽源情自喜遂以天下士自居崇禎癸未
進士方觀政孫傅庭敗于陝州都下藉藉知其必值源上
書言賊大寇必因大舉合數十萬之眾八面而齊攻之使
之疲於奔命然後可一舉成擒乞勅傅庭憑關固守勿事

永曆實錄卷二十

七

混戰書奏不省居數日傅庭敗問至三秦陷沒源以是得
知兵名然實疏闊氣矜無能為也宏光中授中書舍人隆
武元年擢兵科給事中使四川聯絡禦寇源至遵義依王
祥遣使奏岐川南功擢僉都御史與祥浸有隙祥因辱之
已而釋之又伴謝過與飲源展轉得脫遂走詣行在家畱
祥所源盡匿祥跋扈狀亟稱祥忠勇知者哂之源既詣闕
自謂宜拜中樞一時游士以起義自衛者皆倚源為重既
陞見陞兵部右侍郎留部都權不屬諸附源者稍謝去源
乃志曹煜解部務源謂己必得之上特令嚴起恆攝理源
以是忌起恆而怨丁時魁金堡源故與吳貞毓萬翽比貞

毓翊以源氣魄粗戾樂排擊尤推奉之遂與貞毓等連章
攻擊下金堡等千詔獄源揣不得中樞遂自請出督蜀師
加兵部尚書賜尚方劍便宜行事以行然源故與王祥交
惡不能復入蜀次且梧州日驚將吏割招無賴客以自張
既陛辭逗畱兩月餘日與貞毓疏攻朝士勅趨遣就道
不得已乃行至潯南粵西陷不知所終

魯可準直隸和州人初爲諸生附吳下諸士標榜立名譽
顧閭劣不通制義徒以徵刻社文居勞自銜出入僉都御
史全椒金光辰之門因緣附監光擁戴以功貢謁選授湖
廣新甯知縣何騰蛟不遣之官輒以便宜割改推官管東

永順實錄卷二十一

八

鹽稅開署于湘潭乾奴狼籍爲同官鄭古愛所惡奮拳擊
之墜齒遂走粵西會上踐阼與擁戴附馬吉翔擢監察御
史巡按廣西出入亂軍中頗有勞勩未踰年擢僉都御史
巡撫廣西廣東反正瞿式耜劾其帝制自命貽新附者
虞可藻遽自稱總督兩廣式耜劾其帝制自命貽新附者
笑可藻不自安其母死已逾小祥矣乃請服喪終制未踰
年卽稱服闋詣闕補兵部右侍郎與夏國祥結鄉曲好欲
得本兵與萬翔比嗾雷德復訐嚴起恆姦露不得逞萬翔
既拜中樞不欲負可藻姑爲虛名以謝之特勅授南京兵
部尚書通國笑之粵陷不知所終

永順實錄卷二十一

船山遺書二十六

衡陽王夫之選

金堡列傳

姚淵

印司奇

丁時魁

張孝起附

金堡字衛公別字道隱浙江仁和人爲諸生時孤介曠遠
不屑爲時名弱冠博通羣書熟知天下利病文筆清堅度
越谿徑應崇禎丙子鄉試五策談時政妮妮數萬言危詞
切論直攻乘輿無諱主者奇之舉于鄉闈膺出天下擬之
羅倫廷對已中崇禎庚辰進士授臨清知州擿發姦猾安
撫流離士民欣戴之山東盜起臨清豪族故習爲響馬賊
應盜起者眾至數萬堡肩輿從數胥吏扣其壘忼慨爲陳

永順實錄卷二十一

一

大義盜魁感泣叩頭請死堡慰安之皆解散歸農堡耻以
撫盜功自見遂不敘崇禎十五年劉澤清以兵入衛駐臨
清驕悍蔑文吏漁獵百姓堡抗言責之澤清赧恨乃假新
制以屬吏禮折堡堡與遇于道嗚騶過之不爲下澤清擒
其騶卒扑之堡亦擒澤清前驅杖之如其扑澤清怒鼓噪
起將攻堡堡盡散胥隸啟扉門公服據印坐以待之澤清
不敢動堡所招降盜魁聞堡受脅率健兒數千關弓怒馬
里民持白梃踵之殆十萬人至城下圍澤清軍三匝澤清
恐因巡臬使以求和請與堡相見堡單騎往會澤清于僧
院因其歃血約澤清不得犯臨清一帥澤清許諾堡乃磨

健兒及里民散皆大譁呼聲震數十里上吏終惴惴畏澤清謂堡曰君自不畏禍勿貽我輩憂君姑以疾請假歸需大用可乎堡知上官相掣志不得行遂移疾歸里臨清民哀號送之數百里不絕堡里居亦以伉直折勢要仁利令劉堯佐與在籍主事姚奇兀因緣為姦利堡對巡按御史廷摘之堯佐罷去里人皆欽愛之因光元年南都陷張國維戴魯王監國于浙東堡棄家奔依之已而知魯王無遠志而思文皇帝立于閩聲望遠聞乃閉道走閩陛見授禮科給事中堡抗疏言鄭芝龍擁兵自大無効死興復之志而驕蹇無人臣禮陛下不可恃之以致不測之虞思文皇帝

宋國寶錄卷二十一

二

帝心善之弗能用也顧惜堡慮為芝龍所害寢其奏不發已而以母憂解官全浙已陷不能歸遂浪游湖南依舉主學使周大啟避地沅州知天下將亡恆自祈死永厯元年辰沅陷堡匿黔陽山中辰沅道戴國士素慕堡名馳書請堡相見堡抗書答之婉切附厲自稱無路之人金堡國士知不可屈乃止永厯二年楚粵稍定上在肇慶堡在沅服闋值郝永忠之亂遂出山達桂林瞿式耜奏請召堡入朝有旨召見堡詣闕上疏言今日天下敗盡陛下據一隅而望中興非有夏少康漢光武之憂勤剛斷終無濟理如欲為晉元宋高因人成事既不可必得之數而亦何者為

可囚之人也今日之大患莫甚于閩外不知有朝廷而朝廷復以匪人持政柄貽闕外輕郝永忠殘賊已復之上殺掠空武靖宜削爵暴罪檄楚督擒之正法以張國威兩為殘黎救一綫之命陳邦傅無尺寸之功爵上公假勅自稱世守隸視撫按宜褫其爵勿使與効死疆場之臣齒馬吉翔扈從之勞在所常念然爵列侯官錦衣酬之足矣宜勿使與國政撓亂是非為附癘之藪從此收拾威靈一歸之陛下庶幾人心可壹天命可延不然臣不知所終也疏入吉翔大怒為危詞激兩宮思以陷堡上召閣臣朱天麟赴暖閣厲聲問曰金堡何等人也天麟對曰堡在隆武中為

宋國寶錄卷二十一

三

給事直諫以參鄭芝龍為思文皇帝所倚用者上變色曰卿謂鄭芝龍為可參耶當參耶天麟知上意遽震掉不敢言遂票嚴旨切責堡令安靜供職自上之立羣臣率苟容無敢昌言者堡疏入舉朝驚愕試堡狂躁唯袁彭年丁時魁知推重之堡孤立亦遂與彭年時魁相得相與嚴抄參覈憲綱以裁恩倖抑冒濫冀重主權故忌者益眾嚴起恆以厚重詳慎居政府瞿式耜疑其委隨意稍不相得而朱天麟繇舊詞臣入直頗有物望式耜意其可與言也稱之于堡堡遂意天麟可倚其圖整飭因劉湘咨道意至是天麟懾馬吉翔之威又知上意不喜堡乃對上言堡使劉湘

客至臣所請與臣同心去馬吉翔臣幾爲堡所誤上顧笑之而起恆于上前力稱堡言雖過當然皇上起多難欲收人心萬不可譴斥直臣上意稍解故堡彭年時魁諸幼功罪裁僥倖諸大計亦稍稍得行而天麟以反覆消沮自慙謝病免陳邦傅尤怨堡甚兩疏攻堡請堡爲監軍辭尤不遜堡奏邦傅何人厖羸伏處之兵亦何所監而敢請天子從官爲其監軍妄意臣且懼之得覆其矯詔稱世守之罪乞追原勅視有無世守字樣令罪有所歸得旨取邦傅原勅覆勘果無世守字樣邦傅乃警服自邦傅承劉承允之後恣睢跋扈諸將皆挾意凌蔑及邦傅屈抑楚粵諸將皆

一 陳賈錄卷二十一

四

漸斂戢聽命曹志建于諸將中尤狂誕顧語人曰使朝廷唯嚴閣老金學科之言是行吾敢不以死自効乎吳貞毓程源萬翱以新進躡九卿猶不自滿江楚川黔起家監紀率皆落魄書生依諸將自售遠欲得部院銜陳乞勅印劄口行閒又聞有投誠官視原銜降級授職之例益思躡尊貴爲他日自鬻計干請不遂則號哭闕下橫詆部科謂己毀家出萬死爲國家圖興復而屈被挫辱遂成進士十年歷中外入諫垣且五載稍改工科左給事中官不踰七品諸忌者益以是惡其異己謫訕騰沸堡聞而歎曰今吾輩七尺將不知齒誰利刃而猶以虛名競耶堡居嘗中謝

絕饋問乃至不能參胥吏科抄皆手自錄行朝參唯一青紵衣寒暑不易承歷三年孫可望使楊畏知奉書內附求王封書詞倨慢朝議疑之堡上言今謂不當吝王封鼓厲可望者其議不一臣請分別爲陛下陳之謂不以王封可望則可望且逆顏行而重上南顧之憂其說似也然可望之順逆以時以勢當內謀之心久矣使其思順也雖不王猶景附也如其尙存兩可之疑以觀望事勢則雖王之徒益其驕他日且進王而有求其亦將從之乎說者又謂不以王予可望難禁可望之自王夫自王則誰能禁之耶雖李白成張獻忠之自帝亦無有禁之者願可望業已乞靈

一 承願賈錄卷二十一

五

於寵命則授我以禁之之權而何弗不可禁之乎說者又謂可望舉全滇土地十萬甲兵以歸我功在可王乃江粵之士我已失之土也滇未失之土也金聲桓李成棟舉已失之土而效順且不敢邀王封而廷議亦唯制是守今乃舉而授之可望則何以謝聲桓成棟于地下而激厲其部曲乎說者又謂漢高帝嘗以齊封韓信矣漢文帝嘗以王假尉佗矣而卒得二人之用此尤謬也漢高之于信臣主未定之日也尉佗與漢並起爭秦鹿而可望所爭者誰之鹿耶且漢文席天下一家全盛之勢行陽與陰取之術以消戰爭而使其自服今陛下自度能如盛漢姑予之而

可望將自戢焉否也至或謂唐之郭子儀李光弼宋之岳飛韓世忠皆嘗王矣則唐宋無異姓不王之制而王輕祖訓昭垂一旦而王之則真王矣且郭李之王猶待兩京收復之後岳韓之王亦在百戰折兀朮之餘而可望之在今日固未嘗有一矢之功也或曰昭代之制異姓不王而徐嘗湯李皆王矣乃彼以贈死而非以寵生無亦姑留以待諸將之有大功者于異日而今胡以死者之榮加生者哉抑或曰金忠嘗王矣夫忠者□□也因其王而王之則亦左賢谷蠡之稱耳今可望據順則歸本朝逆則折入于□處兩可之勢而決意効順無亦恥爲□□乎而我以金

永願寶錄卷二十一

六

忠之例待之則是可望欲遷喬木而我固納之幽谷也大抵今日之以懷可望而使爲我用者不在可望而在陛下控御諸將以圖恢復如恢復之勢已定雖不與之以王可望焉往如其日邁月征進寸退尺國事日非則陛下徒隳祖制以解諸將之體而可望既王之後更有不忍言者稍有識者固能逆視之矣疏入中外以爲允乃罷王封之議時兩粵畫嶺而守兵老糧匱諸將遷延苟安嚴起恆與堡謀謂國勢垂垂日蹙諸將益懈唯有上親征鼓勵之一策耳願所忠者扈衛空虛請開事例以兩殿中書鴻臚上林諸允官許衿士納贖立御營庫得十萬金可募丁壯五六

千人從駕安奉兩宮于內地而上厯諸營相機策厲事猶可爲堡力贊之乃改刑部侍郎劉遠生爲兵部督理戎政移堡兵科將漸次行之馬吉翔陽喜從之而陰使夏國祥撓亂之不一月御營庫將貯五萬金國祥皆以兩宮旨取宮中別用事不得就朱天麟居商甯日與陳邦傅謀所以傾堡者欲因孫可望以脅上殺堡乃遣胡執恭作偽勅册鑄寶封可望秦王事既成會梅蘭告急夏國祥以敵兵旦夕至忱上且曰李元[兄]杜永和將挾上爲復降資兩宮震懼遂西奔諸不逞者之欲攻堡也謂必以袁彭年反覆無恆節倚李成棟父子挾制朝廷爲名而懼東將不敢發故

永願寶錄卷二十一

七

欲上去肇慶而西則可挾陳邦傅以鉗上且以東粵不保爲堡等謀國無狀之罪吳貞毓與馬吉翔夏國祥內外合謀已定故上踉蹌棄肇慶式相嚴起恆交諫不聽既至梧州吳貞毓張孝起率其黨數十人連疏攻堡及袁彭年劉湘客丁時魁蒙正發把持國政裁抑恩紀謀危社稷遂視職逮下錦衣衛拷訊嚴起恆率羣臣跪伏求贖不聽馬吉翔喉其黨以生棒扑之諸刑皆備而堡刑尤獨酷斃血衝脅脊幾死者數四擢式相元疏中理不聽曹志建焦璉胡一青楊國棟馬進忠王進才馬寶交疏申救乃下法司定罪進忠復上言臣等於堡從無閫外之交但緣皇上今

日具官濟濟而中外輿論謂可心膺奇者唯一金堡乃忽舉此崇禎宏光取敗之傲政而加諸直臣軍民之心無不驚駭乞速有堡置之言路以回天意收人心上意亦動高必正入見吳貞毓等迎謁請為殺堡必正既陞見出卽就堡舟次抱堡慟哭貞毓等始敢遂得減死論謫戍清浪衛堡赴戍不得達畱客桂林瞿式耜館之堡左足創擊須杖而行遂絕意世事故喜讀莊子及是稍習浮屠書衣衲衣桂林陷遂與通政使印司奇祝髮為僧去世所稱澹歸大師者是也堡文筆宕遠深詣詩銘刻高舉獨立古今開成一家言行書人逸品名位利祿妻子皆不繫其心唯微有

承麻實錄卷二十一

八

酒過其友人姚湘字夢峽餘杭人□兵陷杭不肯髣髮隨堡出飄泊楚粵丁時魁欲官之湘罵曰吾死為大明一秀才足矣何用此腐鼠為詩文亦亢爽有氣然亦頗有酒過印司奇字雪浪湖廣桃源人峭直廉介使氣不為物下中崇禎辛未進士授南京兵部車駕司主事遷員外郎南京吏部尚書謝陞奉召掌北銓司奇以新例裁其駟卒陞儀夫以行微辭責之南都僚屬送陞祖道司奇獨不往陞顧重之已除鎮江知府溫體仁欲陷錢謙益置式耜募無賴子擊登聞鼓訟之下撫按檄司奇會鞠司奇撫無賴子姦狀體仁怒鐫司奇級已而與推官雷起劍交惡巡撫張國

維右起劍交訟于庭謝陞已拜大學士當擬旨知司奇抗直黜起劍而司奇降論送歸里顧其自鎮江歸也囊無一金清名甲于江表隆武中起用赴閩思文皇帝曾寓東吳知司奇清節擢僉都御史協理院事閩陷走歸里□兵破辰嘗司奇棄家南走崎嶇苗裔開馬進忠津送之承麻四年秋至桂林瞿式耜奏司奇清節舊臣開關依主宜卽召用乃擢通政使特勅召見未赴客寓草菴中與金堡同居桂林陷司奇遂與堡除鬚髮為僧司奇不喜習浮屠法遂返湖北隱焉

承麻實錄卷二十一

九

事丁憂歸里兩都陷江漢大亂時魁問道避寇陞見思文皇帝于福州改禮科給事中奉勅出勞軍湖南湖南陷走沅靖上在桂林勅召入見改吏科左給事上疏陳新政八策以重爵賞攬威福為要當時謂為碩畫上奔南甯瞿式耜畱時魁協守桂林兩粵定上出肇慶時魁赴行在擢吏科都給事中裁抑恩倖剔除冒濫深為不逞者所忌時魁力持行之居兩載陞大嘗寺少卿仍理科事已為吳貞毓等所攻王化澄馬吉翔尤銜之下錦衣獄掠治毒楚時魁憤歎曰吾以閒關從主故□執吾弟繫于獄榜掠無完膚吾在此亦繫于獄榜掠無完膚朝廷亦何忍耶已而論

衡陽王夫之讓

死節列傳上

成鎮遠至桂林張向敞館之桂林陷見執孔有德召為幕
 客居數月病死黃岡何履仕為治喪割其瓣擲棺外曰斗
 生不戴此瓣以死可不負梧州一頓棒而今不免也惜哉
 張孝起字將子直隸吳縣人中崇禎壬午鄉舉被□走閩
 授□知縣李成棟陷廣東分兵略地孝起嬰城守民潰
 敵兵且至孝起與其妻引縲自縊其小胥奔救之其妻已
 卒小胥昇孝起走得達行在擢吏科給事中頗以清直著
 已而忌丁時魁之先己也遂與王化澄比陷時魁堡因陞
 都給事中以意行刑賞國是燭亂兩粵垂危不恤師師為
 狂醫以迄於亡孝起逃去不知所終議者謂小胥之救差

永麻實錄卷二十一

十一

之俄頃孝起與城俱亡雖與日月爭光可也晚節不終徒
 亂人國人之不得終為君子豈亦有命耶

永麻實錄卷二十二

十一

侯偉時字異度別號令邱湖廣公安人中崇禎辛未進士
 授□知縣以清望徵擢吏部稽勳司主事歷驗封司郎
 中會北都陷偉時變服南走得免賊之破北都也官要職
 者皆責其胥役鈞致之無脫者偉時當崇禎末士風競躁
 獨恬淡退處胥役皆感其德度故獨得逸去既歸楚荆土
 淪陷浮沉湖湘閒不復有當世志買山南嶽將安置妻子
 自披緇去而湖南兵亂不能容遂走粵會上自粵往武岡

偉時陞見超拜吏部右侍郎李若星為尙書惡劉承允解
 官去偉時遂乘銓政未匝月孔有德犯武岡劉承允降上
 奔靖州偉時追從駕不及遂見執吳炳傳上瑞皆降附獨
 偉時不屈見有德疑立直視不交一語遺鬚髮不從遂遇
 害永麻三年給事中尹三聘奏偉時清望奇忠宜得卹典
 詔贈禮部尙書諡忠靖

傅作霖字潤生湖廣武陵人亢爽有志略喜功名中崇禎
 壬午鄉舉張獻忠陷湖南北鈞索士紳作霖走桃源結鄉
 兵抗賊宏光元年南都陷堵允錫徵湖南人士糾義旅勤
 王作霖應辟召題授監紀推官奉檄聯絡營澧鄉團已而

忠貞營降作霖言于何騰蛟曰東南兵勢之重無如楚者
上遠處聞海威令不能遠及恐此諸軍益驕不能唯公所
用誠迎上駐蹕長沙鼓厲諸軍東下武昌以圖陪京西取
荊州以出襄鄧誠千載一時也騰蛟初無迎上意問作霖
言頗動遂遣詣闕迎駕思文皇帝召作霖陛見敷奏詳切
請上必出楚上大悅擢作霖職方司主事監楚兵赴贛扈
迎加恩騰蛟允錫及諸將有差作霖歸楚亟以迎駕促騰
蛟騰蛟意移漫遣郝永忠張先壁移兵茶衡稱扈迎皆次
且不行亦不遣作霖往作霖再三為騰蛟言天子望公如
渴公當使霖勿負天子騰蛟怒其相切責也傲遣作霖監

承原實錄卷二十二

二

王允成軍于湘鄉風令湘鄉知縣劉宗陶激士民噪之作
霖寤遂走寶慶劉承允迎監其軍作霖性伉直忠果而競
于白見下急不能為物下起書生游軍旅聞不諳大體聞
于知人自閩歸為騰蛟所忌重見挫頗銜騰蛟堵允錫以
門生畜之作霖自以親受思文皇帝知遇亦弗善也至武
岡承允傾心結納之作霖遂與交好承允舉軍聽作霖節
制作霖遂欲從史承允成大勳上即位遣勅使勞承允軍
使歸以作霖能得承允軍心問改監軍御史俄晉太僕寺
卿承允元年在桂林徵承允入衛作霖陛見超擢兵部
右侍郎已而上幸武岡改左侍郎行尚書事承允驕恣曰

甚閩部大臣皆惡承允不入李若星楊喬然與承允忤皆
挂冠去作霖總理諸務時與票擬然動為承允所掣往往
唯承允意四方奏報或寢不行人士進用者皆不擇人而
授馬吉翔郭承吳侯性皆與奏封五等何騰蛟入見承允
重挫寤之作霖亦以故隙稍見顏色繇是誹責交起而作
霖未之知也及孔有德犯武岡承允以重取怨于諸將
退無所往潛作降計作霖方竭意盡力勸承允死戰承允
佯諾之而自赴石羊渡軍中密遣使通欵遂舉軍降上遽
奪門出奔作霖大驚輕騎從上行不十里扈從諸吏士稍
有訐作霖者作霖愕眙走山中自以為承允所給誤大媿

承原實錄卷二十二

三

憾欲自裁已乃歎曰吾既不惜一死何忍耻死草中不與
逆賊面折也居數日承允遣使邀作霖出作霖至見承允
罵曰吾為汝受不令名豈附汝求富貴者將不惜身名買
汝一死戰耳今若此吾且與狗彘交見汝面目正令我慙
憾汝况敢衣□□至我前耶因嚼舌出血噴承允面揮拳
擊之不中以頭觸承允胸承允走有德再三使承允勸作
霖降承允見即哭罵不絕聲承允噤不敢言而退有德聞
而壯之召之見問傳尚書欲何為作霖直視曰欲死爾羈
之月餘作霖終不肯髣髮有德知不可屈乃遇害尚可喜
尤慕其義為買棺衾葬之立廟武岡承允三年贈兵部尚

書

熊興麟字石兒四川□□人中崇禎癸未進士隆武中為
試御史承歷元年實授監察御史巡按貴州值張獻忠遣
孫可望寇貴陽黔土擾亂遲回未赴留黔陽縣□兵至走
山中已與兵部主事李芳先同被執□黔陽令勸之鬚髮
大罵不從遂繫解嘗德舟行至中途守者欽其志義寬械
繫夜靜守者酣寢芳先將逸蹴興麟起與謀去興麟曰死
吾分也逸而追追而後見殺是幸免而不免也君勉去吾
精爽已馳赴武陵刀下矣芳先強之遂酣睡不聽芳先執
于垂涕而去興麟至嘗德孔有德令鬚髮納欵不屈自言

本國實錄卷二十二

四

吾與李職方同執中途可去而不去欲死于青天白日下
爾豈從汝犬豕求活耶遂遇害

李興瑋字天玉湖廣巴陵人弱冠以文藻清拔推重流輩
應湖廣己卯鄉舉為章曠所賞拔用副榜生貢入太學假
歸值張獻忠陷岳州索舉貢充偽吏興瑋以漁艇走江北
請兵恢復遇左良玉前部李成名因邀與同復岳州已而
獻忠來爭成名兵退興瑋走僅以身免賊擒興瑋父母兄
弟宗族凡二十餘人皆殺之去光元年李自成渡江羣賊
大掠巴陵興瑋走湖南依章曠匿參幕府曠以興瑋年少
懦弱不習馳驅請于何騰蛟檄補臨武教諭臨武令貪捰

無狀劫掠庠士興瑋憤之言于騰蛟罷令去臨武士民戴
興瑋請即攝令事興瑋不從應鄉試于衡州中丙戌鄉舉
騰蛟縣臨武印固待興瑋者四月遂題授臨武知縣以簡
澹為邑民愛戴承歷元年四月衡州陷章曠退屯永州使
人召興瑋棄城從己軍中興瑋辭曰興瑋不欲受民社而
先生強我既已膺百里之命則蚤盟之五內期以頸血濺
城頭士耳不能應先生教也督士民嬰城守時湖南北六
十餘州縣望風靡走無一守者唯臨武不下□兵來攻乘
隙距戰凡五晝夜□兵佯退興瑋督民兵開門蹶之伏起
民兵潰敗興瑋被執送孔有德令下吏索降□巡使李茂

本國實錄卷二十二

五

祖勸誘之興瑋大罵曰李興瑋□男子讀聖賢書豈汝
輩從□□求食者所能誘耶茂祖怒繫之獄興瑋未有妻
子唯一髻蒼頭相隨亦不肯鬚髮自請同繫興瑋于獄與
聞大成唱和作詩數十篇佚不傳茂祖知不可屈報有德
殺之興瑋將赴刑南向叩首已顧大成曰吾與君今日乃
得畢此一大事遂遇害其髻蒼頭自請同死刑者以無殺
蒼頭令不聽蒼頭奪刀斫殺興瑋者遂亦見殺

聞大成字子上湖廣羅田人江北陷人士多受賊偽命大
成棄家走湖南以貢授監紀推官湖南陷于□大成于鄱
縣山中招義旅將起□兵至被執與李興瑋同繫衡州獄

大成因獄卒沽酒與興璋飲醉則悲歌慨相唱和無紙
皆裂襟裳襪布書之多佚不傳唯題獄壁一篇好事者為
誦傳之云讀書懷古道服官素所期論文慙太傅舞劍學
要離忠孝千古事死生旦夕之不共戴天日從容就義時
充志不鬚髮與興璋同日遇害臨刑從容引頸就刃見者
皆為垂涕大成顧揮手謝曰無勞諸君以淚送我諸君悲
我死抑知我之悲諸君生乎

宋□字維四廣東清遠人工詩文為嶺海知名士所著
有禹峽志行于世補宏光恩選貢生素結海上豪族廣東
陷與清遠衛譚指揮糾眾起義陳子壯帥義兵圍廣州□

永曆實錄卷二十二

六

□舉眾自上流應之斷飛來寺峽口拒北兵援路南攻三
水縣下之子壯檄授兵部主事子壯敗沒義旅駭散李成
棟來攻拒守清遠縣城破被執不屈死之

周師文字期岐湖廣大冶人以制義名家兼工詩豪雋不
屑羈繼武昌陷匿興國山中潛招義旅江西反正師文起
兵應之軍敗走九江文德翼資送之至吉安劉季鏞為題
授職方司主事時未陽義民謝焜龍尙可等糾眾起抗□
師文入其軍嘗以身先士卒掠陣何騰蛟顧不喜之師文
乃返鄱縣益遇時自江西奔鄱柵開師文與遇時遇說令
收潰卒聯義旅圖復吉袁遇時奉師文監其軍已而遇時

意變欲降□師文涕泣稱說大義以止之遇時怒遂見殺
遇時降

鄒見字無識江西豐城人中崇禎己卯鄉舉隆武元年南
昌陷見走撫州與僉都御史傅鼎銓同起義兵鼎銓以見
老成剛介恆所諮行事聞授職方司主事已而鼎銓敗沒
見走吉安東界與劉季鏞同圖復楚湖南再陷見遂隱湘
醴閉經十餘載衣冠不改訓村塾以給食壬寅歲為茶陵
人所訐□吏捕繫之至則自請一刃以死□吏謂之遂大
罵不絕口□吏怒捶之繫獄中不食死是歲有陳有功者
亦江西人不知其所自起曾授監軍職方司主事時天下

永曆實錄卷二十二

七

已盡淪陷有功懷勅印流寓柵未開衣冠不改賣藥以食
為□吏所執自言國亡願一死久矣今日且得明白領取
白刃所志得就更復何辭繫送武昌遂遇害

永曆實錄卷二十二終

衡陽王夫之誤

死節列傳下

蕭曠字逸然湖廣漢陽人以武舉授黎靖中軍都司劉承
[允]為黎靖參將曠屬焉從承[允]征峒苗有功歷陞至副總
兵上在武岡承[允]為總鎮楚黔挂大將軍印解黎靖事曠
遂以總兵官都督同知行黎靖參將事守靖州永[厯]元年
秋武岡陷承[允]降上南奔至靖州曠迎蹕具備勤敏上大
悅召曠陛見諭令解黎靖扈從入粵曠奏言臣職在守土
自當以死謝國恩扈蹕非臣職也臣以死捍靖追兵至當

永麻實錄卷二十三

殺臣而後能進則大駕達柳州矣上既行曠督其標兵乘
墮脩守具召部民至庭涕泣勸慰勉以死守已而承[允]馳
書召曠降曠大罵焚其書俄而[允]兵大至兵民驚潰曠獨
率內丁十餘人登城射之敵衝郭門入曠短兵接巷戰力
盡遂遇害曠雖武士而志慕文雅頗讀書知大義為承[允]
屬能不附承[允]意見承[允]驕悍意欲自遠故請守黎靖以
避其熏灼嘗曰我受朝廷命為劉公屬固難與劉公所置
私人比其雅志如此故承[允]全部皆隨承[允]降而曠獨不

屈

朱[夏]如字宗臣廣西臨桂人中武舉部除把總候選歸里

隨焦璉起兵定靖江庶人之亂璉用為左部營將題授游
擊將軍粵楚亂璉益召募[夏]如散家財萬金號召丁壯成
一軍馬仗精好為璉一軍最璉甚倚之[夏]如短小精悍兩
目弈弈有光性慤直慕義折節下文吏尤恭謹循法度永
[厯]二年從璉復陽朔平樂戰甘棠渡大榕江皆有斬獲以
功歷副總兵官都督僉事璉下攻全州[夏]如守平樂輯
兵政民得安堵時何騰蛟率趙印選胡一青及馬養麟周
金湯熊兆佐之兵下全永畱老營于桂林驕縱為暴于城
野給事中萬六吉奉勅至桂林催師出榜飭責之語侵騰
蛟騰蛟聞之大怒六吉舊以劾馬吉翔忤劉承[允]有旨降

永麻實錄卷二十三

二

處部擬謫經歷未幾仍復職用騰蛟馳檄召經歷萬六吉
赴軍前効用令材官健兒數十人往召密令捶械之即死
勿論時六吉已去桂居平樂未知也[夏]如偵得其詳大怒
曰督師乃欲捕繫天子近臣無人臣禮至此極乎欲作曹
操殺孔融朱溫誅清流耶此義士致命之秋也請六吉至
其署置酒飲以待部署甲士于門騰蛟所遣捕六吉者索
六吉知在[夏]如署扣門求入[夏]如佯為不知延之入同酣
飲持檄者見四壁甲士皆露劍立[夏]如亦目眦欲裂時時
援佩刀不敢動[夏]如顧問曰君奉何令欲何為當以相告
持檄者色動起立曰督師令請萬公[夏]如索請敢持檄者

奉檄示夏如讀未半碎檄拍食案起大叫曰萬公天子言
官以軍政戒飭士卒之暴民者惜未執殺之爾督師庇驕
卒虐民惜未參劾爾區區一榜文而督師遠欲遣狗鼠輩
持牒辱之置天子于何地督師反耶夏如破家捐身為朝
廷効死督師蔑天子即夏如敵仇狗輩敢銜人衣當齒我
刀拔刀斫持檄者六吉掣其袖持檄者脫走甲士噪起夏
如介馬彎弓追之至郊外擒一卒捶而告之曰狗子速歸
告督師朱夏如不畏死為一隅君臣存分義督師若欲殺
我者我自來萬黃門已赴行在不可得也遂送六吉詣南
甯而自署其門曰夏如得罪督師為朝廷存一綫君臣之

永曆實錄卷二十三

三

義故不敢擁兵以自求活重撓軍政今解兵待譴諸軍願
歸農者聽願充伍者赴焦公聽調度遂盡籍其糧儲甲仗
馬匹旗幟以歸焦璉而自葛巾布衣詣平樂知府聽驕持
檄者歸報騰蛟大怒方食墮盃箸然騰蛟能以威箝士大
夫而懾于諸將畏璉不敢逮治夏如而以書訴之璉求殺
夏如為己刷恥璉遣攝夏如夏如囚服就璉璉詰之對曰
夏如以一時之義激不自量為朝廷存綱紀今已使督師
無擅執言官之愆夏如之志已伸唯求一死以正軍法為
神將充督師者之戒爾璉心重憐之瞿式耜亦重夏如之
義語璉寬貴之璉收其軍賞而別責二千金為騰蛟壽騰

蛟喜遂移書璉合釋夏如而謂夏如能勸璉仍令將兵夏
如繇是以義俠知名顧畏騰蛟銜己謝事閒居者久之騰
蛟敗沒璉強之起奏復夏如職使統舊部守平樂時諸將
卒虐民侮吏而夏如獨以謙謹有節制聞加總兵官挂鎮
西將軍印永曆四年冬孔有德廣西遣馬蛟麟開道
攻平樂璉方援曹志建于賀縣敵猝至夏如獨率麾下健
卒城守兵民皆驚潰敵兵大至戰不勝敵乘城入夏如乃
入署中殺妻子南向拜焚勅毀印易進賢冠大絳袍手劍
端坐署中兵人署望見夏如如塑神像愕眙不敢進夏
如大呼曰身是鎮西將軍朱夏如何怯不前殺我也

永曆實錄卷二十三

四

自刎而死
滿大壯湖廣辰州人故太嘗寺卿滿朝薦之族子也滿氏
世以武傳家朝薦以剛直居諫垣益用名節勸獎其子弟
故大壯抗慨慕義何騰蛟開府長沙召募將材大壯奉檄
招練辰麻峒兵二千人為騰蛟親軍隨璋曠守湘陰兩載
拒兵于新牆大小數十戰兵不能南復與覃裕春
大破兵于潼溪斬獲數千計積功擢副總兵官都督僉
事永曆元年二月孔耿尙之兵大舉南攻湘陰大壯方
拒戰王進才之兵先潰燒湘陰城大掠而南大壯遂不能

支戰且走至長沙騰蛟已走衡州大壯奉曠屯湘潭求救于騰蛟騰蛟已不能令其軍兵盡力攻大壯遂大敗躡追二百里至衡山大壯收餘兵轉戰麾下士死殆盡大壯謂曠曰公且先走為捲土重來計大壯為公力拒後終不再見公矣曠去大壯北馳迎敵縱騎乘之馬尾相銜走二十里短兵接格殺十數人馬中矢踣乃遇害

楊進喜陝西延安人與馬進忠俱起為進忠前營副將進忠之擒楊么與麻河之戰皆進喜先陷陣驍勇為三軍最永曆三年春隨進忠會何騰蛟于湘潭兵猝至進忠軍驚潰進喜方理髮聞兵潰大叫起曰朝廷不惜高爵養我

永曆實錄卷二十三

五

輩何為況吾營迎何公至而忍棄之乎約髮不及戴兜牟揮刀馳馬出求騰蛟與兵巷遇相格鬪手刃數人露額中流矢貫顛死騰蛟遂陷

惠延年陝西西安人少客湖南有拳勇習騎射應募為曹志建裨將志建駐鎮峽關倨怠不親軍旅延年恆率兵出復道州甯遠江華郴桂圍永州下之皆延年功最屢擢總兵官都督同知堵允錫之南奔也與忠貞營相失西走桂藍將入志建軍延年時屯永州西知志建陰賊必害允錫以書投允錫曰延年謂相公不追及忠貞營則當入行在乃聞尚畱此聞延年甚惑之祈畱意圖維勿忽比書達允

永曆實錄卷二十三

六

錫所允錫已至道州志建盡坑殺其部卒三千人劫允錫入關矣延年密遣人導允錫達何圖復若允錫遂詣肇慶志建怒何圖復令延年旋軍攻之延年緩兵攻不力經六月不下志建劫勅使誘圖復殺之破其砦微得延年縱允錫圖復狀含忿欲殺之延年歎曰吾逸堵公正以全曹公而願欲殺我匹夫終不足與共成事吾行吾志耳會王子大舉攻鎮峽關延年死戰自辰達未斬首數千小子子已退走延年曰吾不及今日死為忠鬼以報國而死于匹夫手乎單騎追敵深入遂遇害始志建欲殺延年或說延年當降以免禍延年曰吾以名義故開費曹公而以叛終之願令彼罵我為反虜乎有死而已延年死志建遂不能成軍以至于亡何圖復者廣西富川人父廷相萬曆丁未進士官御史圖復入貲為太學生粵楚亂結砦自保聞志建之劫允錫也密遣人迎允錫入其砦齎送赴行在志建舉兵圍之不克勅授圖復監軍僉事令志建釋兵志建佯奉詔與圖復和誘與相見執而磔殺之吳學湖廣湘鄉人以材勇雄于閭里起里胥從副將羅安邦勦天王寺土寇有功授把總張獻忠之亂學收土兵保鄉曲已而奉李乾德檄復湘鄉縣以功加游擊將軍何騰蛟開府長沙使學召募千餘人為親軍守湘陰轉戰平江

袁府開擢副總兵永歷元年長沙陷學政部卒屯湘邵閉
返攻湘鄉格鬪四五月兵潰敗被執械至武昌繫獄令髡
髮不聽總督羅繡錦會文武吏羣鞠之學至庭植立呼
曰大明驅愛養天下垂三百年爾等皆中土人骨血
從誰參養父母誰土宇乃改頭換面倨坐堂上而械忠
義士于塔下耶天地能容爾身必不能容爾子孫豈不聞
洪武初盡謫官吏妻女乎因大叫呼天目皆
盡裂引頸觸柱血流被面遂驅赴黃鶴磯遇害武昌居民
罷市往觀皆嗚咽流涕禁之不能止

永曆實錄卷二十三

七

永曆實錄卷二十三終

永曆實錄卷二十四

册山遺書二十六

衡陽王夫之識

佞幸列傳

馬吉翔順天大興人通文墨工將迎挾持以武進士出身
歷官至廣東都指揮使宏光元年罷官問鄭鴻逵擁思文
皇帝至福建吉翔往依附推戴擢錦衣衛都督僉事與錦
衣郭承吳比奉勅至湖南勞軍福建陷吉翔走廣東至肇
慶會上踐阼復與定策事王坤龐天壽皆得其歡心遂陞
左都督掌衛事從駕至全州結劉承允承允為請封伯爵
御史毛壽登駁參之吉翔與周鼎瀚構蜚語激承允怒奏

永曆實錄卷二十四

一

上繫壽登及劉湘客吳德操萬六吉削其職繇是深為瞿
式相所惡已而與承允比脅上幸武岡吉翔遂封文安伯
武岡陷上自靖州走苗峒出柳州兩宮泊車駕蒙塵艸莽
上不能騎吉翔奉籃筍步從扶掖行羊腸夜則通夕巡警
勤敏有加慈聖太后與上益眷倚之加少保晉封文安侯
上在柳象勅旨皆出吉翔手其幕客呂爾典狹邪子也稍
知文義與吉翔共操大政瞿式相疏請上攬大權明賞罰
嚴好惡親正人聞正言以服遠近上嘉納之吉翔因夏國
祥愬之太后謂式相閒己不容皇上有患難親臣言遂不
用桂林潰上在南甯吉翔雖委票擬于內閣不合其意輒

以殊批改票結陳邦傳爲外援王化澄倚之爲重廣東反
正李成棟迎上幸肇慶瞿式耜請出桂林節制江楚黔蜀
迎使絡繹吉翔憚式耜遂結于化澄朱天麟力勸上東幸
楚師解紐何騰蛟莫能彈壓以至偵敗皆吉翔釀之也上
在肇慶吉翔猶執朝權金堡入奏謂吉翔有扈衛之功開
以侯封足矣不當使與國政吉翔復因左右懇上切責堡
呂爾璵市權招賄繇中書舍人內批擢監察御史堡兩疏
力攻之兩璵落職吉翔愈怒挑陳邦傳與堡相訐奏廷論
不平邦傳辭誦嚴起恆從中裁制吉翔稍戢以是怨堡入
骨竝銜起恆時上立三扈衛李元允督禁旅龐天壽督勇

承順實錄卷二十四

二

衛吉翔督戎政吉翔所部步兵二千人皆市井烏合不堪
見敵起恆乃請上開事例節冗費立御營庫招練親軍從
上親征以劉遠生協理戎政金堡改兵科監紀之吉翔惡
其分己權也嗾夏國祥以慈聖宮旨取庫金糜之事遂寢
沮吉翔屬于太后及上前言堡結袁彭年劉湘客丁時魁
蒙正發把持國政目無君上太后及上惑之諸不逞者皆
依附之吉翔爲言除去堡等則皆如其願吉翔又乘閒言
式耜起恆皆主張黨人以挾持上使不得有爲且沮抑忠
義爲國家離人心不如化澄能愛君憂國上素賤化澄至
是遂嚮用之而薄式耜起恆言皆疑沮承歷四年春兵

陷南雄吉翔乘之爲蜚語達內庭言杜永和元心不
測且要駕爲降資兩宮震恐吉翔欲殺堡遂起恆奪式耜
兵柄而以陳邦傳爲外援藉之脅上欲上至梧州避潯南
使邦傳得通朝廷處分遂嗾夏國祥以太后駕先登舟脅
上必行嚴起恆瞿式耜交諫上不宜棄廣東不聽吉翔念
詔獄且興而已欲避其名乃自請留肇慶督援東軍以錦
衣衛印授其黨康使得還上至梧州吳貞毓等遂羣
攻堡等下錦衣衛掠治王化澄復入直召朱天麟雷德復
許奏起恆起恆稱疾求去胡欽華奏式耜老茲誤國以于
元燾督楚粵師奪式耜權以至于亡皆吉翔主之也吉翔

承順實錄卷二十四

三

外異內慘以曲謹奉慈聖凡所欲爲皆令夏國祥達太后
令必行上雖知其不可而慈聖命嚴上不敢違物論起則
慈聖于簾中引羣臣涕泣言子唯一死以殉社稷不似爾
等可去可降以國家爲戲羣臣莫能對上亦不能以意行
也吉翔以援東爲名翺翔肇慶所將兵既寡弱不敢出峽
而畏忌諸勳帥不欲朝廷調發東下慮致軋己唯陳邦傳
率舟師數千至亦羸疲畏見敵吉翔日與邦傳徵樂縱酒
遙執朝政置廣州不恤杜永和困久不能支兵復西破
平梧上奔潯南吉翔之師遂潰南走潯州上奔南甯吉翔
知大勢傾覆遂不復從匿潯州山中久之出降挾重賞北

歸不知所終

郭承吳江西泰和人故都御史郭子章之孫也以子章軍功廕授錦衣衛千戶崇禎間諱事內豎屢官至都督同知太子少保馳驛歸里以貨殖豪縱為鄉里患隆武元年赴闕陛見以積資掌錦衣衛事聞陷走粵依附擁戴加左都督與王坤馬吉翔比從上至全州結劉承允承允為請封伯爵御史毛壽登參劾之被削承吳遂得封泰和伯承吳挾寶王金幣鉅萬金女樂十餘人從上至武岡以女樂分饋承允吉翔相比為姦江楚無賴求仕進者皆附之已而隨承允降見殺

承嗣實錄卷二十四

四

嚴雲從江西分宜人嚴世蕃之曾孫也以武進士歷官參將上即位雲從依附擁戴擢錦衣衛指揮使加都督同知與馬吉翔郭承吳比事劉承允為外援承允為奏封請江伯毛壽登疏言雲從等無一矢之功而援邊鎮例晉封五等何以鼓人心而匡國難奏上壽登奪職武岡陷雲從隨上走粵西加太子太保左都督掌後軍都督府事自一品覃恩乞封其高祖嵩曾祖世蕃部議嚴嵩父子為昭代姦臣稱首百年公論不容世蕃身伏誅譴國法昭垂雲從即功伴李郭亦不能翻七朝之國憲而以恩綸被戎首况其繼之勞承恩受爵者乎乃但封其父祖而不及世蕃

雲從視吉翔差謹不敢執朝權碌碌充位而已上自梧州奔海南雲從北走匿懷集山中將取道歸江西李定國收粵楚雲從致書餽求見定國知其耳陋不之答雲從展轉嶺南北不知所終

侯性河南歸德人兄恂恪崇禎中皆官至九卿與周延儒為死黨性家世豪貴驕縱不法補弟子員粗通制義舉業習騎射好納響馬賊為無賴行邑令梁以樟以法鈴束之性拳擊以樟仆地不數日死性亡命走從十餘騎劫商旅于河北得貲數萬用賂內臣王化民恂復為之地竄軍功籍以白衣徑授鎮守廣東西甯參將上即位于肇慶性

承嗣實錄卷二十四

五

依附擁戴丁魁楚庇之擢御營都督同知從上入武岡諸事傳作霖援馬吉翔例封商邱伯上自武岡奔靖州性與車駕相失先縊新甯至柳于右江劫行旅得金帛數萬上至柳服御皆賈性以其所劫獻慈聖慈隨兩宮上及中宮充服御三宮大喜加性太子太師左都督掌中軍都督府事從上自南甯至肇慶性素畜無賴健兒將百人沿兩江東至三水劫掠仕宦商賈多得金貲以豪侈與戚畹王維恭及馬吉翔李元允日夕徵歌縱酒頗干預國政引薦文吏給事中金堡論劾之書奏不省性點慧通文墨堡所上章奏性皆諱解示吉翔文稍深僻者則曲釋之指為誹訕

兩宮以是慈聖憾堡必欲殺之性往往以珍異進奉內庭尤爲宮禁所喜其母奉佛自髡爲尼勅賜號靜慧大師紫袈裟金鉢孟出入以朱棒前驅入宮禁稱說外事慈聖信之往往輒強上行國事之壞性實陰持之也梧州陷性降于

永曆實錄卷二十五

船山遺書二十六

衡陽王夫之謨

宦者列傳

李國輔順天人爲司禮太監韓贊周養子崇禎九年授御馬太監奉命守沿北關口已而撤回隨贊周守備南京聖安皇帝立國輔附擁戴功改司禮監提督勇衛贊周于光中以伉直爲羣小所嫉引疾乞休沐國輔居宮中管侍左右馬士英進秘戲導上爲淫樂國輔每從容泣諫士英忌之而欲奪勇衛以授其幼子錫乃奏上撤池嚴信之間有雲霧山喬木蔽山宜採爲大工用遂請勅國輔往國輔

不知其給因欲行給事中吳适奏雲霧山必不可開採國輔亦自悟請勿行乃遣人馳視果如适言然士英已奪勇衛授錫以錦衣都督提督矣南京潰國輔隨太后走浙遂自閩入粵上踐阼國輔入見請髣髮變服往南京潛視孝陵詔遣往永曆三年夏國輔自嶺北重趄微服赴闕上召見問孝陵狀國輔伏地慟哭言奴以去年夏至南京私市香幣于星月下登鍾山望陵焚香帛泣奏高皇帝十一世孫嗣皇帝某遣奴國輔候皇陵萬安以次履行周視殿垣陵菴毀壞無餘茅茨塞望狐嘯蠶吟如荒山窮澗所幸陵土鞏固梓宮燕安其四山林木間之都人云南都陷後雖

騎充斥樵蘇四出猶無敢損一枝者後洪承疇來經略江南見陵樹青蔥怫然遽怒遂榜示居民令樵採爲薪懸榜三月民無應者承疇益恚罵曰兵入北都未嘗令居民伐陵樹不三日閉諸山皆芟刈無餘江南蠻子已出榜令伐而三月不傷一木何愚昧至此因復榜令諸門非伐鍾山樹者不許通樵蘇城中幾至絕炊煙都民不得已乃往伐嗚咽震山谷今一片童山無尺株矣因引額觸地號哭失聲上爲泣下霑袍袖國輔因奏奴今歸爲皇上通一信仍請以殘骸再往若上旦夕恢復奴當至江干迎駕如天討有稽奴願以老骨頭付老祖爺陵前與狐狽餐不復

水滸實錄卷二十五

二

再見陛下復頓首大哭起上乃素服輟朝就太廟哭遂勅國輔齋香帛再往省視承疇三年十月國輔至梅嶺鬚髮攜蒼頭三人北發明年兩粵陷史無有知國輔後事者王坤順天大興人爲御馬太監稍習文字陰爲使巧崇禎五年勅遣閱視宣府陷道臣胡良機御史魏呈潤劾其誣罔呈潤坐降職坤益恣戾無忌憚奏參大學士周延儒左副都御史王志道疏言內臣不宜侵輔臣上爲御平臺召請志道志道曰王坤直劾輔臣舉朝皇皇爲紀綱法度憂臣爲法度惜非爲諸臣惜也上震怒切責志道志道罷去繇是驕悍凌轢與張懿憲曹化澗齒羣臣莫敢言者已而

奉勅至淮揚暴害商民未返命而北都陷光元年因緣柄用遷司禮秉筆太監要勅往浙閩督催金花銀兩俱御用大學士高宏圖具揭諫止弗聽坤因得曹閩事思文皇帝不得大用邀勅出粵催調援兵閩陷上卽位于肇慶坤因緣奉慈聖太后遂掌司禮監事秉筆執國政坤以舊闕老猾工揣合鉗制知內庭畏坤踐阼無幾卽勅上棄肇慶移蹕梧州上顧以爲忠遂倚任之瞿式耜上言今日之立爲祖宗復讐雪恥宜奮大勇以號召遠近苟自棄門戶國何以立坤居中持之上雖暫止而日作西奔計無固志戶部郎中周鼎瀚與坤交善內批改給事中式耜力爭之不

水滸實錄卷二十五

三

聽未幾復改鼎瀚翰林院侍讀王化澄附之內批授兵部尙書已拜大學士入直大學士李永茂奏薦十五直省人士坤以其不附己假殊勅斥御史劉湘客激永茂去而坤自疏列海內大臣遠莫致者雜坤私人于中其薦之給事中劉鼎疏言坤內臣不當薦人坤激上怒將逐鼎式耜力救之乃已坤疑鼎疏出中允方以智手復以停經筵激以智去俄而兵乘虛入廣州唐王死坤遽邀駕西奔式耜力請留蹕死守峽口飛調援兵奏甫上坤已挾上駕小艇西上梧州遂繇桂林幸全州劉承允入見首論坤弄權誤國上意動乃罷其秉筆以監事授龐天壽坤被譴出居柳

州武岡陷上幸柳州坤復入與天壽分掌監事然權稍落矣天壽以曲謹爲上所信坤遂疎乃請勅監軍恢復粵楚從何騰蛟軍中騰蛟頗與狎好湖南復坤以功賜一品服從胡一青下衡州坤故以斥劉湘客與外廷爭至是乃上疏薦湘客詞學擅世宜大用冀曦湘客使失望湘客自疏論列之大學士嚴起恆面奏坤反獲傾詐上乃絕意惡之湖南再陷坤走粵顧不得入內畱居桂林爲翟式耜所不禮乃屏居蘇橋驛悒悒死

龐天壽順天人崇禎閒爲御馬太監頗見任使然未嘗與秉筆事奉勅至南京宏光中備員不見用已走聞事思文

承順實錄卷十五

四

皇帝改司禮監勅遣至湖南遂畱粵楚閒上踐昨與擁戴天壽在北都權藉故出王坤下至是坤秉內政天壽弗能頡頏坤驕悖日著中外既側目慈聖泊上亦稍厭之而天壽于諸奄中爲道謹上意嚮用及劉承充逐坤天壽掌文書房事隨上自武岡走柳州蒙塵苗峒中天壽與馬吉翔皆有勞勩繇是益爲上所親信賜一品服提督勇衛天壽粗識字不習典故其幕客徐湛以武英殿中書舍人晉秩至大理少卿爲代理紅木湛亦慈惠不敢通外廷顧天壽以樸率恆爲夏國祥所給頗推讓國祥故政漸歸國祥天壽以虛名爲諸奄長所部勇衛士僅千餘人亦疋疲市民

無能爲有無刑部侍郎朱盛濃疏言內臣不宜典兵欲奪勇衛歸李元允元允初無奪天壽兵意上切責盛濃詰其何心盛濃乃沮天壽事上四載爲少過失而內臣懼情畏死不知遠計上棄肇慶走梧州失東粵遂蒙塵不返亦天壽致之也天壽事天主教拜西洋人翟紗微爲師勇衛軍旗幟皆用西番書爲符識類兒戲又薦紗微掌欽天監事改用西厓給事中尹三聘劾罷之天壽隨上走南太入滇不知所終或曰爲孫可望所殺

夏國祥直隸蘭州人美姿容以變童游狹邪然稍讀書習制義應童子試不得補諸生聞聖安皇帝喜外嬖乃焚書

承順實錄卷十五

五

自宮求入內廷未及寵用南都陷走聞事思文皇帝爲少監已走粵因龐天壽入內得補司禮太監天壽質樸不習文墨凡問發紅本委之國祥國祥工狐媚有寵于慈聖遂駸駸奪大權外奉天壽以虛名尊之實自執政柄天壽弗能爲重輕馬吉翔諂事兩宮專制國事結國祥爲內援凡吉翔所欲行皆因國祥達慈聖取必于上以行之承麻二三年閒外廷稍持法紀國祥不能盡如其意日泣奏慈聖謂金堡等把持裁抑詆毀兩宮挾李成棟父子爲勢心不可測太后習聽之遂切齒堡等吳貞毓李用楫張孝起魯可藻皆依附鄉曲與國祥交善王化澄因感晚王維恭結

納之國祥日稱化澄忠謹于太后及上所維恭亦因皇后
亟稱之上乘肇慶奔梧速治堡等起用化澄卒至傾亡皆
國祥爲之也江國泰者亦甯國人也自宮入南都求用與
國祥爲死友銜受意旨通賄賂外陳請非因國泰達國
祥不得旨以是四方鎮將益輕朝廷瓦解以亡國祥故無
賴子濱亡不悟貪權勢行讒毀津津自喜麗天壽已乃惡
之無能制也國祥隨上奔潯南後不知所終上之居肇慶
也廣西糧稅盡給楚軍唯梧州府屬聽上徵川廣東則以
避餉練餉給李成棟軍而上徵京倉及金花銀爲國用顧
皆內臣探其出納戶部無所關與日就虛糜乃至欲募從
駕軍而不可得每問敵警哨探無人唯聽馬吉親及內臣
之意而已皆國祥主之也

水滸實錄卷二十五

六

水滸實錄卷二十五終

水滸實錄卷二十六

船山遺書二十六

衡陽王夫之譏

叛臣列傳

劉承允字定一應天人以膂力聞能舉一鐵楮號劉鐵棍
爲相撲師應募爲材官從楚撫唐暉余應桂援勦守顯陵
承允多心計善結納遂得實授參將鎮守黎靖崇禎十六
年武岡民袁有志作亂攻陷武岡岷王遇害巡撫王舉奎
檄承允討平之出岷世子于難是秋張獻忠破長沙張先
壁黃朝宣焚寶慶走武岡承允按兵迎之二將斂兵入保
已而獻忠破寶慶游騎犯武岡承允擊卻之獻忠欲西入
蜀遂置武靖故全楚皆陷唯西南一隅獨全沅撫李乾德
依之以安甚德承允獻忠既渡江而西乾德遣承允合張
黃二營復寶慶乾德甚懷承允傾心事之乾德假借備至
承允遂驕蹇自大凌轢先壁朝宣乾德唯承允意抑二將
二將懟憾屯茶攸間與承允交惡宏光初乾德以承允先
後功次人奏遂擢總兵官都督同知黎靖舊統士漢諸軍
衛所寨額軍萬餘承允部兵僅千餘人調諸屯軍以自雄
岸岸謂諸將莫己若所部紳士編民皆懼其威何騰蛟家
黎平子文瑞少不習事承允屢挫抑之騰蛟撫楚承允深
以爲畏忌及騰蛟棄武昌開府長沙調諸將守湖先壁朝

水滸實錄卷二十六

一

宜先至騰蛟禮之有加承允聞之滋怒持文瑞陰事與騰蛟相抗久之乃集兵萬人赴長沙飾旗幟器械爲烜赫容實無意北出居旬日與先壁舉兵相攻騰蛟親詣其軍解之遂託以苗叛馳歸留部將陳友功率兵數千守湘陰承允歸益橫要取寶慶租稅爲己餉隆武元年傅作霖入奏稱承允功遂得挂將軍印擢右都督加宮保稍益招募有眾三萬人據武岡專制黔楚間上卽位遂封伯爵已而上自肇梧西幸徵承允入援瞿式耜聞其虛名亦雅望之承允遣兵至桂林至則凌轢焦璉與相攻大噪索餉而去馬吉翔前使楚承允與相結納至是因內臣盛稱承允足倚

承順實錄卷二十六

上遂勅召之承允意何騰蛟力扼長沙已可藉以自保遂欲迎駕居武岡可挾上以制中外傅作霖從臾之遂應詔赴桂林以上出全州司禮太監王坤執權恣睢周鼎瀚附之承允入奏逐坤而對御叱責鼎瀚廷士翕然稱承允公忠不知其以脅主立威也錦衣郭承昊以女樂一部賄承允馬吉翔嚴雲從皆諂附之承允遂請封三人伯御史毛壽登參駁之承允大怒周鼎瀚憚承允曲意事之遂相好如夙昔乃與馬吉翔謂承允曰壽登疏劉湘客所作也湘客與瞿閣老議要駕勿從公出楚今若不譴此二人上必不得入武岡承允遂面奏壽登湘客把持誤國請逮問萬

六吉吳德操疏救之承允激上縛四人將杖之承允僞爲跪救皆削職以是勢傾內外遂擁上幸武岡式耜力諫不聽廷臣惡畏承允多四逸不從駕行承允挾上威福自恣文武將吏爭奪唯承允意憾太僕少卿趙廷璧繫而斃之廷辱刑部侍郎楊喬然喬然去遣兵掠之于道李若星爲吏部尙書三日承允擊之不得有所云爲若星大罵去未幾兵陷長衡張先壁白寶慶走沅州承允恐其至奪己權守險隘過之先壁奮擊奪路去先壁奏使至承允磔殺之楚蜀黔粵奏報者皆不得通何騰蛟入見承允羈縻請辱之上命騰蛟督師出全承承允伏兵于道將害騰蛟騰

承順實錄卷二十六

蛟不敢行胡一青怒拔營挾騰蛟去乃不敢迫利吳炳脂韋請以爲相票擬皆先呈承允而後進江楚諸無賴子及武岡無行儒生旦投承允夕投臺省卽署承允部將皆封伯幕客鄒枚官至一品賜金圖書兵逼永寶承允畏張先壁不敢西走忌瞿式耜何騰蛟復絕南奔之路畫武靖黎平苟安俄頃顧日漁獵貨財飾歌舞識者知其必降矣承允既挾上勅使非承允令不能出馬吉翔復爲上稱其兵強志決旦夕復湖南宮中遂恃以安兵已破永州遂兩道竝舉攻武岡及紫陽江守兵返走保石羊渡嗣通山王蘊鈺急請對言至三十里外上猶不知猝至當如車

駕何上懼召承允問之承允對曰犯紫陽臣已大破之北奔旦夕收復寶慶誰以此恐喝陛下者因叩頭請詰其人語不遜上不得已良久曰宗臣蘊舒承允起大言曰請陛下遣蘊舒出禦敵臣願解甲歸農去遂洵洵出遇蘊舒于宮門奮拳擊之墮齒蘊舒遁去中外無敢言敵將至者八月兵扣石羊渡承允別將陳友龍死戰不下請承允出授承允至登高望敵兵退坐營門召諸將議皆請死戰承允不語入幕中修降書遣使詣孔有德降使返與承允耳語良久乃遣騎持片紙奏上言敵勢大陛下宜自爲計臣不敢保上乃倉遽出奔城門不開麗天壽馬吉翔麾壯

承順實錄卷二十六

四

士以利斧斷肩鎖上單騎走太后泊中宮皆乘籃筍出宮嬪徒步從皇子幼在襍乳母負之出不知所往承允遂開關延敵人有德從容宴承允于軍中又明日乃整兵入武岡上馳至靖州繇苗峒達柳州承允請導有德軍入沅黔追擊張先壁有德不聽挾承允下長沙明年春遂與俱北承允故怨何騰蛟乃請右德勸陳友龍停其妻妾友龍不能違既北行有德軍泊漢口承允曰從有德飲博承允平岷邨之亂多得奇寶器又擅西南財賦金幣充積每以寶器爲博進有德忌而善之會陳友龍反正報至遂殺承允沒其貲或曰承允之敗也密白有德請執車駕以獻莫

得重賞有德不聽密令承允報上俾逸去故有德留石羊渡兩日而後入亦不遣兵追躡見承允之狡也懼至北而洩之故殺之以滅口同承允殺者傅上瑞傅上瑞山東武定州人中崇禎庚辰進士授黃州府推官善事上官爲湖北巡撫王揚基所睚李自成陷承天黃州震恐揚基調上瑞署武昌府事以避寇張獻忠自黃州渡江將犯武昌揚基又調上瑞往江北監軍武昌陷隨揚基避匿漢川獻忠入蜀揚基被逮上瑞返武昌迎何騰蛟騰蛟復喜之題擢分巡下湖南道參議進太僕寺少卿已陞僉都御史巡撫偏沅督兵守平江瀏陽上瑞家人自山東來盛稱山東縉

承順實錄卷二十六

五

紳降者皆得無仕上瑞意動遂乘平江從醴陵南走寶慶駐沅州言偏沅爲己汛地竝攜瀾體守兵西去騰蛟歎惋而已承順元年沅州上瑞遂舉軍降孔有德挾之北去至漢口殺之陳邦傅字霖寰浙江紹興人故富家子有口辨善逢合以賄中武科父事職方司吏胡執恭居中爲援引歷官分守柳慶參將隆武元年楊國威挾靖江庶人反招邦傅未赴開丁魁楚檄邦傅討賊邦傅揣國威無成守柳州不爲下國威攻梧州魁楚召邦傅應援邦傅舉兵掩其後會焦璉自中起與邦傅合遂斬國威戮靖江庶人璉功最而邦傅

以結納魁楚得錄首功即代國威挂平蠻將軍印擢都督同知上即位以推戴加太子太師封思恩侯邦傳督梁狹邪上馬必兩人交掖儒冠大褶侈拜揖以爲容胡執恭自北走投邦傳邦傳以爲腹心執恭故猾吏漫不知兵部將茅守憲其妾父也陳安國其弄童也貪庸委闕以便佞狹持相尙邦傳以鄙墨爲土司所積輕不聽調遣所部皆諸衛戍軍半老弱折竹爲矛稍召募市井爲親兵不滿五千人平蠻將軍舊駐桂林邦傳畏楚兵之逼立帥府于南甯上再幸桂林調邦傳援楚邦傳無以應益交緹帥馬吉翔欲有請求輒得命旨上幸象州邦傳陞見迎上居南甯封

水滸實錄卷二十六

六

慶國公加少師賜雲鶴服充班首官執恭守憲安國皆言伯爵龍韜與覃鳴珂爭戰于象州邦傳不能制唯保南太自固而已邦傳生未嘗見敵徒以奉上爲居停位百僚上遂執朝權擅進退與王化澄馬吉翔相爲表裏士大夫無行者爭依附焉李成棟攻陷梧州進逼海橫邦傳懼遣書就成棟降會成棟有反正心不報邦傳益迫密遣其幕客沈原涓齎土地甲兵籍詣成棟請獻乘輿以爲降贖原涓至梧州成棟已下令反正守將郡邑吏皆冠帶奉正朔原涓遂焚降籍駕小舟晝夜倍道歸揭旗于橋署曰招安粵東及至南甯遂上書言已奉邦傳令說成棟反正事成

歸報成棟所遣使人奏者乘大艦逆流上會右江漲不得卒達上驟聞東粵平大喜邦傳益獵爲己功而薦原涓功俾隋陸遠擢僉都御史聯絡兩廣已而成棟奏使至知原涓事歸報成棟成棟深惡之欲發邦傳會約降狀馬吉翔爲彌縫之乃止上弗知也成棟迎駕東出邦傳欲要留恣擅威福杜永和入見語露邦傳降狀邦傳懼不敢留乃因吉翔求世守廣西視沐氏守雲南王化澄當勅已諾允之中書舍人張文光執不肯艸勅乃易稱居守廣西以與瞿式耜畱守相抗便宜專銓除糧稅執恭帆奏用其子欽華爲僉都御史巡撫湖廣欽華佻達惡少舉止妖冶楚師大

水滸實錄卷二十六

七

諱何騰蛟瞿式耜交劾免之上既東出邦傳遂自稱世守檄下巡按御史吳德操朱判如屬吏德操怒答持檄者馳疏奉聞上釋不問瞿式耜上言今日躡五等者相望初未裂土而封海宇剝削止粵西一隅爲天子之土桂滇數萬之師日需食邦傳輒稱世守將置車駕于何地廷議移罪文光文光奏取勅視之果無世守字及視沐氏擅財賦語邦傳乃沮邦傳專南太柳慶潯思田七府土漢之地每州縣輒以部拔卒疲兵百餘人據之專置有司徵貢賦滇焦楊馬之兵廩築桂平捍禦湖南糧糶不給瞿式耜徵糧于柳潯邦傳攘爲己故物有司怙邦傳抗式耜不應給事中

金堡入見首劾邦傳請削其爵職俾聞外知有國法馬吉翔力持之詔切責堡李成棟亦疏糾之邦傳見廷論不容乃稍割潯柳賦聽朝廷餉軍用顧繇是怨式相堡切骨而忌成棟思所以賊害之忠貞營兵屯梧州邦傳欲倚之蹂兩廣併式相成棟軍逼脅朝廷乃迎忠貞營屯海南拜李赤心母爲母以舅事高必正日夕從與赤心奪桂平肇廣挾駕以號令諸將赤心初佯許之久之乃曰陳兄勸我劫駕是將終謂我爲賊也邦傳懼乃不敢復言赤心死必正尤惡邦傳而狎之盡奪其馬仗曰甥高枕居峒寨何用此爲邦傳恐且盡乃迎朱天麟居其軍中與胡執恭共謀通

宋 卷二十六

九

孫可望則逐高必正兼李成棟諸部逼罷式相殺金堡一舉皆可行遂命執恭造偽勅冊鑄秦王寶詐稱上命封可望秦王令專制蜀黔楚粵文武將吏兵馬錢糧生殺不待奏聞以令旨行百官皆稱臣聽令可望大喜逾望執恭恐可望使人謝事發覺乃馳報邦傳令結吳貞毓等爲內應要求勅旨以實其言會貞毓等力攻金堡欲逐嚴起恆倚邦傳脅廷臣互相資助堡等下獄起恆被劾邦傳欲去南太以需可望之人而已避其名免必正之挾持乃自請援東率疲卒數千次于肇慶可望以朝命不繼至而執恭阻已遣使赴闕乃拘執恭執恭迫馳報邦傳令其子欽華徧

賂王化澄吳貞毓等爲可望請王封如其僞勅嚴起恆執不從化澄及萬翔爲調停之封荆郡王朱天麟與邦傳若天麟乃告貞毓令具稱臣啟疏百官從違姓名報可望可望知其詐大怒殺執恭顧已稱秦王如僞勅出黔收王祥等軍不能下然亦不肯爲發兵南太攻高必正邦傳方憂懼不知所出會兵破平梧廣州亦陷李元允之兵潰于肇慶邦傳乃西還欲犯駕以降畏必正不敢入南甯而焦璉自賀縣旋師次永安州邦傳遣書約與連兵固守璉不設備遂夜攻璉營執璉殺之獻其首以降于孔有德請有德兵速攻南甯之爲前導犯車駕可必得有德姑諾之不

宋

卷二十六

九

遣邦傳行以平定軍印在邦傳所土司必視此爲從違故待邦傳較淺渥邦傳獻印已有德狎而奇之從居桂林無所任使永曆六年李定國復桂林執邦傳磔之于市傳首黔楚見者莫不快之

永曆實錄卷二十六終

劫灰錄目次

永明王僭號始末

亾國諸人事考

何騰蛟 張家玉 楊長知

褚庭錫 陳邦彦 林天波

馮式柁 附張同儔 李元蔭 李定國

王 附張同儔

陳子壯 楊子風

大臨始末
舟山始末
延平始末



國粹叢書

劫灰錄 目錄

國學保存會 刊

劫灰錄

珠江寓舫偶記

順德鄧 實校錄

永明王僭號始末

故永明王由根明神宗之孫桂恭王常瀛少子也明神宗五子長光宗次福王常瀾次瑞王常浩次惠王常潤而常瀛最幼與惠王同李貴妃出萬曆二十九年冬十月己卯俱受封至四十二年福王先就國洛陽熹宗天啟七年瑞惠桂三王始各就國賜予祿入不能比福藩十一而瑞國漢中惠國荊州桂國衡州地皆荒瘠衡在江湖之表尤為僻遠焉崇禎十四年李自成陷洛陽福王常瀾而見殺是時秦楚交訌惠王常瀾走湘潭瑞王常浩走重慶十六年張獻忠陷衡州桂王常瀾由永州入粵西獻忠毀桂邸木石至長沙造偽殿王遂寄食蒼梧我

滑順治元年敗逆賊李自成於山海關中原底定福王子德昌王由棖僭位

國粹叢書

劫灰錄

國學保存會 刊

於江南

順治二年乙酉江南稱弘光元年王師下江南廣東在籍尚書陳子壯以桂王常瀾

神宗子宜立會唐王李鐸僭位於閩議遂寢是年桂王常瀾薨于蒼梧遂

葬焉號與二子長安仁仁由棖其次也

順治三年丙戌福建稱隆武元年秋七月大兵至延平執唐王李鐸粵中總督丁魁

楚巡撫羅式相巡按王化澄與故臣呂大器李永成晏日明湯來賀董天

四朱容藩林嘉鼎方以智程源等議所立時安仁王由棖病卒乃共推永

明王由棖桂太后王氏曰諸君子何患於無君吾兒仁柔非撥亂才也願

更擇可者魁楚等請之堅遂以十月十四日稱監國於肇慶以魁楚大器

為大學士并典樞務晉式相為侍郎署吏部事永茂請終制化澄以下皆

晉爵諡所藩曰思文未幾贛州報至唐藩故相蘇觀生粵入也以擁護入

閩功授大學士回粵督師援贛駐南安不敢進是月四日大兵破贛州督

師閣部楊廷萬元吉監軍御史姚... 生撤兵度嶺丁魁楚故與觀生不和兼聞贛州故信倉卒奉永明王走梧州已而蘇觀生使陳邦產勸進復回肇慶十一月唐王弟... 遂與布政使顧元鏡總兵林察等謀立之曰吾君之弟也借位置六卿改元紹武召海上鄭石馬徐四姓盜授總兵等官與肇慶相距是月肇慶永明王亦僧號改元永曆使給事中彭耀赴廣諭蘇觀生被殺乃以兵侍郎林直鼎督總兵李明忠龍倫蘇勳等赴三水直鼎故粵中監司與林察同姓相善察使四姓盜詐降迎直鼎信之舟至三山口亂作全軍俱沒直鼎赴水死肇慶大震復以王化禮為兵侍郎代林直鼎督師大學士掌樞呂大器以病辭入蜀化禮遂督尙書起復李永茂為大學士知經筵未幾亦罷去十二月我

國粹叢書

明史紀事本末

二

國學保存會

清巡撫佟養甲總兵李成棟由閩趨潮惠俱下之潛師襲廣州望日紹武方

視學警報至蘇觀生叱曰潮州公文昨日到兵何自來耶已而騎抵東郭門守門者猶以為招來海上盜也呼問之比覺而城不及閉先鋒入返據城以引外騎觀生急調兵兵舉四出猝難集頃之僅得數百人我兵下城擊之皆散走因盡入城執事與周益遠等二十四王俱及于難二十五日報至肇慶觀生相請守峽口司禮監王紳難之乃以朱治調為兩廣總督守肇慶永明王走梧州

順治四年丁亥西曆元年春正月李成棟分兵徇南韶自率兵向肇慶朱治

同走永明王由梧州北走平樂丁魁楚辭入岑溪縣守險王化禮走潯州李成棟至肇慶別遣副將楊大福張月等徇高雷廉三府自以二十九日入梧州廣西巡撫曹輝降二月永明王入桂林遣使湖南樹勢督師定興

侯何勝蛟等并趣其兵入衛徵四川文安之雲南王嗣襄入關以周塔廣郭都賢劉遠生等為六卿丁魁楚金俱為給事是時孫可望等方由川貴入雲南王錫良以道阻不能達文安之亦未至丁魁楚在岑溪為李成棟所誘見殺於藤江平樂亦不守永明王在桂林聞報大恐會武岡鎮劉承蔭以兵至全州內監王紳請赴之觀生不聽式相因自請保桂林與城同存亡乃以式相兼吏兵兩部尙書督師留守以焦璉為總兵諫蹕下封舊鎮陳邦傳為思恩侯守昭平王自桂林趨全州三月封劉承蔭為安國公錦衣指揮馬吉翔郭承吳嚴登等皆為伯御史毛登等爭之吉翔怒激劉承蔭蔭王杖書登併及劉湘等吳嚴萬六吉等從官論救得免吉翔本廣東都司以解靖江王至閩授錦衣至是因內閣乏員黃緣筆給房事司票擬焉劉承蔭以三千人授桂自奉永明王歸武岡以巡道嚴起恒為大學士大兵攻桂林觀生相與焦璉悉力守禦武岡援兵以乏餉

國粹叢書

明史紀事本末

三

國學保存會

潰歸桂林垂破會廣東陳邦產以甘竹灘阻龍兵犯廣州李成棟留兵屯陽朔自率大部東回未幾張家玉陳子壯等兵俱起昭東莞高明等縣成棟往來追擊不能復西桂林稍定是時定南王孔有德靖南王耿仲茂平南王尚可喜等統大兵下湖南何勝蛟與郝永忠等退保衡州張先登走寶慶湖北巡撫堵錫錫走永定衛忠貞營李赤心等犯荊州不克潰入歸巫兩江間馬進忠王有才等遁五溪山中先是劉承蔭在湖南受何勝蛟節制勝蛟以丙戌藤溪之捷請加郝永忠援勦左將軍張先登援勦右將軍承蔭怨至是以長沙不守為勝蛟罪請解其兵柄召之入輔先登等亦抗論承蔭專權勝蛟以大義解之承蔭聞先登兵至寶慶憂甚乃復請命勝蛟督諸鎮兵守衡五月大兵至衡永忠等戰敗俱遁走總兵黃朝選等被執何勝蛟退保永州湖南巡撫章順卒于永安縣從者推演將趙印選胡一清等數千人八月大兵破寶慶劉承蔭拒戰敗績使人報武岡而後

降焉馬吉翔等以永明王夜走靖州由通道縣入蠻境出古泥以達柳州
土司覃勇珂與守道龍文明相攻遂陷柳州馬珂者副將覃通之子也
初通從廣蛟於楚潰歸入桂林陳兵窺餉廣蛟式相俱惡之比至柳龍
文明承督府密檄伴與通弄飲解散其部曲執通送桂林誅之永明王
至古泥廣珂訴冤從行者倉皇未詳其始末遂以不知對馬珂率諸苗攻
文明文明走遂入柳州府城大掠矢及永明王舟中王南走象州時大兵
已定湖南永州亦破郝永忠盧鼎等俱入桂林何騰蛟與嚴起恒劉湘客
隨至與留守羅式相議分地給諸鎮俾自爲守式相先已督焦璉兵復陽
朔及平樂府陳邦傳亦由賓州復潯州合兵復梧州粵西全省俱定屢請
永明王回桂林及騰蛟起恒等至復以爲言十一月永明王回桂林羅式
相與嚴起恒王化澄並相何騰蛟督師出全州王坤龐大壽掌司監事馬
吉翔內交諸閩外與陳廷傳等爲奧援專司擬票式相等不能與比也

國粹叢書

粵東傳

四

國學保存會
刊行

順治五年戊子廣西稱永曆二年春二月大兵入粵郝永忠之兵潰于興安入桂林
大掠永明王夜半走何騰蛟在永寧聞警馳回興州式相同調諸鎮兵入
城守禦胡一清焦璉等各率所部至三月二十一日大兵至桂北門何騰
蛟等拒戰遂由甘棠坡旋師蓋聞金聲桓江西反信回楚以固根本也金
聲桓使人間道責佛經置密疏其中赴南寧輸款四月朔長子某生王氏
出也五月何騰蛟復全州六月廣東李成棟使亦至成棟自廣西回擊殺
陳子壯張家玉等擅授提督巡撫佟養甲爲總督李成棟自負功高不欲
受節制又得金聲桓密書遂反使至封李成棟惠國公併封陳邦傳慶國
公金聲桓豫國公及王德仁佟養甲杜永和等爲侯伯有差李成棟請移
駐廣東羅式相請回桂林衆議肇慶監國之地居兩省中遂移蹕焉八月
至肇慶拜李成棟明大將軍以其子李元蔭爲錦衣指揮使掌絲綸房
事袁彭年爲左都御史彭年以廣東布政與成棟密謀者也冬十月李成

棟犯贛州先是江西廣東俱反惟贛州爲高進庫所守金聲桓使王德仁
攻之不能克求助于成棟比成棟至而我朝兵已抵南昌王德仁還救
李成棟戰不利退屯南康縣十一月殺佟養甲養甲爲成棟所脅反非其
本意嘗密使人北上被獲使赴梧州祭陵殺之於楊柳沙舟中召舊輔臣
何吾驥黃士俊入閣

順治六年己丑廣西稱永曆三年大兵圍南昌久金聲桓告急使李成棟何騰蛟堵
蔭錫等分道援之未至南昌已破烏金王大兵南下湘潭馬連忠等敗走
何騰蛟被執不屈死之二月李成棟兵亦敗于信豐渡河墮水死事聞贈
何騰蛟與李成棟金聲桓皆王爵設壇祭之以杜永和爲兩廣總督代李
成棟駐廣州羅成難守南雄忠貞營之衆亦潰於茶陵由道州入粵西塔
羅錫以胡一清趙印選兵守衡州三月大兵至擊敗之塔羅錫走道州衡
永二郡俱不守四月雲南監軍楊長知等以僞平東將軍孫可望疏至肇

國粹叢書

粵東傳

五

國學保存會
刊行

慶具爲請王封兵科金傑持不可孫可望自丁亥春入滇據有全省稱國
主以千支紀年其黨李定國等抗不相下故楊長知誘之來歸請封久不
決陳邦傳中軍武康伯胡執恭駐思恩聞之謂奇貨可居便宜矯冊印入
滇封孫可望爲秦王肇慶不知也六月堵薩錫至肇慶加閣部銜使招忠
貞營李赤心等出楚七月封孫可望爲平遠王賜名朝宗劉文秀李定國
艾能奇等皆爲公至滇孫可望却不受是冬封黔鎮皮熊爲匡國公播鎮
王祥爲忠國公防滇寇也十一月堵薩錫卒于潯州忠貞營之初入滇也
李元蔭恐爲亂請移楊大剛駐封川以防之赤心等既西大福邀其守後
兵五千人而東焚掠懷集四會間遠近震駭李元蔭請召楊大剛入肇慶
縋殺之亂始定陳邦傳鎮粵西橫州徐彪鬱林梁士英各聚兵據境邦傳
不能制聞赤心等至思借之以爲重乃與盟于平南縣以討徐彪等忠貞
營遂散處賓橫境上居民苦之邦傳亦不能堪塔羅錫之調出之也亦

心等殘敗之餘甫得安土不欲復出楚塔蘇錫履機之不應竟以憂死十二月我

清平靖兩王下廣東羅成羅自南雄道回

順治七年庚寅順治四年正月聞廣關失守間備禦之策無對者七日登舟

十四日韶州復破十七日舟發自肇慶留馬百翔李元蔭居守二十六日

至梧州駐舟江干內閣黃士俊以疾歸二月平靖兩王兵至廣州圍之關

陳邦傳高必正等東援邦傳久與東鎮構隙且怨金保等之善元蔭也奉

調赴梧意在修怨迎其意者遂以事論保等因杖堡及侍郎劉和容給事

丁時魁蒙正等遣戍之五月高必正亦至時李赤心已死必正代掌軍

政其黨張良壽四虎等一時物故必正疑邦傳藥殺之邦傳亦憾必正等

久擾其境陰使其將姚春登連結土司以誅流賊為名會李來亨馬騰雲

等調兵土司遂相讐殺必正怒歸罪邦傳率所部西回惟邦傳東出駐清

國粹叢書

知灰錄

六

國學保存會刊

遠馬百翔等駐三水俱觀望不敢進廣州被圍日久以城守功進杜永和等為侯八月孫可望復遣使至梧自稱秦王且以不願改號為請付從官集議王化澄朱天麟等以為許之便惟嚴起恒文安之郭之奇以為不當許時兵侍郎萬朝掌樞事徐樞為兵科皆王化澄同里故力主化澄議已允行矣七月颶風颶舟求直言郭之奇言風變由滇封也議遂寢已而籍川黔者又乞允可望請以通道西南嚴起恒難之會內江楊和至梧力言封王之非起恒悅授和兵部尚書又轉劉參珍為兵科給事中而萬朝徐樞之說遂不行九月孫可望由雲南東襲貴州皮熊走清浪可望使白文選追執之奪其兵又使賀九龍將兵趨遵義王祥帥敗自刎死于是張先登馬應忠等由湖南入黔皆歸於可望勢益強地與粵西相接矣十一月二日大兵克廣州范承恩迎降杜永和率舟師下海奔瓊州五日定南王兵入桂林留守羅式知總督張可欽俱死之初長沙既破胡一楷趙

印選等南走粵衡永各郡盡不守式粗分佈一清印選與焦璉楊樹棟等兵扼榕江既而全州復破榕江兵盡潰胡一清趙印選走柳州焦璉走修仁楊樹棟走慶遠報至梧州乘砲船夜發比曉從官跟踉追走陳邦傳在清遠聞廣州失飛帆先歸邀結從官于藤江殺部郎潘駿觀童英許王鳳等內閣王化澄吏部尚書公清等俱走北流不得達馬百翔李元蔭追及於南寧從官稍集飢凍無人色括行藥併馬百翔所獻得四千金散給之

胡一清趙印選率滇兵駐賓州

順治八年辛卯順治五年三月使編修劉應赴黔封孫可望為翼王平越

不得入先是孫可望以不遂允秦封切齒已久楊長知日秦固美號然假

何如真孫可望終不悅楊長知因請再至南寧議之孫可望使賀九龍張

勝張明志等將兵護衛實令求阻秦封者而甘心馬九龍至使人殺殺楊

鼎和於崑崙關與嚴起恒議不合即舟中殺之投屍於水流三十里虎負

之置岸上而去劉克珍吳霖張載述等俱被害吳霖張載述本不阻秦封

以尋常劾陳邦傳職逃常劾朱天麟二人皆主秦封者也故并及焉於是

始真封孫可望為秦王楊長知留南寧可望召回黔殺之九月陳邦傳叛

降于定南王南寧震恐議奔廣南自瀾灘發舟距追兵止五十里趙印選

胡一清以叛卒同馬百翔抵灘請乘舟從陸山土司安平下雷歸順歸

潮一路進發諸蠻各供糧餉并從官夫役孫可望既受秦封遣其將狄三

品陳國能高文貞等來迎并致書從官曰南寧不守當走安隆從之是時

孫可望已山還義北擊于大南李占春於重慶破之據有川東復遣王自

奇劉文秀分身取黎州及嘉定獲袁錫武大定以歸總督李虎赴水死

留兵守川西

順治九年壬辰順治六年春二月永明王至安隆改名安龍府孫可望歲以

銀八千兩米百石上供從官取給焉平西王吳三桂由漢中從定西將軍

國粹叢書

知灰錄

七

國學保存會刊

聖勅統兵入四川孫可守將白文選走回雲南定南王孔有德自
廣東以七百騎出河池州向黔大軍駐柳州接應孫可守乃議內犯使李
定國與馮雙山由黎平出靖州馬山由鎮遠出沅州會於武岡以圖桂
林步騎八萬人劉文秀與張先豐由永寧取叙州白文選由遵義取重慶
會於嘉定以圖成都步騎五萬人疏聞安隆封李定國為西寧王劉文秀
為南康王餘各加公侯從孫可守請也五月李定國等進攻靖沅武岡皆
下之定南王還守桂林定國由西延大埠疾趨廣西我師遇於全州不利
復敗於岩關七月四日遂陷桂林定南王之獲陳邦卿并其子甘禹送
貴州殺之劉文秀陷叙州白文選陷重慶平西王等回兵保鄂文秀由嘉
定成都追至保寧大兵出擊大破之劉文秀等奔還全軍俱沒孫可守請
削其王爵俾回守雲南九月李定國北取衡州自南寧既敗胡一清趙印
選馬曹志建等尚留粵西屯聚山谷聞李定國至皆相率來歸民間亦

國粹叢書 劫灰錄 八 國學保存會 刊

多噶察以應者聲勢大振孫可守亦至自玩州使白文選張虎攻辰州府
陷之殺鎮守總兵徐勇湖南猝不意賊至長岳一帶俱奔潰我
大清敬謹親王率大兵南下十一月三日遇李定國於衡州城大戰竟日定
國不能支遂敗走王自率精騎追之去其大軍數十里過險遇伏為交槍
所中李定國得收兵退屯武岡

順治十年癸巳庚申永春李定國復回廣西初定國自桂林勝後不復稟
孫可守約東馮雙山與爭兩獲益相構可守惡之其在武岡也使人召之
赴沅議事將因其敗以為罪而殺之李定國覺其意辭不行遽率殘兵五
萬人走東安全州入粵可守自率兵追之我師雖失大帥固山佟國顯等
仍進兵寶慶與可守遇於花街子孫可守將中軍馮雙山軍左白文選軍
右楊武馮萬實在可守後我師望見可守龍旗盡力攻之殺傷相當孫可
守忽自走入楊武軍諸營見龍旗走遂俱潰惟馮雙山一軍不動我師望

衡州之事亦不追各引還以武寶之間為界李定國得據有廣西與馮
等由懷集東攻肇慶圍之平南王尚可喜率師來援相持不能克永明王
在安陸日益窮促聞李定國據有廣西且與孫可守有隙謂內監張福
全為圖曰秦王見待無人臣禮安危不可知得西府以兵迎庶脫于險西
府謂李定國也時內外多為可守耳目者惟吳貞毓由吏侍邸入內閣索
懷忠憤和議等與之商併約內翰蔣乾昌李元明給事張鼎御史李順胡
士瑞部郎徐梅楊超凡為張如鄭元元周允吉朱謙榮朱東且任牙
易士嘉等與謀以馬吉翔與內監龐天壽素附可守恐洩其謀乃議先移
天壽于外又使馬吉翔赴南寧省墓至十一月密使林青陽赴廣西召李
定國入衛許封晉王復使周官申論焉情詞哀切李定國受讚感激泣數
行下軍中皆流涕願念兄事可守久未肯輕舉發有劉顯新者自行營回
過南寧為馬吉翔言其狀吉翔雖赴南寧留其弟顯飛在安陸覘動靜年

國粹叢書 劫灰錄 九 國學保存會 刊

聞劉顯新之冒大驚曰不早自為地事發禍且及我輩矣陰使提塘王愛
秀報孫可守又諷劉顯新具疏安陸為他日左驗孫可守聞之大怒使人
邀林青陽周官執之併執馬吉翔赴黔以待對理實厚待吉翔云
順治十一年甲午庚申三月孫可守使鄭國王愛秀至安陸言李定國
私通奸臣要務封爵今使者已被執供明乞查發同謀者付之以報國主
國主謂可守也永明王謝曰事非內人所敢為假勸假贊外間多矣鄭國
等怒而出執內閣吳貞毓械繫之復率兵入內縛張福全為國而出兵
侍邸冷孟維等請曰事急矣諸臣不足惜恐并及於難奈何永明王曰我
實不知何所言鄭國等拷訊吳貞毓備苦搥貞毓曰我備員為相凡事自
主之上下無與者然天壽雖飛已密探同事者姓名先報可守竟依數執
之鍛鍊成獄張福全為國與張鼎俱極刑蔣乾昌等十四人棄市吳貞

毓以大臣賜自盡皆慷慨賦詩安慰永明王而死安陸人哀之使為祠以

祀稱十八先生焉孫可望憾李定國益甚願以方將兵在外不敢輕樹敵仍厚養其妻子于雲南定國亦防可望襲之是年秋南攻廣東之高州府破之雷廉俱爲所有

順治十二年乙未安隆稱永孫可望遣兵犯常德復敗歸永明王在安隆塗

葦蕩以慮日食脫粟守將承可望意更相凌逼挾彈射鳥直入其門文吏

乘輿呵殿過之不復下改稱安隆府爲安籠歲造開銷銀米冊報可望稱

皇帝一員月支若干皇后一口月支若干隱忍延喘息而已李定國由高

涼東攻陽春陽江陷之遂進圍新會

順治十三年丙申安隆稱永春新會被圍日久平南王尙可望請大兵至擊

李定國敗之喪匹殆盡率殘卒數千奔回南寧將由安隆入滇孫可望值

知之先使白文選赴安隆促永明王移黔永明王母子聞之哭從官亦哭

白文選雖爲可望用然心不直其所爲對此心動因以情告曰姑遲行俟

國粹叢書 初灰錄 十 國學保存會 刊

西府至西府開可無危矣遂以輿徒不集報可望陰以留俟李定國數日

定國至遂奉之由安南衛西走雲南白文選東回黔孫可望復使率兵邀

之李定國已抵曲靖時守滇者爲劉文秀王尙等劉文秀亦素

怨可望聞李定國至伴與王尙等勒兵私以數騎馳逐定國曰我輩以

秦王爲董卓尤恐卓後復有曹瞞定國爲之指天立誓劉文秀遂與李定

國白文選同奉永明王入雲南居孫可望府中賜李定國晉王冊寶封劉

文秀爲蜀王白文選蒙國公王尙保國公王自奇蒙國公餘俱爲侯伯

又以李定國記室金維新爲吏部侍郎兼都御史龔密爲兵部侍郎馬吉

補工彌縫仍以文安侯入閣辦事遣白文選還黔慰諭孫可望可望奪白

文選所部兵并其鞏國公印置營中然以妻子在滇未敢公爲逆也

順治十四年丁酉雲南稱永春使張虎送孫可望妻子赴黔以慰安之可望

既無內顧乃舉兵反時可望所部至衆諸鎮自楚粵主者皆聚於黔從李

定國歸者不過敗卒數千人劉文秀將留滇兵亦少忽有此變上下皆震恐然人心多不直可望馬進忠馬進興馬實以同姓相密又與白文選

交密謀助李定國從容爲可望言文選心符舊人諸將才望無出其右者

特前爲定國所務使其心果外向必不敢復來人來而奪其兵失歸向心

試重用之必能爲國盡力可望信之乃以白文選爲征逆招討大將軍總

統諸將前行自率大軍隨後留馮雙龍守貴州馬進忠以病留安順李定

國劉文秀聞之亦自將至三岔相拒秋九月十四日白文選抵交水距三

岔二十里輕騎奔定國軍具言人心內向可一戰走也定國悅請封文選

爲雲昌王孫可望聞變欲回馬實伴爲切齒曰吾乃爲賊賊所欺要當手

縛之生食其肉且一人去何足重輕而以廢大事耶白文選前爲賊時嘗

戰傷其足醫者生截他人足以接之雖愈而跛故實呼賊賊云可望乃止

曰爾曾齊出會城必虛因使馬實與張勝武大定間道襲雲南而身與定

國粹叢書 初灰錄 十一 國學保存會 刊

國等戰兵既交馬進興軍先走遂大敗十九日可望奔回貴州張勝至省

王尙謀翻城應之黔國公沐天波覺挾輿入朝以兵守之王安等拒戰

於城外張勝知有備亦馳回孫可望既敗李定國慮會城有失使劉文秀

白文選東迫自引兵還救根本遇張勝於渾水塘大戰竟日擒之孫可望

至貴州馮雙龍就之言追兵將及可望知人心已散遂挈妻子赴長沙經

畧洪承疇軍前降馮雙龍斷後掩其子女玉帛同劉文秀白文選歸雲南

論功封馮雙龍慶陽王馬進忠漢陽王馬進興叙國公馬實准國公賀九

龍廣國公其黨附可望者皆降級冬十月遣使問道赴海封鄭成功爲延

平王

順治十五年戊戌雲南稱永春正月孫可望入京封義王三月遣楚蜀粵二

路大兵入黔李定國使其將劉正國楊武守三城紅關諸要險防蜀使馬

進忠等駐貴州四月二十四日劉文秀病卒琿國公王自奇永壽伯關有

才反殺總兵徐祚李定國自率兵討之王自奇為亂兵所殺執關有才于永昌誅之內亂平而貴州已不守矣是月蜀兵至三城對正國由水西奔回雲南晦日克遼義楚兵自鎮遠抵黔馬進忠等亦走五月蜀兵擊敗楊武于開州之倒流水七月粵兵抵獨山州十月三路兵俱集信郡王奉命自北至會于楊老堡戒期入滇李定國受黃鉞與馮雙等扼雞公背圖復貴州別遣白文選將四萬人守七星關抵生界次帥示犯遼義以牽制蜀兵十二月蜀兵出遼義由水西以烈趨天生橋入烏撒白文選懼棄七星關走回露益泗城州土官岑聯輝導粵兵入安隆李定國使懷仁侯吳子應禦之敗績李定國由盤江回師拒戰連敗於安隆之羅炎涼木井撤寨遂遁回十五日報至永明王先走

順治十六年己亥永昌稱永正月三日大兵入雲南四日永明王至永昌傳諭罪已李定國遺黃鉞待罪自請削秩不許二月白文選敗于玉龍關初

國粹叢書 劫灰錄 十一 國學保存會 刊行

白文選自雷益追及李定國留之斷後大兵以二月二日出雲南十日追敗王國功兵于普湖十五日大理之玉龍關白文選與張光翠陳勝等俱戰敗由沙木和走鎮康土司總兵呂三桂被殺永昌聞之使沐天波馬首翔等隨行走騰越李定國伏兵潞江之高黎貢山中十八日大兵抵永昌二十一日過潞江前驅遇伏不利適有降人洩定國謀乃分精甲先蹂其伏處而大軍由正路上殺傷相當寶名王羅皆戰死李定國不能支復遁騰越聞報乘夜走入南甸僑平關侯孫樂舉邀劫資裝於道中二十

江走孟定白文選走木邦已而文選以兵入緬緬使人至非互求赦止兵文選戰不勝走回孟良四月初三日 兵至蠻漢復使丁調鼎楊生芳往止之因諭守關者已航海赴閩兵勿復來蓋緬人畏兵故馬首翔冀以此悅其心而不知為其所愚也沐天波蒲樓王啟隆等謀乘間走戶獵二撤亦不許五月四日緬復以舟迎五日發井互七日至阿瓦對江阿瓦即緬酋所居城也八日進緒煙知前陸行者潘世榮等被緬分給土人為奴多自殺惟存岷王 子八十人後流入暹羅云緬人於緒煙置草房十間編竹為城每日兵百餘護之從官各給茅散處蠻男婦日來貿易初至饋獻頗豐後漸薄八月望日為彼國朝會之期暹沐天波同往行禮天波不從強而行馬首翔李國華等猶以令節飲王維恭家維恭弟弟也有女妓黎維新已老矣馬首翔強之為黎園舞維新泣下曰今何時願猶為歌舞歌耶首翔等怒錘之蒲樓家復縱博喧呼聲徹於內時永明王方臥病不

國粹叢書 劫灰錄 十三 國學保存會 刊行

能禁歎息而已九月緬進新稻命分給從官之籍者馬首翔多私其親故鄧鳳以為言馬首翔擊鄧鳳傷足十月禮官請造庚子曆從之順治十七年庚子 永明王在緒涇李定國白文選會兵攻緬索之不得敗緬兵於瑞羊岳順治十八年辛丑 李定國與緬戰於桐柏白文選助之復敗緬兵緬終不肯出永明王從官資用盡竭有數日不舉火者出金寶付馬首翔碎之分給入各數銖五月緬酋以老避位其弟莽猛白代立索賀禮復來言三載供給之勞索報禮俱無以應是月十八日請從官過河盟既出以兵圍殺之武臣沐天波馬首翔王維恭魏豹馬維飛王啟隆蒲樓王自京襲勳陳謙吳承府安朝柱任子信張拱極劉相宋宗宰劉廣銀宋國柱丁調鼎文臣鄧士廉楊在郎昌琦鄧居詔任國耀王祖烈張謙楊生芳潘瑛齊應郭張伯琮內監李國榮李茂芳楊宗華楊強益李榮貴沈翽龍

周業盧曹某等凡四十有二人俱被害其未亂而先病故者已亥則潘
琪齊瑛朱仲庚子則王名偉辛丑則瑞昌王 徐鳳翥劉忠與商某劉
某二監其遇亂而自盡者故吉王及朱謙徐衛所宜趙明鑑王大雅王國
相吳承蔭朱文魁鄭文遠李雙白凌雲尹襄吳某嚴某內官陳德遠等婦
女之前後自殺者劉楊二貴人吉王松滋王妃馬吉翔四女姜承德妻王
氏王啟隆妻吳氏妾周氏王國羅吳承爵之妻齊瑛之妾俱失其姓餘死
尙多惟鄧凱以病足內監蔣進朝李鶴龍李國用以老病未行得免後進
朝三人亦病死止凱生還爲人述其狀如右緬殺諸人後有馳呼而來者
云勿害皇帝及黔國公即林天波蓋恐

本朝案之思留以獻也而天波已先死乃復治天波所居室移永明王眷屬
二十五人入居之并進衣食八月李定國以十六舟攻緬復爲所敗覆其
五舟乃與白文選俱引還十二月朔我

朝兵至白文選自木邦降緬以永明王父子送於軍前明年四月二十五日
殺於雲南六月二十七日李定國死於猛獵其子李嗣興與劉文秀子劉
爲俱降惟鄭成功子鄭錦在海外猶以僞永曆紀年非復故明子孫矣

國粹叢書 劫灰錄 十四 國學保存會 刊

劫灰錄

亡國諸人事考

何騰蛟

何騰蛟其先山陰人成貴州黎平衛所居有神魚井無魚也騰蛟生魚忽滿
井五色巨鱗大者至尺許居人異之登天啓辛酉賢書起家南陽令時流寇
充斥至邑恆被走之後從巡撫陳必擊賊於安阜斬首四百級由是知名
擢武庫主事累遷淮徐兵備道平土賊程守守王進善張方造等衆數萬福
王立南都擢都御史巡撫湖廣當是時賭大鎮分擁重兵所在文臣結強藩
交權相構湖廣新經獻賊之亂寧南侯左良玉據武昌兵衆而無紀遠近
畏之騰蛟慷慨赴任日盡瘁邊事利害不問也未幾督閩賊既潰出
武關左良玉畏其逼已每欲引兵東下未有會值有自北來詐稱故太子者
南都君臣惡其恐衆收下獄遠近洶洶謂奸相馬士英欲殺之左良玉乃與

國粹叢書 劫灰錄 國學保存會 刊

巡按黃澍上疏以討馬士英爲名乙酉三月帥兵三十萬內向騰蛟百計阻
之不聽先一日左兵大掠城中人倉皇入督署避難者數萬騰蛟以印授家
人速持去自坐堂上亂兵入飛矢集几案不爲動左良玉使人謂曰公不行
不強但一語而別騰蛟赴之既登舟舟遂發使四神將守之行四十里至陽
邏鎮騰蛟罵曰吾封疆重臣豈相從作賊耶因自投於江守者懼誅亦赴水
死騰蛟順流數十里遇漁者救之得鮑標將熊朝佐等及故士卒聞騰蛟在
稍稍來集家人亦持印至遂入大冶通山之間左兵東下浦澗旬間賊十萬
衆自陝潰入楚掠武漢而東嶺左兵之尾大兵追闖者又數萬水陸踵至計
至荆河至峽城數十里間日接陣格鬪紛擊散走四月左良玉與黃鶴功戰
大敗師潰蕪湖之荻港後數日左良玉死其子左孟庚以父兵降闖賊被迫
會大雨四十日百川漲溢賊敗所在積尸成丘李自成僅引數騎馳入九馬
山元帝廟居民白楮擊殺之五月大兵略武漢諸城邑騰蛟自寧州間道入

劉陽向長沙時楚人相傳勝入水浮沉三晝夜不死有大龜負之登陸皆以為神爭相向從矣先是左良玉操楚事勝不能制乃請以知州章璠為監軍道傳上璠為長沙道與督學道堵錫各練兵一萬至是皆以兵來會未幾舊鎮馬進忠張先登盧鼎等亦次第來歸軍聲稍振七月唐王立於閩晉勝蛟尚書兼東閣大學士封定興侯督師并以章璠堵錫為湖南北巡撫分駐湘陰常德為犄角皆從勝蛟請也勝蛟令南陽時與王晉故所陳皆報可九月降開賊之潰將郝永忠王進才及左良玉之標將王允成等兵十餘萬堵錫亦降李錫高一功等十八營於松滋之草埠乘三十萬號曰忠貞營明年丙戌勝蛟兵戰于岳州城下又戰於藤溪戰於湘陰皆捷請加郝永忠恢則左將軍張先登恢則右將軍餘陞授有楚江楚間民兵皆結誓固守以應方謀大發兵犯武岳及江右之袁吉會聞破贛州亦不守人心搖動兵不果出十月桂王子永明王立於隆慶丁亥正月大兵定廣東王自隆慶

國粹叢書

魏英錄

一一

國學保存會刊

奔桂林勝蛟與武岡鎮劉承蔭俱以兵赴難劉承蔭遂挾王走武岡劉承蔭者崇禎時為武岡參將常鑄鐵棍自隨因為號其後南北多故乘亂截粵餉之解北者十五萬招集士馬遂雄視湖南稱重鎮掛平蠻將軍印嘗從勝蛟戰岳州一軍先走後封賞不及遂怨勝蛟至是以擁護功封武岡伯尋進侯又進安國公大兵入長沙勝蛟戰不利退保衡州劉承蔭請召勝蛟入閩辦事實以解其兵柄諸鎮皆怒張先登引兵趣武岡請誅劉承蔭劉承蔭懼會勝蛟至諭解之張先登引兵掠寶慶西去劉承蔭復喜既而以請鎮請仍以勝蛟督師出衡州而衡州之師已潰惟郝永忠王進才以兵至餘皆降五月勝蛟以衡州退保永州湖南巡撫董職駐東安疽發背死大兵攻寶慶破之劉承蔭屢戰敗遂降永明王奔古泥大兵還攻永州郝永忠等走勝蛟獨以胡一清兵力戰城下十餘日胡一清曰吾外援已絕內儲復匱死空城無益遂擁勝蛟決圍出比至全州郝永忠已集湖南潰兵數萬入桂林城中大

沸公馳入與留守翟式相分佈諸將自會城之北盡全州與安靈川駐郝永忠兵城東永寧義軍駐胡一清及趙印還兵其他鎮兵自將留會城胡一清趙印還俱演人初應御史陳廢募將三千人象十二隻至豫章隸江督萬元古廳下及贛州陷萬元古陳廢俱死胡一清走湖南屬勝蛟十一月永明王自象州復回桂林戊子二月大兵破全州至興安郝永忠兵大潰掠桂林而南王奔南寧勝蛟方按師永寧聞報急引胡趙之兵還保桂林會江西告變大兵俱還駐武昌勝蛟招集潰散得二萬人將出楚巡撫堵錫與馬進忠等亦攻下常德報至勝蛟即出嚴關身先士卒大戰日月橋遂復全州進攻東安破之於是舊鎮將次第自山中以師來會圍永州三閱月克之乘勝克衡州進攻長沙十一月堵錫以忠貞營兵自常德趨湘潭勝蛟相見甚喜時大鎮聚湘潭者數十家最後馬進忠亦至與忠貞營有舊隙會江西被圍趙赴援勝蛟乃與堵錫議自督馬進忠及諸鎮兵圍長沙堵錫歸率忠貞

國粹叢書

魏英錄

三

國學保存會刊

營援江西己丑正月烏金王師至湘潭馬進忠胡一清俱走勝蛟曉起營壁皆空乃大慟曰五年督師心血嘔盡而所成竟如是天也遂緋衣坐堂上不去執見烏金王勸之降對曰若何患無降官降將哉果以我為血性男子何惜一劍遂不食七日且死謂寺僧曰取一瓢河水飲我是水自衡來猶吾君之水也滌腸胃而死瞑目矣遂遇害事聞贈中湘王諡忠烈子何文瑞奪情拜都御史監胡一清軍以病卒自勝蛟死而其家之神魚井亦空無魚焉黎平破黎族見屠

塔蔭錫楚事

塔蔭錫號牧游江南宜興人登劉同升榜進士崇禎辛巳任長沙知府是年五月山賊蕭和宇等竊發擾安化寧鄉數敗官兵勢甚盛而錫率鄉勇破斬之又破醴陵燕子窩賊斬其渠草上飛李嗣子等於是中外稱知兵甲申六月陞武昌兵巡副使九月改本省督學乙酉春巡試湖南至常德會左關交訂以督師徵招兵萬人使偏將楊國棟等分領之總督何騰蛟走長沙分大湖南北為汛錫晉湖北巡撫還常德先是李自成既死其義兒李錫等十八部屯澧州界上號三十萬遠近大震錫欲撫之偵知錫母高氏有智術軍事皆取決而高氏弟高一功所部二萬人為諸軍最乃集鎮將道府議親赴其軍李錫高一功以鐵騎數千來迎入營稱詔賜高氏命服賜李錫高一功蟒玉及金銀器儲其軍皆踴躍叩首謝軍中命酒錫引卮論列數以臣忠子孝大義侃侃數千言明日高氏出拜謂其子李錫曰塔公天人也汝

國粹叢書

胡友錄

四

國學保存會刊

不可負于是別部田見秀劉汝魁賀藍李來亨等來謁皆如約受撫焉事聞封高氏英淑夫人李錫左軍侯賜名赤心高一功右軍侯賜名必正其他部爵皆通侯號忠貞營加薩錫總督侍郎賜劍并鳳紐銀印以龍之丙戌二月李高等率兵攻荊州凡旬有二日城且陷會大霧李赤心等募食帳中忽救兵數萬至飛矢如雨軍大潰薩錫急召楊國棟張光聚等分駐澧州及回子河防禦明年三月永明王至武岡封薩錫光化伯辭不拜五月大兵下湖南武岡破馬進忠王進才等俱走薩錫亦入永定衛及永保諸土司中十二月朱容藩自稱監國招討副元帥建行憲於夔州薩錫派三峽至夔見容藩責以大義容藩懼自銷其副元帥印薩錫還容藩後為于大海所殺戊子春江西金聲桓反大兵自湖南回駐武昌薩錫傳檄諸鎮俱出湖南四月馬進忠復常德王進才復桃源澧州石門各城皆下忠貞營亦克荊門宜城使來告捷諸潰兵皆會五月馬進忠兵戰於牛皮灘又大戰於麻河俱勝十月忠貞

營高必正等自夷陵渡江分道數萬人趨武陵馬進忠之師燒城走初薩錫

自夔還如忠貞營約以騎三千赴常德助戰竟不至馬進忠等既渡常德晉封公侯因并加李赤心等為公李赤心請取長岳白效實欲避敵而南也馬進忠惡之至是高必正率輕騎數百突入常德城出不意馬進忠伴設酒高會陰使人具舟渡老營東去日哺馬進忠擁騎數千披甲注矢出城走焚城中廬舍及湘江船隻高必正輩亦怒請北還薩錫恐有他變姑好語撫之馬進忠掠益陽諸縣而東忠貞營駐常德歲飢乏食議進取長沙乃以監車毛壽登總兵楊國棟守常德薩錫自率標兵二萬人及忠貞營東攻長沙不克遂至湘潭與何騰蛟會未幾馬進忠亦至以前陳不和何騰蛟乃議留馬進忠兵攻長沙薩錫率李赤心等援江右已丑正月大兵至湘潭馬進忠走何騰蛟死之薩錫東發至攸縣南昌已破乃分遣堵正明尹其瞻將五千人守永興陸士毅守安仁羅龍守攸縣自率萬人及胡一清之師守衡州三月戰於

國粹叢書

胡友錄

五

國學保存會刊

草橋兵敗走未陽將趨永安軍而永安攸縣三鎮兵俱先潰堵正明陸士毅等及隨師之待詔潘誓一作中書舍人邵屢正等皆死之薩錫聞報走彬州中途遇敵幾危者數矣當午忽大霧夜行有螢火數萬隨照之以故得晝夜兼行遂挂陽復為楚鎮曹志建所困曹志建者鄆人封保昌伯有衆數萬屯三湘之南界地險而僻得免蹂躪曹志建安之忠貞營兵敗過之大掠曹志建志其謂故薩錫所招降也并憾薩錫迎入龍虎關阻隨行將士五百餘人於關外一夜盡縛而殺之薩錫寓佛寺中幾不得脫聞粵西明經何復方結寨楚粵界上使人告以難何復率兵來迎因得走赴之間道至賀縣何復復後竟為曹志建所殺六月薩錫至肇慶召入閣三日加督師大學士兼尚書賜白纓五千錠使調李赤心等於藤鬱間率之出楚至梧州部下叛去可三千人七月雲南總督楊畏知為孫可望請封不得還過梧州疏請封孫可望為平僚王九月期李赤心等不至造其營詰之李赤心初敗於

柳州戰馬鎧伏盡失士卒疲困入粵未久無意北去欲薩錫代請高雷二郡以休息士馬薩錫不可數日盡拔而西散居南寧及賓橫之間薩錫患憾病作別部劉世俊劉昌使人來告願自後出楚勝錫悅親至潯迎之十一月劉世俊劉昌果至遣東下梧以待并檄他鎮兵期以是月望日北發忽感寒疾革草遺疏自為誄詞潯流湍急時舟居且夜半矣命從者解繫放舟曰吾荷國重任不能免胄赴開馬革裹尸今斃命臥榻死有餘恨固不若自沉於江葬魚腹中耳從者力諫乃止以是月二十六日卒贈鎮國公諡文襄後改諡忠肅子世明亦以是年夏先卒於軍

翟式相粵西事

翟式相字起田號稼軒嘗熟人文懿公景淳孫也登萬曆丙辰科進士為永豐令擢授給事中坐其師宗伯錢謙益事下詔獄事解累官兪都御史巡撫廣西江南既破唐王立於閩廣西為靖江封國舉兵爭立式相密約總督丁魁楚總兵陳邦傑邀於蒼梧執之閩封丁魁楚平粵伯陳邦傑思恩伯式相亦督秩巡撫如故丙戌八月閩復破時何騰蛟在湖南兩粵山川無恙衆議立君或以昭穆之序宜立桂乃共奉桂恭王之子永明王監國於肇慶式相轉吏部侍郎掌部事內監王坤以司禮竊國柄僭臣呂大器李永茂方以智等咸以事引去式相每事駁正不少屈焉十二月廣州破王坤挾王而走丁亥正月朔至梧州丁魁楚辭赴岑溪縣守險從官散失隨行惟式相一人二月至桂林時肇慶俱破大兵先驅過平樂王坤請召武岡鎮劉承蔭入援因入楚式相泣曰東藩已失所存惟桂林一隅若復委而去之武岡雖金城湯

池何能長久臣本起此以舉事願與此地俱存王乃以式相為吏兵兩部尚書總督軍務留守廣西封焦璉為富川伯鎮桂加陳邦傑為侯守昭平王竟赴武岡焦璉自全州回未三日而大兵亦至衝入文昌門城中大恐式相督焦璉且戰且守自三月至五月曉夜立矢石中推食解衣與士卒同甘苦故人無變志劉承蔭援兵在城索餉而譁式相括庫藏不足夫人邵氏捐簪珥以佐之既而與焦客不和竟噪而去城幾破者數矣會陳邦傑等攻廣州大兵東回焦璉進復陽朔及平樂府陳邦傑亦由潯復梧廣西再定式相之力也秋八月武岡破王回次柳州長衡並失何騰蛟等俱至桂郝永忠盧鼎諸鎮兵雲集式相籌畫糧糈日不暇給十一月自象州回桂林式相與新輔嚴起恒並典機務而馬吉翔以錦衣指揮與焉何騰蛟仍督師出全州戊子二月郝永忠之衆潰於靈川入桂林大掠王倉卒走南寧何騰蛟方犒兵永寧聞變馳回潰兵已飽掠避敵去式相乃為亂兵傷足臥何騰蛟至相持痛

哭招集散亡焦輝胡一清趙印選等兵尙數千人復入城守禦戰于城與甘棠坡嚴關俱捷大兵遂渡而去詔賜式相銀幣及精忠貫日四字金匾章一枚三月何騰蛟復全州不自爲功上疏歸功式相閏三月李成棟反正於廣州具疏迎上江西金聲桓亦遣使齎奏至式相疏請先幸桂林毋遽東下王不從竟幸肇慶已丑正月湘潭破何騰蛟不屈死之二月信豐破李成棟戰死南昌敗績復聞金聲桓王德仁並死王命式相以太保留守督師兼督江楚各省兵馬三月堵薩錫走道州永州失利式相趨興寧侯胡一清還屯全州賴儲不繼王召廷臣議發東餉銀一萬兩庚寅正月南雄破寶豐伯羅成胡一清退守榕江十一月五日嚴關破胡一清趙印選與寧遠伯王永祚俱以分餉入桂林榕江空壁武陵侯楊國棟寧武伯馬養驄率兵從小路軍榕江未戰而潰式相催趙印選等速赴子營趙印選躊躇不前出城大掠胡

國粹叢書

趙煇錄

八

國學保存會刊行

一清王永祚與綏寧伯蒲霖遂皆棄城而去城中大亂潰兵四掠式相不能禁撫牌頓足曰若此輩皆朝廷以高爵餌之百姓以膏血養之今遂如此鳥獸解散乎適總督張同敝自靈川還聞式相獨在城中入見曰事迫矣將奈何式相曰封疆之臣知有封疆封疆既失身將安往張同敝曰公以封疆爲存亡同敝以公爲存亡也君恩師義同敝當共之矣式相曰不然子亟圖生以爲其難毋同死而爲其易張同敝曰古人耻獨爲君子公不忍我同死我縱能有爲然豈忍公之獨死哉式相家人泣請出城號召諸勳再圖恢復式相揮之與同敝飲達旦厥明被執見定南王孔有德二公皆挺立不屈孔有德獻之曰吾在湖南已知有兩公久矣吾必不殺忠臣式相曰城池已失不可以言忠速死耳復何言張同敝奮罵敵怒以木塞其口以刀背擊斷兩臂命幽二公于別室式相草遺表訖式相賦詩同敝廣和至閏十一月十七日遂同斬之式相年六十有一是日冬至雷電大作雨如注山崩石隕桂

林人哀號戰道式相有子元鎔從之死王聞痛悼贈學國公諡文忠諡祭葬焉
附張同敝字別山江陵人以廩爲錦衣衛同知永曆四年以詹事府詹事兵侍郎翰林院侍讀學士總督勦鎮恢勦兵馬便宜行事曾祖居正諡文忠祖敬修諡文烈叔祖克修諡忠烈同敝死詔贈江陵伯諡文烈

國粹叢書

趙煇錄

九

國學保存會刊行

陳子壯傳事

陳子壯南海人年二十二登萬曆己未科一甲第三名進士授翰林院編修天啟中魏璫乘柄子壯父陳黑昌以給諫疏璫罪廷杖謫戍子壯亦以天啟甲子浙江鄉試錄誹謗崇禎初起用累官至禮部侍郎糾唐藩不法時議以宗室授文武官又力言不可旨下獄尋遣戍乙酉起江南禮部尙書復忤時相馬士英罷歸江南破桂恭王方避亂寓梧州子壯發檄遠近首桂王神宗子光宗弟宜立時唐王已立于閩廣督丁魁楚以子壯人望也集多官議之子壯持前議益堅海道湯來賀讓子壯曰如公議國立一君復立一君內自爲敵蚌鷓即無死誰爲之漁人者議遂寢後丁魁楚以擒靖江王功封平粵伯湯來賀進江閩總督以人望亦召子壯入閣辭不行丙戌冬桂王子由棖監國以子壯前議即其家拜大學士太子太保兼兵部尙書節制江廣閩楚軍務會唐王弟聿錫至廣州自立子壯未果行十二月大兵克廣州

國粹叢書

雜類

十

國學保存會刊

唐王死明年春大兵出廣西前兵部侍郎張家玉兵科給事中陳邦彥及新會王與高涼崔良慎潮陽賴其肖等前後聚眾攻克各州縣夏六月子壯起於南海之九江邨與陳邦彥約攻會城提督李成棟方東擊張家玉會城空虛故指揮楊可觀楊景輝及子壯壻前知州梁若衡等結花山降盜三千人謀陰召子壯期以七月七日兵至內外舉火應子壯喜甚先二日率水軍薄城譟者入郭被執事露楊可觀等皆死子壯兵駐五羊驛李成棟已破張家玉兵於新安趨歸擊敗之子壯奔還九江邨前御史麥而竑破高明迎子壯入居之十一月李成棟入高明子壯麥而竑與前知縣朱實運俱被執總督修養甲寓於館厚享之獄具以犯旗示子壯曰不處公極刑則威不立遂衣以絺袴昇之遊城內外逼更集諸降紳燕飲聚觀有奮足踞子壯面大唾罵者臨刑舉酒風誥紳曰畏否諸人以頭搶地曰敢不畏左右皆掩口笑子壯身被數十刀呼太祖高皇帝烈皇帝不絕口與麥而竑等同日死於市子陳

上圖亦在獲以家僮如卿請寸斬以贖主人之孤得免死戊子春李成棟叛子壯弟給事陳子升上書請卹得贈番禺侯諡文忠子上圖廢錦衣衛指揮使

張家玉

張家玉號芷園東莞人中崇禎癸未科進士授翰林院庶吉士甲申閩賊破京師家玉抵書罵賊縛之使兩武士夾之間以故家玉年少貌秀拔聲巨詞辯賊歎曰吾殺此曹多矣臨死漸戰不能作一語未有若此人者竟釋不殺家玉慮不得脫乃僞爲文舉賊乘間南走金陵會柄國者方借周鍾等案以傾東林諸君子而家玉與周鍾同館又出周文忠公鳳翔之門益惡之竟羅織削籍居錢塘與總兵鄭鴻勳副使蘇觀生等同護粵王至閩閩人立之遂相蘇觀生以家玉爲侍講尋兼兵科監永勝伯鄭彩軍鄭彩軍駐邵武家玉先驅抵廣信戰許灣頗捷遂解福州之圍丙戌正月被圍於新城力戰得

國粹叢書

雜類

十一

國學保存會刊

出加僉都御史開府廣信與鄭彩議不合自請回粵招募八月至鎮平諭山賊黃海如等降其衆數萬簡精銳萬人爲武興營餘散遣之遇大軍至赤甲坂聞上抗敗信兵心已解兼餉盡潰回東莞居大父喪蘇觀生立唐王弟聿錫于廣以兵部侍郎召家玉辭不拜十二月廣州破巡撫修養甲索聞家玉名遣副使張元琳即家召之家玉衣冠出見責張元琳以大義張元琳亦癸未榜與家玉同爲庶常者也歸報修養甲復飛書諭之家玉答書有曰孔門高弟太祖孤臣如玉其人者安可以不賢之招招之平生殺榮辱惟公命家玉既義不肯屈其受業師林海復力贊其起兵會蕉鹿到澹二鄉以被掠與官兵相攻擊殺數百家玉與其渠何不凡莫子元等約以大舟來迎家玉出舊賜瞻蓋麗葆鼓吹登舟襲東莞城入之執其新令籍降紳李世斯等家以儒士騰檄遠近所在嘯聚以應時丁亥三月十四日也十七日官軍至大戰於萬家租遂復東莞家玉走到澹總兵李成棟攻到澹三日破而屠之家

玉祖母陳氏母黎氏妹石寶俱赴水死。彭氏被執不屈斷股體而死。家玉走西鄉大豪陳文豹聚兵二千人保境奉家玉進克新安縣殺千餘人。四月十日官軍攻西鄉不克而回。家玉遣兵襲東莞戰於赤岡五月復自率兵攻東莞不克退回西鄉。李成棟大軍至攻圍數日互有殺傷已而舟師敗。家玉走夜經萬家祖視其家廟已燬祖墓發掘張氏族屠戮殆盡拜哭而去。張氏爲唐殿中監張九鼎之後宋末遷居東莞地倚大江西四百三十二峯先報謂必生大忠孝人主持名教者十七傳而生家玉。同邑李覺斯以家玉籍其家恨之刺骨骨爲厭勝之說燬廟發塚且踪跡張氏族屬所存輒指而戮之。幾無噍類焉。西鄉亦隨破。陳文豹等俱見殺。家玉至鐵岡得姚金之陳毅子等衆各千人遂走十五嶺復得羅天劉龍李啟新等衆三千人。先是家玉遣兵攻龍門縣陷之至是入龍門進攻博羅亦陷之并陷連平長寧兩城。勢復振攻惠州三日不克克歸善縣還屯博羅官軍攻之家玉走回龍門募兵。

國粹叢書 趙煥 十二 國學保存會 刊行

旬日間得萬餘人家。玉幼好擊劍任俠多結山澤之豪故所至翦然蹶而復起至是分其衆列龍虎犀象四營進攻增城入之十月李成棟至增城馬步萬餘家玉分兵爲三鼎足相救且倚深溪高崖以自固大戰十日力盡而敗李成棟圍之數重請將請血戰潰圍出家玉曰矢盡破裂欲戰無具將傷卒死欲戰無人天明俱受縛矣大丈夫立天常犯大難事至已壞烏用徘徊不決以頸血灑敵手哉因起徧拜諸將自投野塘中以死。懷銀章一笈曰正大光明閔賜也時年三十有三官軍得其屍集諸神殮視之李覺斯再拜賀曰是已某知其一齒缺以銀鑲之髮長可二尺三寸今果然死無疑矣蓋以爲快云然。家玉父兆龍弟家珍仍爲人所匿覺斯不得踪跡也明年以恩恩侯陳邦傳給事中李珍請家玉諡文烈父封增城侯少保大學士如家玉官家珍蔭錦衣僉事其先後從家玉而死者爲師林游從弟有光有恒及鄧植村韓如瑛楊光遠等數十人粵中人又言家玉常乘一黃馬神駿趙捷每臨陣

風沙慘淡作勢怒鳴以鼓士氣及家玉死馬亦自蹶死給水側云

陳邦彥

陳邦彥字岩野順德人乙酉間以諸生走金陵上政要三十二策權奸沮不用唐王得其策讀而偉之至閩即家授監紀推官而邦彥已登是科賢書以蘇觀生薦改兵部職方司主事監廣西狼兵至嶺聞變勸蘇觀生東保惠潮不聽會丁魁楚等已立永明王於肇慶蘇觀生前與丁魁楚不睦撤兵回至韶使邦彥赴肇稱賀且覘動靜也丁魁楚聞蘇觀生兵回恐見逼挾王西走梧州邦彥至桂太妃垂簾南面坐永明王西向坐丁魁楚侍勞苦邦彥即改授兵科給事中令回慰蘇觀生召之入輔迨邦彥東歸而蘇觀生已迎立唐王弟李錡於廣州邦彥不敢入貽書蘇觀生報命且勸其與丁魁楚并力勿國中自鬪貽漁人利也蘇觀生不能從竟擣兵於三水縣初賊廣兵敗再戰大同嶠廣兵以海舟詐降肇兵敗邦彥遂去隱高明山中未幾總兵李成棟

國粹叢書 趙煥 十三 國學保存會 刊行

破廣州唐王弟李錡蘇觀生皆死先是總督萬元吉使族人萬年募兵於粵得余龍等千餘人未行而贛州破余龍等無所歸乘甘竹灘爲盜殘兵依附者至二萬餘人肇慶總督朱治圖使監軍鄧輝祖招之既至與督標兵不和譁而歸鄧輝祖與萬年俱死於亂李成棟既定廣丁亥春進攻肇梧俱克之走朱治圖殺丁魁楚前驅至平樂府邦彥聞之扁舟入甘竹灘說余龍乘虛攻廣州余龍許之邦彥亦於高明山起兵與余龍由海道入珠江會城空虛巡撫修養甲飛騎走桂林召李成棟回揚言便道徑取甘竹灘余龍等家屬所在遂退圓于是陳子壯起九江張家玉起東莞霍帥連等起花山皆圍聚徒衆與邦彥相應邦彥寄張家玉書云成不成天也敵不敵勢也方今王師風鶴桂林累卵得牽制毋西澤平之間庶可完葺是我致力于此而收功于彼也張家玉然之邦彥復遣其門人馬應房與余龍攻順德復之李成棟至順德余龍戰敗馬應房被執不屈赴水死馬應房即前鎮慶守馬義祥子也

四月余龍再戰于黃連江亦敗死邦產乃棄高明收餘眾數千人別據江門下之前者攻廣州俟養甲得降人知其謀出於邦產訪求其家所在急捕之獲其妾何氏并子陳和尹陳真尹於賤度厚待之為書以招邦產邦產不復書但判其楮尾曰妾辱之子殺之身為死臣義不私妻子也修養甲壯其為人仍善養其妾與二子後郡紳李星一舉人杜瓊以兵攻肇慶始殺之杜瓊等戰不勝亦死七月與陳子壯密約圍廣州陳子壯先至謀洩內應者遇害陳子壯欲引去適邦產兵至因謂陳子壯曰李成棟方攻張侍郎家五於新安聞省警必乘舟急還邦產伏禺珠洲伺其至以火舟從葦葦中衝之公以大艦遮其西使不得去克城在此舉矣望青旗而朱旂者吾師也計定李成棟果以戰艦數百逼禺珠洲勢甚盛邦產少船少衝之頗焚其數舟李成棟引而西邦產尾之合暮夜陳子壯不能辨旗色疑皆敵舟也陳動李成棟順風追之遂大敗邦產欲回攻城城中已有備乃疾引兵攻下三水據胥江

與霍帥連會前湖南黃公輔御史連成璧等亦攻下新會新寧八月清遠指揮白常燦殺知縣何甲以迎邦產因橫江樹柵絕嶺東餉道李成棟還師擊清遠霍帥連以舟師遏李成棟李成棟縱火燒師連舟兵亂破柵而入霍帥連戰死邦產白常燦與太學生朱學熙嬰城守時民兵起者數千家惟邦產一軍最強常分出以救民兵之敗者至是精銳盡喪外無救者踰日城陷白常燦死邦產猶卒數十人操兵戰肩受三刃不死走朱氏聞朱學熙已自殺堂中邦產哭拜畢素筆題其壁曰無拳無勇何餉何兵聯絡山海喋血會城天命不祐禍患是攬千秋而下鑿此孤貞遠被執總督修養甲使醫來視創邦產却之餓食亦不食在獄五日惟慷慨賦咏或投以紙帛隨而滿所傳有大造兮多艱時哉不我與我后兮何之我躬兮哀苦之句九月二十八日被磔死監視者視其肝肝忽躍起擊監者面遂驚悸數日而死邦產既敗張家玉陳子壯亦隨沒逾年得贈兵部侍郎子陳亦能以詩文世其業

李元蔭

李元蔭者檢林人本姓賈為李成棟養子因冒姓李成棟少時從高杰為群盜以勇決聞及高杰封與平伯成棟措鎮徐將軍印守涪州高杰為許定國所殺成棟以涪州降命故趙王由棧與黃蜚起太湖成棟擒黃蜚走趙王授松江總兵從定入閩由涪州與巡撫修養甲入燕潮時蘇觀生方擁立唐王弟聿錫于廣州與肇慶兵戰於三水不復東顧成棟兵薄會城城中人猶以為招來海上群盜遙呼之成棟兵免胄示以辨髮乃大驚謀守壞成棟兵奪門而入執唐王與周益遠諸王俱殺之蘇觀生自縊時丙戌十二月望日也明年丁亥正月成棟分兵取南韶親攻肇慶克之遣裨將楊大市張月取高廉雷三府閩可譚渡海取瓊州自率兵向廣西二十九日下梧州二月遣杜水和龔丁魁楚於岑溪殺之盡擄其貨以還進攻平樂先驅及桂林會粵東亂起會城被圍修養甲遣人告急成棟遂東回往返攻擊自春徂秋始獲定

而西省之平橋以及海北高雷廉等城俱復失屢被黃問明年戊子春江西金甯桓王繼仁反密書約成棟時修養甲已授兩廣總督成棟雖普秩例當授總督節制自恃功高耻為之下王繼仁圍贛州急修養甲趣成棟赴援成棟與署布政使莫彭年等密議於三層樓既定語修養甲曰今出城數十步皆賊安能遠行計惟急改名號以安人心耳修養甲愕然莫可誰何成棟遂叛遣使赴南寧一時喜出望外封成棟為恩國公晉修養甲為尙書璽平伯修養甲懼禍及盡以所部授成棟六月成棟使其將羅成耀以黃金千兩白銀十萬及綵紵舟楫迎永明王於南寧至慶慶拜成棟胡明大將軍以其子元蔭為錦衣都指揮擊絲綉房事擢莫彭年為左都御史先是廣東都司馬吉翔為錦衣從永明王入武岡因內閣員缺得與票擬富貴者爭趨之其在南寧陳邦傳駐兵潯江上下倚以為重因以其子陳會再為錦衣比馬吉翔而陳邦傳亦以復飲庶功加封恩恩侯矣至是成棟封公陳邦傳意不滿

乃亦督陳邦傳為慶國公并封其中軍胡執恭為武康伯成棟聞之亦為其
下杜永和聞可義郝向久羅成羅黃應杰楊大福張道源等七人請封皆得
伯爵而元蔭亦得錦衣侍衛比陳曾再焉元蔭修整大雅喜與士大夫交莫
彭年素負時望掌綽綱于是劉湘客丁時魁金保蒙正發等皆與之善持論
侃侃專以登主權別流品斥倖授為事遠近悉望而畏之因有五虎之日五
虎者其虎頭劉虎皮丁虎爪金虎牙陳虎矢也冬十月成棟攻贛州不克時
大兵已至南昌金聲桓召王德仁還救贛州守禦已固成棟至總兵高進軍
擊敗之退避南康縣十一月修養甲間使以聞殺之己丑正月南昌破金聲
桓王德仁俱死二月成棟兵敗於信豐自斷後披甲渡河馬蹶沉水死贈寧
夏王諡武烈五月以杜永和為總督守廣州聞可護守南韶未幾死以羅成
耀代之加元蔭車騎將軍封南陽伯領兵宿衛六月楊大福為亂於梧州元
蔭召至殺之庚寅正月朔平南王尚可喜嗣靖南王耿繼茂至南雄羅成

國粹叢書

初灰錄

十六

國學保存會
刊行

羅自韶州潰歸十四日韶州破永明王西走梧州元蔭與馬吉翔等守肇
慶羅成耀走高州為亂元蔭以計殺之人情恃以少安初成棟父子方寵陳
邦傳居西廡為金保等所排積怨刺骨會其下徐彪亦叛之忠貞營李赤心
等又自湖南潰入粵散處賓橫之間陳邦傳不能制威望日損東事急召之
赴援非其意也願欲藉以洩前憤將至梧群情洶洶西撫缺眾議推劉湘
客兵部侍郎程源論其比黨金保等四人皆杖戍惟其彭年先以憂去得免
焉陳邦傳抵三水竟觀望不敢進大兵譚會城杜永和等與元蔭弟李越捷
力戰禦之杜永和等進為侯李越捷封安肅伯廣州城三面臨水成棟在時
何命樂兩翼傳於江外為砲臺水邊之地險守固攻圍十閱月不能破偏將
范承恩謀內應決砲臺之水大兵藉薪徑渡遂得砲臺以內攻十二月二日
城破屠之范承恩降杜永和等由海道奔瓊州元蔭弟李越捷率圍至肇慶
陳邦傳等帥俱潰於三水隨即桂林亦破梧州君臣夜走陳邦傳遣兵遊劫

各官於藤江明年春元蔭在肇慶其下亦多謀為變者不得已與弟李越捷
俱奔南寧伏地痛哭哀動左右曾孫可望遣賀九鼎等將兵至殺內閣嚴起
恒等元蔭忿其請出靈山收高雷之兵迎王入海至欽州之防城為十兵王
勝堂所執送靖南王不屈左右挺下元蔭笑曰鼎鑊不懼何有於挺又令作
書招杜永和元蔭笑曰杜將軍精兵窮海楚有丈夫氣乃招之耶王義之使
其故人往說之曰將軍昔未受國恩耶元蔭大恟曰某昔不過帥府一親人
耳今爵通侯司禁旅狼狽被擒計惟一死報國豫讓不言之在前乎吾父侯
于九泉久矣故人曰李果將軍父耶元蔭曰岐陽黔國俱以養子自誓子母
多言遂與弟李越捷及前鋒將李用朝俱被害投屍海中明年壬辰瓊州破
杜永和等俱降

國粹叢書

初灰錄

十七

國學保存會
刊行

王祥川人崇禎末為九圍子隘官素號勇悍張獻忠陷四川惟遠義一府未附大學士王應麟自京師稿索督師即遠義置幕府滇人馬乾行巡撫事與監司劉國長王芝瑞等傳檄討賊邑紳刁化紳以鬼道募兵甚夥王應麟使培將曾英襲取之曾英聞人與部下涇陽李占春項城于大海等俱以材武稱遂收復重慶屢破張獻忠兵亦出師蕪江與相犄角解威望不及曾英而幕府委任過之丙戌十一月既望大兵至西充誅張獻忠孫可燾等南奔過重慶擊曾英殺之是月抵蕪江明年丁亥正月由遠義入黔等走永寧山中大兵下蜀巡撫馬乾先于內江被難王芝瑞劉長麟皆從間道歸王應麟卒于永寧之畢節衛祥于永寧赤水間招集潰兵與賊之散匪者聚至數萬人進攻遠義復之曾英既沒李占春于大海收殘卒屯涪降賊袁嗣為大兵擊敗由順慶南下李占春等避之東走髮州將赴荆歸命會宗室朱

國粹叢書

列傳

十八

國學保存會

容藩自盛慶奉命入蜀取道施州衛溯江西上遇李占春于大海說之復西時大兵陸行新鎮盧光祖以舟師泊湖灘所得皆曾英舊兵不意李占春等猝至戰不利大兵北還順慶李占春乘勝至涪結營州屬之平西壩三面阻水號為將營于大海屯忠州花陵河總督李乾德亦以袁嗣武大定兵還闖入佛圖關據重慶而祥據有遠義各屬邑并重慶屬之蕪江內川遠義故播州地饒沃而深阻蜀紳士避亂者多歸之戶口充實祥以是獨雄於諸鎮中以御史錢邦彥言封祥為平寇伯平寇前曾英封號也祥復得之一時以為榮李于等勿服也適袁嗣與李占春爭長相攻祥惡李占春之強思與袁嗣合一日誘李占春計事伏兵執之李占春殺守者逃歸以是諸鎮不和日尋干戈公剛怯而私鬪勇不足與有為也武岡之變相傳永明王已被執宗室朱容藩在髮州自稱楚世子監國招討副元帥諸將皆賀李乾德惡之未幾故相呂大器自黔抵遠義祥具彙馳郊迎事之甚謹楚世子容藩聞呂大器

至亦使人以千金來迎呂大器北行先過李占春營具言永明王無恙容藩乘機借竊當得罪不宜顧受其爵號李占春以為然遂不復事容藩總督李乾德亦傳檄聲容藩容藩益窘乃北依三潭口兵攻石砭司李占春救之容藩兵敗走忠州為追兵所殺李乾德與袁嗣武大定等俱西赴健為與楊展合呂大器偏歷諸鎮太息謂李乾德曰楊展志大而踈袁武忍而好殺祥亦庸懦而不足仗蜀事其尚可為乎遂回黔至獨山州疽發背而卒祥又與黔鎮皮熊搆隙皮熊者初名羅聯芳守黔以巡撫范繼祥授總兵官孫可燾由遠義赴黔破皮熊兵於烏江皮熊走平溪孫可燾入滇皮熊自平越守兵復黔破土賊藍二等以功封定番伯遠義亂祥赴黔告羅皮熊以為詞己虛實也阻之部下因而戕奪其貨祥怒舉兵圍黔省三日敗而還皮熊因陳祥越境相侵之罪請約諸鎮會討諸鎮久垂遲遠義各率兵攻祥大小十餘戰不能克而去惟黔兵連勝深入相持月餘黔兵乏食皮熊子皮文英為兵

國粹叢書

列傳

十九

國學保存會

主不能撫循其下氣益衰戰敗皮文英引軍走祥悉銳乘之黔兵大潰爭渡溺死者三萬餘人祥亦上疏自理復使使和解之會盟於烏江黔兵修好于是思南銅仁涪潭各郡邑皆歸于祥蜀精神程源梁應等先後赴盛慶皆言祥威武可大用乃封祥為忠國公皮熊亦封為匡國公蓋並藉為西藩障滇寇也已丑冬孫可燾由滇赴黔皮熊不能禦走清浪衛孫可燾使白文選追執之釋不殺復使使與祥約盟或曰孫可燾以好來會當許之不聽孫可燾怒使文選白將三千人赴永寧守將侯天錫迎白文選詐以危言報祥曰滇兵二十萬已遊烏江期會師夾擊矣祥懼召諸將與謀將軍李定者最驍勇象服之李定曰二三年來日操刀同室雖捷亦耻今發兵拒孫可望勝則親西南不幸而敗不失為忠義之鬼他何所云祥猶豫不決私計自真安州入隆武之間據隘守嬰引李占春于大海為唇齒乃裏其文繡珠玉金寶之屬作竹夾三千背使牙將負之先行梁心盡解多送款孫可望孫可

疾發兵掩擊之，會卒夜走牙特，已先劫其貨去。比曉，失妻子從者，僅百餘騎。追者至馬蹶，不能行。群死士數十人，短刀突戰，殺百十餘人。創重自刎，死明年庚寅。孫可，將盧名臣，下涪州。李占春戰敗於野豬寺口，與于大海俱順流下。楚降皮，居黔中。其婿張默為水西宣慰安，師至壬寅年，有常金印者，自稱開平王之後，至水西與坤謀叛。王師擊滅之，並執皮，置於時皮。歷年已八十餘矣。抗節大罵，遂絕食，飲四十日而後死。一時哀之。

楊展

楊展字 蜀中嘉定州人。中崇禎辛未科武進士，為四川總鎮中軍。張獻忠破成都，展被執，逃脫其縛，入江中，泗水下。至嘉定，張獻忠定蜀，陞嘉定州為府。既而曾英等兵起，展亦乘間入，櫓為殺，僞令以起事。州人開門納之。張獻忠既誅餘賊，散走時，蜀地殘破，已甚。復饑，大兵北還，諸將稍稍收復，保就以捷書報。張慶遠受爵，號嘉定近省而險，復善於撫眾，遺民及賊。

國粹叢書

劫灰錄

二十一

國學保存會

之潰散者，相率歸。展有眾至數萬人，先是張獻忠之去成都也，登金銀沉脂，江有知其處者，展使壯士乘巨筏探求之，數月獲大獲，以巨萬計。民間飢饉，糶相仍，斗米價至三十金。飢卒戰道，或父子相烹食，乃遣使百輩赴黔，楚告糶，前後入米數十萬石。自鄉先生以下及弟子，俱賻資與朝夕。屠虜農民給牛種口米，使擇田而耕，壯而願戎事者，補伍，予銀米，使操兵戰。百工雜流，各以其職就食，孤寡無居者，廬之。于是巴蜀子遺，賴以全活者，甚眾。是年秋大穰，展遂雄視全川矣。川人走四方者，述展慈愛，莫不流涕。戊子對華陽伯，得賜予視他鎮，有加。旌之也。展既地廣兵衆，然性矜尚，文墨不矜，攻戰取舍，任情至引賊自助，卒為袁。武大定所殺。張獻忠之別部也有罪，當斬。帥所部數百人，走後聚眾，益多。號姚黃十三家賊，所過殺與獻賊等。督師王應勳，招降之，請授副將。使守順慶。武大定為渠賊小紅狼之別部，以材武見稱。降于總督孫傳庭，庭敗死。武大定聚眾南山，中大兵至，戰敗走。

與安諭廣元與袁，合眾數萬人，謀突奏而西。官兵擊之大敗，喪失婦女輜重幾盡。乃收餘眾萬人，乘順慶而東。過涪入山，由武彭以趨黔之黔川。既而李占春等復培袁，等亦返聞至佛圖關，與李占春會於重慶。爭長，不和。巡撫李乾德奉命督餉四川，在袁武軍中。李乾德素善占驗，夜觀星象，與袁言宜有急兵，是夜李占春果襲之，有備不能克。擄李占春家口而去。次日復遣之。袁等既與李占春構隙，且重慶兵多，食少。李占春乃遣人說展與合兵。展大喜，與袁武大定約為兄弟。居之，櫓為供億，資裝口相望于道。久之，展復與李占春通問。袁武大定謂巧無已，展不能悉應。遂有隙。李乾德屢諷展經營川北，餉不能聽。李乾德屢展終不可與，有為而謂袁武大定輩驍勇足資也。袁武輩亦曲意事李乾德，遂與謀殺展，而併其眾。會袁辰辰，展具舟親以牛酒資幣致祝，并犒其師。袁武治酒高會，展以甲士五百人，長刀自衛。入夜，犒從者酒五百人，皆醉。遂坐上擒展，囚之別室，殺之。發兵圍

國粹叢書

劫灰錄

二十一

國學保存會

嘉定諸將奉展妻及子楊，新誓死以守久之。城中飢人漸有異志。王神曹勛、李占春等發兵救嘉定者，皆敗去。于是內應者以城降。展妻自縊。楊北走而展士馬財賦盡歸於袁。武大定矣。衆論俱不直。李乾德宜賀，一衛胎書請讓之事，聞切責李乾德。問展死狀，他鎮俱上書請會師討會。粵東湖南喪師，事良已庚寅。孫可據黔將圖蜀，乃為展訟冤。聲李乾德及袁等罪惡，遣其將王自山等將兵三萬，由川南進別。遣劉文秀、精甲萬人，由滇渡金沙江，踰大小象嶺，過大渡河，出黎州，取曹勛，以襲其後。而袁武不知也。方悉力拒王自奇于川南，月餘。劉文秀由黎雅趨嘉定，袁武撤師還救王自奇。尾擊之，袁武之師大敗。舉就擒李乾德，自沉於水死。

楊長知軍事

楊長知字介甫鳳翔府寶雞人舉陝西鄉試第一名崇禎庚辰以保舉特用
歷官雲南副使分巡金滄道乙酉秋武定土司吾必赤作亂連陷祿豐廣通
等縣進攻楚雄府破之長知監軍復楚郡人請留長知強壓遂由大理移
駐焉時阿迷土司沙定洲奉調會勦至省而吾必赤已擒沙定洲以十二月
朔入黔國府為亂巡撫吳元不能討且許為請代鎮黔國公沐天波走楚
雄長知納之沙定洲率眾西追長知與沐天波計曰郡城新破瘡痍未復賊
以方張之銳來攻必見陷同死無益公不如走永昌據重江之險比賊越楚
而西踟躕於大理蒙化間需數月而後定吾守禦既備傳檄四出賊趨永
昌則恐吾斷其歸路欲返攻則公隨之首尾夾擊撲滅可期也沐天波遂走永
昌明年春沙定洲至城下門已閉長知從城上語之曰若所急黔國公耳今
已西矣待若定永昌回此時朝命已下當以鐵道禮相見今順逆未分吾不

國粹叢書

初版錄

二二二

國學保存會

能為不義屈也且若不憂迤西諸司受黔國檄而合從見討乎沙定洲恐失
沐天波遂與長知盟而去分遣其黨王剛李日芳等攻大理蒙化屠之長知
乘間檄郭外居者盡入城滑四野築障障檄調漢土官兵姚斌各郡俱響應
沙定洲聞之不敢至永昌而回攻楚雄長知守具既集屢攻不能下一日長
知坐城樓賊發巨礮擊樓烟燄所指正取長知賊相慶謂必死須臾烟散則
長知端坐無恙惟進賢冠失左翅耳因驚歎以為有神助長知視賊懈輒出
奇兵奮擊所殺傷甚夥至夏始引去先是沙定洲變起倉卒諸土司以撫軍
故親望未敢動及聞長知倡義于是寧州祿水命石屏龍在田帽峨王充獻
等皆聚眾不與通沙定洲恐阿迷有失東還攻石屏龍在田走破寧州殺祿
水命至帽峨王充獻逃死於路迤東既定乃復遣攻楚雄分兵為七十二營
每七營各為一大營統之環城溶藏為久困計長知守禦益堅逾年不能拔
丁亥孫孫可與等至雲南沙定洲解圍還戰大敗遁歸阿迷孫可與入會城

巡按御史羅國順宗室朱壽琳死之先是唐王在閩聞長知拒賊事已督都

御史督滇師孫可與等亦聞其名既入滇分遣李定國東追沙定洲而已與
劉文秀俱西出長知率兵至祿豐之啓明橋拒戰不勝赴水沒不死踞而罵
孫可與下馬獻之曰聞公名久矣吾來為雲南討賊公能共事當相與扶明
室非有他也長知瞪目視之曰賊給我耳孫可與曰不信當與折矢誓長知
曰果爾當從吾三事一不得仍用偽西年號二不得殺吾民三不得焚廬舍
掠婦女孫可與皆許諾乃與同回楚雄西畧大理各郡使劉文秀至永昌以
沐天波歸迤西八府皆得免屠戮為長知也既回省臨安任僕倡議孫可與
為國主此時聞已破兩粵亦被兵音間阻絕乃以干支紀年鑄與朝通寶
錢長知忿其願念已因之陸死無益惟日稱道忠義以動其下有所作輒鼓
琴謾罵賊怒多欲殺之有知之者以為此忠臣也李定國劉文秀尤愛之孫
可與與李劉輩本僱伍一旦自尊大若無以相服每事多扞格因時憤長知

國粹叢書

初版錄

二二三

國學保存會

言且聞盛慶已有君李錦李成棟等皆受爵號私計偷假我王封可以制同
類惟吾所欲為矣長知又朝夕流前約已丑始定議遣長知同永昌驛赴
壁慶過黔為皮所阻久之始得假道至粵進孫可與表請王封兵科金銀
首言本朝異姓止有贈王三百年定制不宜填自今日眾皆以為然長知曰
不與無益彼固已自王也一日降號公侯而能欣然受命者此純臣之節寧
可望於若輩若因其向義破格明恩猶幸收用於萬一且法有因革今時異
勢殊土宇非故猶必執舊法耶議數月不決臨發乃賜一字親王章而無封
號長知西過梧遇堵際錫曰孫可與業自王雲南今賜之印而無國名是猶
斬之也激猛虎而使噬人奈何堵際然之為補贖入始封孫可與為平遠
王加長知為尙書兼署為侍郎而行武康伯胡執事者故陳邦傳中軍駐防
思恩城地與滇近聞孫可與欲求封先使人以書通約許封為秦王孫可與
悅胡執事謂奇貨可居即具疏報聞且謂機不容遲臣已便宜鑄印填空勅

費行矣胡執事至澠孫可與郊迎甚恭所部額手交賀儼然以秦王臨其下
矣此其知回而始知其詐顧深耻之曰為帝為王我所自致何藉於彼而屑
屑更易徒為人笑歟仍厚待胡執事屏其知所寶印篆不用也庚寅春粵東
告警自肇慶遷於梧州可與使至因復議滇封內閣嚴恒持不可兵侍耶
楊鼎和助之且以為不臣其人則不受其貢并所進白金玉帶等物俱却之
孫可與怨益深秋九月自率兵至黔去粵益近十一月東西兩會城並失烽
火逼南寧西窺無地更使劉璽封孫可與為翼王孫可與仍不受其知曰秦
翼等耳顧假何如真孫可與終不聽其知私念勢迫矣主憂臣辱吾無所逃
罪李定國等亦咸勸孫可與趣其知行以始終之長知行未至孫可與先遣
賀九幾張勝張明志將兵赴南寧求阻秦封者而甘心焉楊鼎和嚴起恒等
俱被執南寧鼎沸始真封孫可與為秦王其知至痛哭自劾語多侵孫可與
遂留南寧孫可與聞之益怒使人挾之回黔其知見孫可與大罵曰賊終不

國粹叢書 楊友錄 二一四 國學保存會 刊

可與為善我乃為賊所誤負不義名於天下死有餘責除頭上幘擊其面孫
可與怒命殺之其知為人忠義激烈每陳說順逆輒傾其坐人與孫可與相
從久心諒其無他雖出一時之怒猶意左右必有救者然賊令嚴每怒成屏
楊莫敢出聲久之乃自令勿殺則已無及矣平時戮人地距營門可十里許
時尚未至顧其知行數步輒坐不去曰此即吾死處行何為故途未半而被
害孫可與深悔之復杖其左右之不言并行刑者其知雖死而李定國卒奉
永明王至滇閱二年始囚國人猶以為其知所啓云其知贈少保諡文烈楚
雄人至今祠祀之

沐天波

沐天波黔寧昭靖王英十一世孫也崇禎三年父啟元卒天波襲封黔國公
掛征南將軍印代鎮雲南末年蜀亂將李大贊守武定李大贊貪鄙數以
事侵土司吾必赤遂反調各土司兵征之沙定洲者安南土司沙源

之子娶阿迷普名聲萬氏兼有兩家之衆素懷不軌乙酉十一月奉調至
省吾必赤已先誅沙定洲留省不去都司阮朝嘉將莫士弘張國川等皆
與之私黔國公鎮滇久家饒裕滇人于朝朝視希之遊天波門下多所遺負
被遣往見沙定洲輒誇沐氏金寶以動其心遂以臘月朔入天波第蜂擁焚
掠天波從小竄出走西城母陳氏妻焦氏走城北普吉郭曰吾輩皆命婦不
可為賊污全家舉火自焚死寧州士知州祿永命亦奉調在省方率兵與沙
定洲巷戰阮朝嘉等謂巡撫吳元請發撤止兵撫定焉天波望救不得遂
由楚雄西奔永昌沙定洲追之至下關楊長知據楚雄俾撤賊沙定洲乃
回前者流寇初起石屏上官龍在田與副將許乘淨皆奉命授楚隸總理熊
文樞麾下張獻忠在穀城孫可與等趨幕府與龍在田許乘淨相識迨張獻
忠敗孫可與等走黔龍在田許乘淨在石屏為沙定洲所攻亦西走使人間
道赴黔迎孫可與告以滇亂曰假大義來討全省可定也孫可與等乃詐稱

國粹叢書 楊友錄 二一五 國學保存會 刊

黔國公夫人弟焦侯請兵復仇滇人受沐氏世恩憐天波無罪見攻聞之惟
恐其兵來不逮也及至始知為孫可與等殊失望監軍楊長知禦之兵敗被
執復說以反正乃稱為黔國復仇如初且以書告天波天波使其子沐忠
報之孫可與使劉文秀同至永昌以天波回省明年李定國至阿迷執沙定
洲及萬氏歸磔之天波具衣冠謝復家世之仇孫可與等以勳舊禮待之亦
不復假以事任也丁酉李定國自兩廣敗歸過安隆奉永明王至雲南天波
以世臣受寄心督其冬孫可與內犯使其將張勝聞道襲會城時李定國等
俱出禦唯王向在城與張勝通謀為內應天波覺之誘之同入朝以護衛
兵守之天波素善流星鎗經亂每携袖中是日恐左右有變出鎗舞縱橫擲
擊觀者皆披靡王向俯首歎曰吾已為樞中虎不復煩公攬臂也既而李
定國奮力破走孫可與擒張勝凱歸論功白文選馬惟典馬寶等皆進爵次
及天波辭曰吾世受國恩常慮無以報寧敢望新秩乎蓋久知國事已去自

分以身殉使其子分贊各土司曰庶存先人之祀于萬一也。是沙酋之變陳
焦兩夫人俱自焚。惟侍女夏氏歸其母家得免。兩經變亂。義不辱。刺髮爲尼。
比天波回。念其節。遂使掌家政。亦不復娶。已亥春。大兵至滇。天波并棄夏氏。
獨身從入緬。夏氏自縊。兵亂死者相撐拄爲鴉犬所餐。血肉狼藉。而夏氏屍
棄十餘日。無敢近者。事平得收葬。咸以爲節義所感云。天波既行。以二月二
十六日抵蠡本河。緬人守關使天波先入。宣諭緬兵。聞黔國公來。猶下馬。羅
拜。蓋其世德入人久矣。晦日至蠻漢。天波與國勇王惟恭典監李崇貴謀
曰。主上入緬。我弊宜奉少主。進茶山可調度。諸營即在丙。亦藉以爲重。使緬
人有所憚。王惟恭入言之。王姑不可遂。三月二日。緬酋以四舟來迎。從行
文武官別走陸道者九百餘人。馬稱是。於是從行者甚少。十八日至井五二
十四日。緬酋使人傳語。沈萬曆時事。并出神宗遺書。合今篆。差一分以爲僞。
天波出已印比之。無差乃服。蓋緬自萬曆時已絕職。貢構兵故也。居井五月

國粹叢書

趙友錄

二十六

國學保存會
刊行

餘天波與蒲興王政。既集樹下。讓緬待我。情日薄。後事未可知。不若及今走
尸。臘二撤出。孟登以圖生計。爲馬吉翔所阻。計復不行。及白文選等兵。至亦
爲馬吉翔差官所却。五月遷。緒經誅。芽以居八月。緬酋使人請天波入見。蓋
蠻俗以八月十五日爲歲節。屬國皆來朝。欲天波至。以誇示外蠻也。天波不
肯行。驅遣之。既回。慟哭告從官曰。前在井互不聽吾言。以至今日之辱。我
不屈身。則主上已在虎穴。何以保全。嗚呼。誰使我至此。耶。明年庚子秋七月
緬又來請天波。辭緬使曰。此行不似前當以客禮見。至則果如所言。乃因李
定國等兵。又至而僞爲恭敬。耳辛丑正月。緬酋以老避位。其弟莽猛白代立。
索賀禮。七月使誘從行者過河。議事。及至以二十人執一人。無得脫者。惟天
波出袖中。鎗擊殺十餘人而死。是時同死者馬吉翔以下四十有二人。而其
先以病卒。與婦女驚竄自縊者。不計。從行之文武。于斯盡矣。天波三子。其二
先病卒。獨忠獻在石屏。隨其婦翁。出降。居雲南。無恙。是年四月有梅

道人者與張琦尹士等謀逆。僞爲忠。圖書致鄂州。昌賢事發。張琦伏誅。
忠顯不免。謂其妻龍氏曰。吾且陷不測。汝娘已四個月。脫生子。可無絕先人
後。乃令內官滕九。帶白君愛引之。出許。言進香。卓岳。福。遂浮舟。至昆陽州。
忠顯逮入京。即以婢夏蓮。爲龍氏。真龍氏。乃在昆陽州。居六日。後走匿新興。
勝。永。騰。飛。蛟。兄弟。家。八月。產一男。名爲神保。乙巳三月。新興土酋王羅。祖
等。謀逆。聞神保在作。檄移。諸。蠻。以衣幣。迎龍氏。母子入山。期事成立。以爲主。
數日。戰不利。遷之法。冲白乃家。又令白君愛。別藏神保於騰氏。六月。俱捕獲。
之。解京。忠顯先在京。尚無恙。至是。并逮。訊。焉。嗚呼。沈氏。雖不血食。觀其舉家
殉國。可不愧稱世臣矣。

李定國

李定國者。陝西延安人。與孫可。劉文秀。艾能。奇。俱少從張獻忠。爲賊。張獻
忠。兒。寄之。因。冒。張氏。張獻忠。借。號。於。獨。置。平。東。撫。南。安。西。定。北。四。將。軍。而。定

國粹叢書

趙友錄

二十七

國學保存會
刊行

國以安。西。爲。號。賊。死。孫。可。等。至。重。慶。殺。曾。英。南。走。蔡。江。衆。無。主。欲。散。始
相。與。孫。孫。可。受。約。東。丁。亥。正。月。陷。貴。州。三。月。入。雲。南。定。國。孫。可。舉。分。兵。畧
定。迤。東。西。回。省。在。籍。御。史。任。僞。議。稱。孫。可。爲。國。主。設。六。卿。儲。典。朝。通。寶
鑄。以。平。支。紀。年。孫。可。欣。然。欲。帝。制。自。爲。矣。群。賊。本。起。等。夷。以。一。時。無。主。權
相。統。屬。非。心。服。也。定。國。尤。崛。強。每。事。相。抵。忤。孫。可。怒。因。他。事。執。定。國。于。演
武。場。杖。之。百。既。復。起。持。定。國。而。哭。曰。晉。以。大。義。辱。吾。弟。願。弟。改。心。與。共。濟。大
業。勿。相。戕。也。定。國。再。拜。謝。請。自。擒。沙。定。洲。以。贖。罪。由。是。心。恨。孫。可。已。丑。楊
孫。知。孫。孫。可。歸。歸。慶。慶。請。王。封。胡。自。思。恩。入。演。燒。封。孫。可。爲。秦。王。孫
可。始。於。奉。正。朔。會。慶。慶。敗。永。明。王。走。南。寧。孫。可。以。秦。封。非。真。歸。怨。執。政。使
賀。九。義。賊。殺。嚴。祖。但。楊。和。等。于。南。寧。迎。永。明。王。置。之。安。隆。所。以。兵。守。之。凌
逼。百。端。無。復。人。臣。禮。相。傳。其。疏。辭。云。人或謂臣欲挾天子令諸侯。不知彼時
尚有諸侯。諸侯亦尚知有天子。今天子已不能自令。臣更挾天子之令。以令

于何地令于何人其放縱無君類如此庚寅定國受封爲西寧王東攻靖州
江崗皆克之遂陷廣西敗定南王孔有德執陳那傳等北取永州衡州楚粵
間歸附者日衆不復受孫可復約東孫可復怒自至玩州使人邀與計事將
殺之定國率兵圍廣西永明王使使封定國爲晉王召之入衛定國感激誓
以身報孫可復聞之益怒殺安隆與謀者吳貞驥等一十八人定國愈懼孫
可復丙申十二月定國敢於新會馳回安隆奉永明王入滇劉文秀納之明
年秋孫可復自黔舉兵內向其下白文選馬寶馬維興等皆叛之歸定國孫
可復遂敗走長沙歸經畧洪承疇軍前降之于是定國與蜀王劉文秀並居
雲南而事權專歸定國定國于四將軍中與艾能奇並以勇猛稱而艾先死
楚粵之役連陷十數城殺兩王子其黨益熾憚定國性仇直與人無私
回滇孫可復之失事永明王盡禮進奉極豐不以威後士類人以此多之
然計慮籌畫不能及孫可復既稱國記室金維新者滇人也官少宰爲定國

國粹叢書 趙次錄 二一十八 國學保存會 刊

所信任群小爭趨之舊人失職多怨望于是王自奇等俱叛誅戮類行勢亦
漸衰矣戊戌劉文秀亦死矣大兵三路入雲南定國拒戰於安隆之涼水井
等處敗歸遂西走永昌永明王入緬甸定國伏兵于磨盤山原名高其山大戰不
勝走至銅壁關結營招集散失十馬使高允明先行馳報永明爲緬人所殺
不得達定國率衆駐孟定土府聞白文選在木邦移兵南島與之會先是定
國敗于安隆白文選在七星關亦潰歸留大理之玉龍關斷後追兵至白文
選在沙木和出右甸鎮康不與磨盤山之戰定國見之頗以相尤白文選不
悅及議所向定國曰我兵入緬緬苦供饋必相拒於境擊之禍結恐釀不測
不如探近邊險要地暫息士馬益招集散區兩人相爲犄角緬外憚吾兩人
在內者可無恐且得覩雲南動靜結連諸土司爲後圖白文選曰兩人俱在
外則在內者危不如我入緬護衛在外事王自任之白文選竟帥所部由錫
泊磨盤入緬定國知白文選不與同心亦移屯猛緬數月兵稍集元江土司

那崙與降將朱養恩許名臣高應鳳等謀應之事露守雲南者率師圍元江
定國方與孟良構兵不能救那崙等俱誅死賀九龍自南寧間道奔至孟良
妻子在雲南守者使其妻作血書付家人李啟豐至孟良招九龍賀九龍受
之不以告定國定國勢已敗見其黨多降益憤思金維新等皆杖死有以
賀九龍事告者因伏甲召賀九龍飲執而杖殺之散其兵皆無神將何起
則率之走至邊谷阿人滇降白文選抵確會江使人諭緬皆殺殺因渡江擊
之大敗緬衆緬使人僞約許移城給之陰召兵兵既集以巨礮擊白文選營
白文選不能支且糧匱乃回見定國于孟良定國曰曩不用吾言今仇怨已
結在彼者危矣庚子九月八日與白文選俱發自孟良分道入緬定國由右
白文選由左期以冬會於洞武迨乏糧士馬死區相續十月中定國至洞武
見洞江多船議欲分兵乘船渡江赴緒確迎永明王自率兵攻阿瓦以制緬
使毋來爭其下新統武曰分兵力單不如全力攻緬緬破日送還吾主矣乃

國粹叢書 趙次錄 二一十九 國學保存會 刊

俱望阿瓦而進遇緬兵於瑞羊岳擊敗之緬城三面阻江惟一面通陸自白
文選還後併鷺之引水爲湖爾隄三面置木城其上定國抵南噶喇江爲浮
橋以濟使人諭緬出王即回兵緬曾不聽乃進屯洞怕離緬城八十里白文
選屯象離離緬城八十里緬城於木城之外更立木城山兵守之明日木城
兵復前另立木城以守城內復出兵守舊木城步而前漸與定國營相近
乃大出兵與定國戰前隊皆象定國戰不利趨白文選赴援合力死戰大敗
緬兵天炎士渴不能追緬仍入城以守定國獲緬目不殺善待之諭令還王
終不聽謀渡江向緒確前洞武船皆已嚴匿使其下赴馬得狼犇角造船其
下自相攻殺出降復使人守江橋亦皆焚橋走定國計益窮窮五月緬酋弟弒
其兄自立盡殺從行文武官馬吉翔等四十有一人定國以十六舟渡江擊
緬不勝覆其五舟八月十八日與白文選俱引還洞武五日黑門坎白文
選軍在後其下勸之分道出雲南且以賀九龍事勸之白文選遂引而北定

因覺使其子李嗣興隨白文選以觀去向白文選部下勅兵回向嗣興嗣興怒亦勅兵迎之定國遣使召嗣興還曰吾弟兄數十人今惟存若與吾耳何忍更相戕吾前所以使爾隨之者冀其悔而復回仍與吾併力也既勅兵相向念已絕矣任彼所之我自盡吾事可耳遂率所部東向九龍江而進白文選北行遇吳三桂雷屯錫泊大兵至復走茶山馬寶等追及之遂出降而緬酋竟獻永明王于平西王吳三桂軍前定國在九龍江聞報東走景線王寅五月至猛臘士馬死日衆定國乃置贖自述平生所爲如天命已絕願速死母徒苦衆人未幾雲南四月二十五上崩之信亦至定國遂病以六月一十七卒于軍八月子嗣興自懷怯降與劉文秀子劉賢艾能奇子艾承俱入京受世職孫可留死其子孫某與王封一代後亦降爲公

國粹叢書

胡亥錄

三十

國學保存會刊

大臨始末

庚寅永曆四年冬十一月初五日桂林破初十日警傳梧州行在震動上登舟夜發陳邦傳從清遠過歸謀劫駕不得邀南藩舟之在後者并殺從官董英許鳳潘等於藤江十六日上幸潯州二十八日駐蹕南寧五年辛卯二月孫可留遣其將賀九義朱養恩張勝張明志等入衛貢欲賊殺阻奏封者內閣嚴起恒侍郎楊鼎和并劉堯珍吳霖張敬遠等咸遇害至此始真封孫可留爲秦王先是順治丙戌歲庸王襲殺流寇張獻忠於鹽亭其養子平東將軍孫可留安西將軍李定國撫南將軍劉文秀定北將軍艾能奇都督白文選馮雙龍等率潰兵奔重慶江平蜀侯曾英戰死丁亥春由遵義取貴州聞沙定洲之叛孫可留僞稱與黔國公復仇統衆疾趨雲南沙定洲者臨安蒙自土司也父沙源崇禎年與阿迷土司普名聲應調同征水西普名聲妻即沙源之女無子娶江右賈人萬氏女爲嬖妾生子普祚遠已而普名聲

國粹叢書

胡亥錄

三十一

國學保存會刊

子祚遠俱死沙定洲乃妻萬氏遂殺有二土司之衆兵勢轉強乙酉秋武定土司吾必奎叛奉調會勦至則吾必奎已就擒沙定洲留省不去心曠黔國私通其家奴阮的魯徐中和將張國用都司袁士弘等密謀內應以臘月初日擁衆焚掠黔國公府第沐天波懷印踰垣走母陳氏妻焦氏弟沐天澤沐天潤奔逃城北普吉邨舉家焚死沙定洲威劫巡撫吳兆元奪其印雄據府事丙戌春追沐天波於楚雄圍之沐天波走永昌洱海道楊世知傳報遠近悉力拒守逾年而楚雄不能拔丁亥三月二十八日孫可留屠交水二十九日屠曲靖沙定洲解圍楚雄遁歸阿迷遇孫可留兵於蛇花口戰敗集潰衆守保章孫可留出略迤西各郡縣楊世知迎戰於祿豐之啟明橋兵敗被擒臨降不屈孫可留重其人約與共肆明室俾致書通黔國公沐天波先遣其子沐忠順至劉文秀隨同往永昌邀之回省四月十八日省中人民先執阮的魯袁士弘檻送楚雄伏誅沐天波歸寸磔徐中和以謝國人沙定洲

據省凡五百五十日李定國擊引兵討征革奄其地乃沙定洲者巢有九山阻險爲李定國破十月四日嗣人降擒沙定洲兵氏躡躡之改阿迷曰開遠改蒙自曰樂新孫可與既據雲南自稱平東王儲與朝通寶錢造勅印設部脚科道官臨安縉紳任價等率衆擁戴尊之爲國主居然夜郎自大也李定國劉文秀艾能奇等與孫可與本倚伍一時雖推崇之各擁兵自雄抗不相下遇事多捍格李定國破征革奄後衆益懼之孫可與無以威其下思假王朝爵以自尊遂有封王之請科臣金鑾引祖制爭之甚力陳邦傳思結強援於滇遣胡執中矯詔賜孫可與爲秦王此己丑冬事也艾能奇死孫可與併其衆勢益張庚寅冬出師貴陽破定番侯皮爾兵於貴筑北攻進義忠國公王祥敗走自刎死孫可與復有黔中之地幸勿春楊世知入覲忿賀八節等跡逆抗疏自劾語侵孫可與上固以閣臣辦事孫可與怒遣指揮鄭國執楊畏知回黔殺之陳邦傳駐兵武靖州土司中秋八月遣盜刺殺國公焦維

國粹叢書 劫灰錄 三十二 國學保存會 刊行
函其首叛降於定南王孔有德九月引兵襲上二十八日上從南寧登舟擬移蹕廣南十月七日幸新寧十二月五日至瀾灘七日南寧陷上棄舟就陸孫可與遣將狄三品陳國德高文貴來迎六年壬辰正月三日至飯朝十二日次富川十三日次沙斗十四日次西洋江十五日次寶月關十六日至廣南孫可與遣總兵王愛秀上言廣南雖云內地界鄰交趾夷情且測安陸所隸貴州爲滇黔粵三省會區城郭堅固今已修葺行宮具糧儲可朝發夕至行幸莫此爲宜上從之二十五日發廣南次章卜二十六日次羅利二十七日次鼎貴二十八日次加浦二十九日次那羊三十日次任堂二月癸卯朔大呼馬二日次扇牙三日次板屯四日次板橋五日次箇沙六日幸安陸所詔改爲安龍府是時分道出師李定國下楚馮繼副之由黎平出靖州馬進忠由鎮遠出沅州會期武岡以圖桂林劉文秀入蜀王復臣副之張張先發等由永寧取叙州白文選由遵義取重慶會期嘉定以圖成都疏聞封李

定國爲西寧王劉文秀爲南康王五月李定國進攻靖元武岡諸州俱卜之駐軍武岡欲乘勝南下慮定南王孔有德蹙其後令諸營出新寧過八十里山徑趨全州各遣西勝營張勝鐵騎右營郭有名率精兵由西延大埠趨嚴關嚴關者入桂林要道也馮雙龍兵先至驛湖卒遇北騎力戰斬其驍將進破全州李定國至合諸軍向桂林時張勝郭有名已至嚴關立營關上定南王率數萬騎馳救會日暮引退次日兵薄關下張勝令軍士蓐食就戰北師銳甚象偵歸李定國斬御象者諸軍殊死戰象亦縱橫突陣定南王軍驚潰會大雷風雨如雹逃卒相騰踐伏尸盈野逐北者喋血而前孔有德退保桂林七月四日諸營士卒援梯登陴城陷定南王聚其妻妾縱火自焚收陳邦傳及其子陳曾再俘至貴州醴之孫可與以李定國所上函獲不盡入於滇叙功止及馮雙龍軍心大忿九月李定國北取衡州自南寧陷後胡一清趙中選馬寶曹志建諸部西屯粵西山谷間聞李定國至翕然響應長岳之間

國粹叢書 劫灰錄 三十三 國學保存會 刊行
俱震懼劉文秀之取叙州白文選之取重慶也其時平西王吳三桂已盡開川南各郡聞警回守保寧劉文秀窮力趨之王復臣曰吾師驕矣彼將致死於我以騎兵當死敵能無失乎不聽至保寧王復臣曰毋圍城圍城則帥分易弱必敗又不聽張先龍陣于西南軍容燭日吳三桂乘城望曰獨是可襲而取也選騎犯其壘果驚走全軍擾亂披靡王復臣戰歿劉文秀單騎退回孫可與奏削其王爵俾歸雲南自出兵沅州令白文選張虎攻辰州陷之十一月敬謹親王兵至衡州李定國與戰少却退走王精騎追之過險遇伏中交槍死李定國欽兵守武岡七年癸巳孫可與意忌李定國遊至沅議事將乘間圖之李定國覺其謀事所部竟從東安全州入粵孫可與追於後至花街子遇固山佟士賴兵戰敗引還各以武實之間爲界李定國得據有廣西與馬寶等由懷集東攻肇慶平南王尙可率師來援相持不能克上在安龍府弗弗寧處謂內侍張福全曰曰秦王無人臣禮漸見侵凌得西

府來迎庶可脫於險西府謂李定國也二人密謀之於閣臣吳貞毓翰林將
乾昌李元開刑科給事中張錦御史李頌胡士瑞部郎徐梅楊維趙廣禹蔡
慎鄭允元周允吉朱壽慶朱東且任斗場易士佳等會以文安侯馬吉翔為
孫可印腹心出之南寧祭陵十一月命林青陽充使命實密勸潛往册封李
定國為晉王召之迎駕再遣周官申諭勸詞哀切李定國掙讀感極涕零三
軍咸泣下然以行間多故未遑即作迎變之舉會有劉謙新者自李定國營
過南寧與馬吉翔談及此事馬吉翔陰使王受秀報孫可印諷劉謙新具疏
奏西藩受疏感激狀以實其言孫可印使人邀林青陽周官執至黔并召
馬吉翔質對八年甲午三月鄭國王受秀至安龍府械繫吳貞毓旋入朝縛
張福祿全為國出馬吉翔弟馬雄飛已密探同事者姓名先報孫可印竟依
數執之銀球成獄張福祿全為國張鐫處以極刑蔣乾昌等十四人棄市吳
貞毓以大臣賜自裁上震驚者累日孫可印恨李定國益甚願以擁兵外鎮

國粹叢書

趙煥錄

三十四

國學保存會刊

不敢輒與樹敵仍厚遇其妻子於雲南李定國亦防孫可印襲已于是年秋
南攻廣東高州破之雷廉俱為所有九年乙未上在安龍府守將承孫可印
意橫行侮逆歲造開銷册稱皇帝一員皇后一口月支銀米若干無禮於其
君若此李定國由高凉進攻新會十年丙申新會被圍久平南王尙可喜將
大兵救之李定國兵多病疫敗回南寧將由安龍入滇孫可印先令白文選
促上移黔上慟哭白文選心動曰徐之以俟西府數日李定國至奉上由安
南衛至雲南白文選歸孫可印復使之至曲靖邀李定國時守滇者為劉文
秀王尙禮王自奇賀九龍等劉文秀素怨孫可印聞李定國至私以數騎馳
迎共相盟約與白文選同奉上入雲南居孫可印府中封劉文秀為蜀王白
文選為蜀國公王尙禮為保國公王自奇為變國公賀九龍為保康侯馬吉
翔工彌縫仍以文安侯辦事內閣遣白文選回黔慰諭孫可印孫可印奪其
所部兵并空國公印然以妻子在滇未敢公為逆也十一年丁酉春上使張

送孫可印妻子還黔孫可印既無內顧慮遂舉兵反初諸鎮之自楚粵至
者皆聚於黔然人心離叛多不附孫可印馬進忠馬維興馬實與白文選情
最密謀助李定國從容為孫可印言白文選心背舊人才強出諸將上前為
李定國所屬使其心果外向必不復來今重用之必獲其力孫可印信從乃
以白文選為征逆招討大將軍總統兵馬前行自率大兵隨其後爾馬維興
守貴州李定國劉文秀全師至三岔相拒九月十四日白文選抵交水距三
岔至二十里輕騎走歸李定國軍具言群情歸附可一戰而走也李定國大
悅請封白文選為雲昌王孫可印聞變欲回馬維興等又言去一人何足重
輕遂爾撤兵恐為敵笑孫可印又信之曰彼悉衆出拒城中必虛因遣馬實
與漢川侯張勝由尋甸間道襲雲南自將擊李定國十九日兵既交馬實與
先潰走諸軍悉瓦解孫可印大敗逃回貴州馬實亦趨附李定國惟張勝直
抵雲南王尙禮謀翻城應沐天波挾與入朝共守之使不得發張勝知有備

國粹叢書

趙煥錄

三十五

國學保存會刊

馳回李定國聞報令劉文秀白文選東追自引兵還救遇張勝于渾水塘大
戰竟日擒斬之王尙禮自鳩死孫可印至貴州馮雙禮號之以追兵垂及孫
可印娶妻子赴長沙經略洪水賊軍前降馮雙禮斷後掩其輜重與劉文秀
白文選同歸雲南論功封馮雙禮慶陽王馬進忠為漢陽王馬維興為叙國
公馬實為淮國公賀九龍為廣國公十二年戊戌二月大兵分楚蜀粵三路
入黔李定國遣其將劉正國楊武守三城紅關諸要險以防蜀兵命馬進忠
等守貴州四月二十四日劉文秀病卒李定國公王自奇永壽伯關有才反殺
總兵徐祜李定國自率兵討之王自奇死有亂兵誅關有才于永昌內亂平
而貴州已不守矣大兵由蜀入者是月至三城劉正國由水西奔回滇晦日
取遵義由楚入者自鎮遠抵黔馬進忠等亦走五月蜀兵擊敗楊武於開州
之倒流水七月大兵由粵入者抵獨山州十月三路兵俱集自郡王自北至
會于楊老堡戒期入滇李定國受黃鉞誓師與馮雙禮相扼黔公背圖復貴州

別遣白文選守七星關抵生界次師示犯遵義以牽制蜀兵十二月蜀兵出遵義由水西以烈趨天生橋入烏撒白文選棄關走回露益泗城州土官岑繼駁導粵兵入安隆李定國從盤江回師拒戰連敗於安隆之羅炎凉水井撤寨回上聞報發滇都十三年己亥正月四日上駐永昌李定國還黃鉞待罪自請削秩不充二月二日大兵出雲南十五日白文選敗於大理之玉龍關十八日上次騰越李定國設伏潞江高黎貢山有降人洩定國謀二十一日分精甲先蹂躪其伏處而大軍由正路上殺傷相半而李定國不能支走孟定白文選亦走木邦報至騰越乘夜入南甸二十六日抵盛木河離緬境止十里沐天波入諭二十八日始啟關勸從官盡棄所携兵仗而後入是日抵蠻漢於時隨上啟行者無正人君子唯馬吉翔與司禮監李國華用事三四問其輩馮依翁合請譴欺上亦無如之何也二月朔緬人以四舟迎上從宜水陸分行十八日至井梗白文選以兵入緬二十一日緬人求撤止兵

國粹叢書

却灰集

三十六

國學保存會刊

馬馬吉翔從之五月四日緬人復以舟來迎五日離井梗七日至哩哇城下次于對河八日駐者梗緬人蓋草房十大間編竹爲城奉上居之餘各誅茅散處緬婦日末貿易初時饋獻頗豐諸人忘其在憂危中時或跣足短衣席地飲博寒廉鮮耻漸爲緬人所輕侮八月望日緬俗朝會之期逼沐天波往如其臣匍匐行禮沐天波耻之馬吉翔李國華猶以爲中秋令節酣飲皇親王惟恭所九月十九日緬進新殺命分給寮者馬吉翔多予其私人鄧凱忿爭擊之傷足十月造庚子年曆頒於緬人十四年庚子李定國白文選自孟良分道入緬會於洞武進攻阿瓦擊敗緬兵於瑞羊岳時從官資用盡竭馬吉翔李國華碎御寶以給之十五年辛丑二月李定國兵屯洞怕白文選兵屯象腿各離哩哇城八十里合擊緬兵大敗之擬造浮橋渡江至者梗迎上上而不果引還洞武五月二十二日緬酋莽猛白弒其兄自立七月十八日請諸從人過河與呢水十九日馬吉翔李國華盡拉松滋王沐國公已下

共四十有二人往就製緬酋以兵圍殺之惟鄧凱傷足不能行得免上經險逾時始定十一月八日平西王吳三桂兵至木邦白文選迎降二十一日入緬甸境十二月朔日吳三桂兵至舊晚坡三日未刻緬人請上移蹕皇太后皇后皇太子隨行二更渡河到營始知爲平西王軍前也明年壬寅四月二十五日上崩於雲南六月二十七日李定國病卒於猛臘至是而明統亡

國粹叢書

却灰集

三十七

國學保存會刊

舟山始末

舟山四面皆海元為昌國州或云句踐欲置吳王夫差於甬句東即此地也崇禎年省入定海參將黃斌卿守其地斌卿與化衛人後歷陞廣西總兵官南都區遁歸得附隆武勳進上言舟山為海外巨鎮西連越郡北裨長江為進取要地宜設重兵鎮守上從之封斌卿伯爵賜劄印聽其率兵屯彼便宜行事丙戌六月浙兵潰盟國魯王由紹興入海富平將軍張名振令中軍方簡扈從至舟山黃斌卿不納飄泊外洋鄭彩遣平南將軍陳璘迎王入閩界駐中左所王以海高皇帝十世孫父尊睿歸崇禎十六年北兵破兗州自縊死十七年國變南下弘光駐王於台州乙酉六月浙東熊汝霖孫勳馮元錢濟樂諸公起義張國惟陳函輝朱大典等迎王監國以丙戌為魯元年七月延平破隆武走汀州為追騎所及崩於福京十二月鄭成功建義風門無意崇奉監國仍稱明年丁亥為隆武三年於是鄭彩奉王次長垣亦稱

國粹叢書

知友錄

三十八

國學保存會刊

明年為監國魯二年海上遂有二朔丁亥王在長垣進鄭彩為建國公張名振為定西侯命翰林張煊督監張名振軍戊子監國魯三年王次閩安鎮已丑監國魯四年王次沙埕初時三吳義旅走蠟書求援於海上黃斌卿不應張煊勸張名振就其約連艘二千餘次白米沙洗砲龍驚舟師震蕩張名振於洪濤中遇蓬為援登岸脫歸黃斌卿將謀害之因去舟山而營於南田平西將軍王朝先駐蛟關黃斌卿命朱致陸倅劫之橫水洋王朝先跳水免妻子死焉張名振厚卹之亦飲餘兵別屯鹿頸兩人恨黃斌卿甚交思所以謀之未發也己丑六月張名振復健跳所七月鄭彩棄王去兩年來閩地勝沒不常王得栖栖萍泊至是而閩界盡失無所歸焉張名振同王朝先阮進迎王次健跳所王封王朝先為平西伯而黃斌卿始終不奉王命三人遂合辭請討之九月二十四日力攻舟山黃斌卿勢窮赴海死十月己酉王率文武諸臣始駐舟山庚寅監國魯五年周鼎芝等分屯溫之三盤以相犄角辛

卯監國魯六年二月乙卯張名振襲殺王朝先以其貳己也七月北師會伐

舟山松江張天祿出崇關金華馬進寶出海門陳錫總督全師出定海八月張名振聞警會議堵禦之策阮進獨當定關張煊督率兵斷北洋張名振督諸將遏南來之師安洋將軍劉世勳守城王登舟泊道頭丙寅天大霧敵艦悉抵螺頭門守陣者不知也阮進發火器投北舟風煙帆轉火傷進面削甚被執九月丙子城陷劉世勳等率義勇巷戰被殺張名振兄名揚母李氏妻馬氏抱少溪公木主一門縱火焚死大學士張曾堂冠帶焚香北面拜同妻媳女孫俱就縊禮部尚書吳鍾巖印及所註易經于懷積薪自焚吏部侍郎張永執見北帥令刺髮曰吾髮可斷何待今日踞坐受僕負其尸出流血襟服哭曰吾生生前好潔今無知耶血即止兵部尚書李向中居憂城外為北兵搆得殺遂就義通政使鄭遵倫兵科給事董志寧兵部郎中朱養時兵部主事林瑛江用樞禮部主事董志寧兵部主事李國圖朱萬年顧珍

國粹叢書

知友錄

三十九

國學保存會刊

工部主事顧宗堯中書舍人蘇兆人工部所正戴仲明錦衣指揮王朝相內官劉朝定西祭謀顧明標諸生林世英俱死之北帥留巴山與屯守舟山壬辰監國七年張名振與張煊言屈王復至中左所尋居金門張名振張煊言遂依延平王麾下癸巳三月王去監國號張名振請於鄭成功與兵二萬人北上進營崇明破京口入長江題詩金山寺有十年橫海一孤臣之句兵勢頗振賊酋伯朝孔昭等皆歸焉冬初回廈門思歸之功傷其所談更益之以兵甲午正月六日再至京口劫殺相持轉圍無已蔡將阮姑娘歿於陣復攻崇明敗績姚志卓戰死城下乙未八月延平王遣阮陳壽之等攻復舟山張名振入城祭母哀感三軍十一月癸亥二十八日夜太星隕於海光芒有聲亥刻名振起坐樓床寶蓮呼先帝而逝丙申八月二十六日舟山再陷歲丁酉遷其民入界內監國至壬寅十一月十六日薨於金門諸舊臣葬之以禮